

გ. კულხიდალი.

გლეხების აჯანყება სამეგრელოში

1857 წ.

და

სახალხო ტრიბუნა

უ ტ უ მ ი ქ ა ვ ა.

(ისტორიული მონოგრაფია)

გამომცემლობა „თვით-ურომა“

თბილისი—1926.

---

ნებადართულია ს. ს. რ. გან. კომ. ლიტ. და გამ. საქმ.  
მთავარი სამმართველოს მიერ № 2070.

---

პოლიგრაფტრესტის მე-2 სტამბა, ლენინის ქუჩა, № 3.  
მთავლიტი № 2070      შეკ. № 3224.      ტირაჟი 6000

## წინასიტყვაობა.

მე-19 საუკუნის სიგრძეზე ქართველი ერის ისტორიის ფურცლები უხვად აქრელებულია როგორც პოლიტიკური, ისე აგრარული ხასიათის აჯანყება-პროტესტებით. უკანასკნელი სახის მოძრაობა გაცხოველებული იყო ჩვენს ქვეყანაში მე-18 საუკ. დამდეგსვე, მაგრამ მე-19 საუკუნეში იგი უკვე ლეგალობს ჩამოყალიბებულ ფორმას; პერსონალურ, ფირალური ბრძოლის პარალელურად განსაკუთრებით ბოროტ ბატონებთან (როგორც მაგ., არსენა), ადგილი აქვს მთელს რიგ ორგანიზაციულად შექავეშირებულ გამოსვლა-აღელვებებს ბატონ-ყმობის წინააღმდეგ. ასეთი იყო კახეთის აჯანყება 1812 წ., გურიის ამბოხება 1842 წ., 1858 წ. კი იმერეთის მღელვარებანი.

წინამდებარე მონოგრაფია 'ემსახურება სწორედ ამ ამბოხებათა წყების ერთ-ერთ თვალსაჩინო ნიმუშის—სამეგრელოში 1857 წლ. გლეხების აჯანყების—ჯეროვან მიმოხილვას, რომელიც ამ ამბოხებათა კრებულში თავის სიფართოვე-მიღწევებით უნდა ჩაითვალოს მეტად მნიშვნელოვან და საგულისხმიერო ისტორიულ აქტად. მიუხედავად აუცილებელი დეტექტებისა, მაინც ვფიქრობ, რომ ეს ისტორიული მონოგრაფია უეჭველად სასარგებლო იქნება ჩვენი ისტორიის მე-19 საუკუნის სოციალ-პოლიტიკურ მოძრაობათა მთლიანი სურათის წარმოსადგენად.

ავტორი.

P. S. წყაროები, რომლითაც ამ მონოგრაფიისთვის ვსარგებლობდი, ბოლოშია აღნიშნული.

---

## I. აჯანყების სოციალ-პოლიტიკური საფუძვლები.

გასული საუკუნის 50-ანი წლების სამეგრელო, მიუხედავად იმისა, რომ იგი XIX სკ. დასაწყისიდან (1 დეკემბერი 1803 წლ.) რუსეთის ქვეშევრდომი იყო, ისევ საშუალო საუკუნეების ფეოდალურ ჩარჩოებში იმყოფებოდა.

ბატონ-ყმობა და მასთან დაკავშირებით ძველ ფეოდალ დადიანთა განუსაზღვრელი თარეში გლახს ისევ ძველებური სიმძიმით აწვა კისერზე; უკანასკნელს ამ მხრივ ცოტათი მნიშვნელოვანი ცვლებადობაც არ განუცდია თავის სოციალურ ყოფა-ცხოვრებაში. პოლიტიკურ ვითარებაში კი-1853 წ. ამტყდარ ყირიმას ომმა (ოქერ ფაშის შემოსევა სამეგრელოში) თავის უარყოფითითა და დადებითი შედეგებით ახალი რამ შეიტანა სამეგრელოს მდგომარეობაში. ამრიგად, ძველი, ფეოდალური ყოფა-ცხოვრების სიმწვავემ ეოთის მხრივ, ყირიმის ომის შედეგებმა და თანდათანობით საქართველოში რუსეთის კულტურის შემოსვლა-განმტკიცებამ და პოლიტიკურად ძალა-უფლების, დაპყრობამ მეორეს მხრივ — შექმნა სამეგრელოსათვის ის სოციალ-პოლიტიკური საფუძვლები, რომელიც სარჩულად დაედვა გლეხების 1857 წ. აჯანყებას სამეგრელოში. ამ სოციალ-პოლიტიკური მიზეზების თანდათანობითი განხილვა საშეალებას მოგვცემს სათანადოდ ჩავსწვდეთ ამ აჯანყების ისტორიულ აუცილებლობაში.

**ბატონ-ყმობა** ერთი მნიშვნელოვანი აქტია ამ სოციალ-პოლიტიკურ ვითარებაში. როგორც საქართველოს დანარჩენ ნაწილებში, ისე სამეგრელოში, ბატონების თავდაუქერელმა თვით-ნებობამ შემუსრა უკანასკნელი ადამიანური შეხედულებანი ყმის შესახებ, გაამეფა მხეცური დამოკიდებულება ბატონსა და ყმას შორის და შავი დღე დაუყენა უკანასკნელს. ასე რომ, შეიძლება ითქვას, არ არსებობდა არავითარი განსაზღვრული წესები განსაზღვრული გარემოებისათვის. დამოკიდებულება ბატონსა და ყმას შორის პირადი შეხედულება-განზომივით იფარგლებოდა ხოლმე, რამაც დროთა მსვლელობაში მიიღო ერთგვარი ტრადიციული დასტური. თუ ჩვენ მოვიწადინებთ სამეგ-



რელოს ბატონ-ყმობის მკრთალი სურათის გადაშლას მინც, ამ ტრადიციული დასტურის ქვეშ გატარებულს, რომელიც ნიშანდობლივად სამეგრელოს ახასიათებს (განხე ვტოვებთ იმ პირდაპირ გადასახადს ნატურით, რომელიც ვალად აწვა გლენს ბეგარის სახით), უწინარეს ყოვლისა, საკითხის ასეთი მიდგომით, თვალთ გვეცემა მთავრის და საერთოდ მაღალი წოდების ხეტიალი მთელი წლის განმავლობაში, განუწყვეტელი დროის ტარება ყმებთა ოჯახებში. ჯერ კიდევ მე-XVII სკ. ცნობილი მოგზაური შარდენი აი რას გვეუბნება ამის შესახებ: „სამეგრელოს უმაღლეს კლასს უფლება ჰქონდა თავის ქვეშევრდომთა სიმდიდრესა და სიცოცხლეზე; ჩადიოდა ყველაფერს, რასაც მოისურვებდა; მიჰყავდა ქალები, ბავშები, ჰყიდდა მათ და მოიხმარდა ყველაფერს, რაც წამოვლანდებოდა ხოლმე. თვით გლენს თავის ბატონთან მიჰქონდა: პურის, პარუტყვის, ღვინის და სხვა ნაწარმოებთა განსაზღვრული ნაწილი; ბატონის სიმდიდრე განისაზღვრებოდა გლენსთა რაოდენობით. თითოეული გლენი წლის განმავლობაში რამდენსამე დღეს ინახავდა ბატონს თავის სურსათ-სანოვავით, რის გამოც უმაღლესი წოდება წლის განმავლობაში გადადიოდა ერთი ადგილიდან მეორეზე და მით ღრღნიდა თავის გლენობას, ზოგიერთ შემთხვევაში სხვებისას, რაც ერთნაირად ნიადაგს უმზადებდა იმ არე-დარევას, რომელიც ხშირად ურთიერთ შორის სასისხლო შეტაკებებს იწვევდა ხოლმე. მთავარიც სწორედ ასეთ ცხოვრებას ატარებდა. ძნელი იყო ყოველთვის გაგება იმისა, თუ სად იმყოფებოდა ის<sup>1</sup>, მას მთელი მისი ოჯახი, ქალები, ბავშები, მსახურნი, სტუმრები, დესპანნი და სხვა საპატივცემულო უცხო პირები თან დაჰყავდა: ყველა ესენი შეადგენდნენ შინა ყმათა უშველებელ წრეს<sup>2</sup>“.

შეიძლება ეს ადგილი გადაქარბებულად ჩაგვეთვალა შარდენის მხრივ, მაგრამ 150 წლის შემდეგ, მე-XIX სკ.-ს დასაწყისშია, მსგავსი ვითარების გადმოცემას ვპოულობთ ჩვენ იმერეთის და გურიის 1804 წ. მმართველი რუსის მოხელე ლიტვინოვის აღწერილობაში: „თავადები, ამბობს ის, იყვნენ დესპოტები თავის ქვეშევრდომთა მიმართ და მცხოვრებთა ავლა-დიდება ხომ თავადებისა იყო. სამთავრო თავადები ატარებდნენ განსაკუთრებულ ყოფა-ცხოვრებას: ქოხი და ფაცხა მათი სასახლეები იყო. იკვებებოდნენ ისინი იმ მცხოვრებლების

<sup>1</sup>) ხალხური ანდაზა: „დადია მობრძანდება და ბაჩია გზაზე იყო დაჩოქილი“-ო („დადია“ მოზოჯუნცია დო ბაჩია შარას გილაჩოქედუა) — სწორედ მთავრის ასეთ უსახლგრო ხეტიალში პოულობს თავის განმარტებას.

<sup>2</sup>) იხ. К. Боровднн, გვ. 126-7;

ხარჯზე, რომლებთანაც დახეტიალობდენ და რჩებოდენ იქ მანამდე, სანამ არ გამოაცლიდენ იმათ უკანასკნელ საზრდოს; მაშინ კი ერთის მხრივ სიმშლილი და მეორეს მხრივ ძარცვა და ძალადობანი კარის-მსახურებს, რომელნიც სარჩოს ეძიებდენ, აიძულებდა მეზობელ სოფელში გადაბარებას. ასე დაბოგავდენ ისინი მთელს სამთავროშია (ოფლიდან სოფლამდე<sup>1</sup>) (ibidem, 128). მაღალი წოდების ასეთი ყოფაცხოვრების სახე, დაკავშირებული ვითომდა ისეთ ტრადიციულ მოვლენა-ჩვეულებასთან, როგორიცაა სტუმრობა, ძირიან-ფესვიანად ანიავებდა გლეხის სარჩო-საბადებელს. უმაღლესი წოდების ასეთი ხეტიალი<sup>2</sup> მის ქვეშევრდომთა ოჯახებში არ შეწყვეტილა უკანასკნელი მთავარ დავითის დროშიაც. ამას მოწმობს ამ საქმის გამო დღემდის ცოცხალი ტერმინი „სურია“ (სტუმრობა) ან „გოკკომური“ (გამოკამა).

რაც შეეხება ბატონის პიროვნულ უფლებას, მის ნორმებს, აქ მდგომარეობა უფრო უნუკეშო იყო. აი როგორ აგვიწერს ბატონის უფლებას ყმაზე მე-XVII სკ. მისიონერი სამეგრელოში არქანჯელო ლამბერტი: „აქაური ბატონის უფლება ბევრად აღემატება ჩვენი იტალიელი თავადების უფლებას, რადგან აქაურ ბატონს შეუძლია გაასამართლოს თავისი ყმა და ყმას ნება არ აქვს მის განაჩენზე იჩივლოს თვით მთავრის წინაშეც. ბატონს შეუძლია არამტყუ დაატუსაღოს თავისი ყმა, არამედ აწვალოს და სასტიკად დასაჯოს ის, მაგალითად მოსკრას ყური, ფეხი, ამოსთხაროს თვალები, წაართვას ყოველივე ქონება და მოუსპოს თვით სიცოცხლაც. გარდა ამისა, თუ რომელიმე ყმა უშვილოდ გადავიდა, მისი ყოველივე ქონება რჩება ბატონს. ზოგჯერ, როცა ყმას მარტო ერთი მცირე წლოვანი შვილი რჩება, ბატონი ამ შვილს ჰყიდის ხოლმე ოსმალეთში და მისს მემკვიდრეობას თითონ დაიჩემებს. ამრიგად მეგრელების [sic!] სიმდიდრე ყმების სიმრავლეზეა დამოკიდებული.“ არსებით ცვლილებას არ ჰქონია ადგილი მე-XIX სკ.-ც: „სასჯელი, რომელიც აქ იხმარება შემდეგია: „ადამიანის სხვადასხვა ორგანოთა ჩამოშორება, თვალების ამოთხრა გახურებული რკინით, ცოცხლად მიწაში დამარხვა, მარხავენ განსაკუ-

<sup>1</sup> ასეთმა ხეტიალმა პოვა შესაფერი გამოძახილი თვით ხალხურ შემოქმედებაშიაც; ჩვენის აზრით ამისი გამოძახელობა სახალხო ფრიად პოპულარული სამეგრელოში: „ვო ბურლა დო ბურლა გოდა“-ს ლექსი, იხ. Хр. Г р о з д о в, Мингрельский народные песни, стр. 22-23.

<sup>2</sup> „სურია“-ს ერთ-ერთ ტიპურ ილუსტრაციას იძლევა ბეკო საბატარის (1852 წლ.) სახით კ. ბოროზდინი თავის ერთ ბელეტრისტულ ფრაგმენტში: იხ. Из прошлого Мингрелии К. А. Боровдина (Ежемесячные лит. приложения Нивы, Май 1897 год).

თრებით კირში, რასაც შემდეგ წყალს გადასხამდენ, რომ კაცი თანდათან გახრწნილიყო, წვავენ ცეცხლზე და სხვა<sup>1</sup>. აღნიშნულ სასჯელთა შორის ყველაზე უფრო სასტიკად მიაჩნდათ დაბრმავება ცეცხლის შემწვობით<sup>2</sup>.

ხუნდები, ქანჩები<sup>3</sup>, ხაჯალურები (დასაბამი ჯაჭვი) ყოველ დღიური ჩვეულებრივი დასასჯელი საშვალელები იყო და მათზე განსაკუთრებით ვერ შევჩერდებით; ვერ შევჩერდებით მით უფრო, რომ ასეთ შემთხვევებში თითოეულს სასჯელს ჰქონდა თავისებური სპეციფიკური სახე: თითოეული მებატონე თავის ნება-სურვილითა და შეხედულებით აწესებდა სასჯელის ნორმას გლეხობისათვის.

ქვემოთ აღნიშნული საბუთი, რომელიც გადმომცა პატ. სარგის კაკაბაძემ, იძლევა ასეთ მოვლენების ერთ ფრიად საგულისხმიერო ნიმუშს:

„გამოცხადება ჩუცნს მენგრელიის სამთავროშიდ № 133 იანვარს 31 დღესა 1840 წელს: ბრძანებითა მისის უგანათლებულესობისა მშობლისა ჩემისათა, მე ამითა განუცხადებ ყოველთა კნიაზთა და აზნაურთა, რომელ მშობლისა მიერ ჩემისა და ჩემ მიერ მრავალგზის არს შენიშნულ, რომელ რომელმე უფლებიან კნიაზ და აზნაური ექცევიან თვისთა ყმათა სასტიკად და უწყალოდ; თუმცა მშობლისაგან ჩემის მრავალგზის დამტკიცებულ არს, რომელთამე და თითქოს მრავალთა და აზნაურთა ესრედ უწყალოდ, გარნა ყოვლითა მით არა დაუტეიებენ მას, ვითაარცა ახლა ამ ჟამად შეუდგა რომელ კნიაზმან თემურყუა ანჩაბაძემ თვით დასჯა ქორის გაქცევისათვის მისის გლეხის ბახუტა აფშილაფას მიერ, გააკეთა ზანდუეკი მზგავსად კუბოსა და მას შინა ყავდა დამყვივიებული იგი აფშილაფა რამდენსამე დროშიდ და აპურებდა მას გამოკრილ მას შინა თანჯრიდან. ესრეთი იმა ანჩაბაძისა ქცევა წინააღმდეგ არს საზოგადო ცხოვრებისა და არს არა კაცობრივობა, რომელიც მოყვა-

<sup>1</sup>) იხ. Рапорт Литвинова к Цицианову от 25 окт. 1804 г. №109. Суджуня: Ак. Кав. Арх. Ком.; том II, 72. 410.

<sup>2</sup>) იხ. La Mingrelie (Ancienne Colchide) par S. Mourier, Odessa 1883, გვ. 301-302.

<sup>3</sup>) ქანჩი ხის კახაკებთან იარაღი იყო განსაკუთრებით დამნაშავეის გამოცხადებად გამოყენებული, ჩაუდებდენ მასში თითებს, მოუჭერდენ და აცილებდენ.

ნილ არს მმართველობის სმენამდე. მე ვასრულებ რა ნებასა მოსის უგანათლებულესობისა მშობლისა ჩემისა ფიცხლად დაუმტკიცებ უფლებით კნიაზ და კეთილშობილთა ამიერიტგან ანუ კუალად არვინ გაბედოს ქმნა თვისთა გლახთა ზედა სასტიკი და უწყალო დასჯა და უკეთუ შემდგომ ამა გამოცხადებისა ვინმე გაბედავს ქმნასა ესრეთის დასჯისასა თვით თავისი ნებით, მაშინ ისრეთი მოქცეული იქნების დაუხედველად ვითარცა პარი იქმნების ყოვლითა სიუციხლითა. გარნა არა მიეცეს მიზეზი უსმენლობისა ანუ უმორჩილებისა გლახთა თვისთა მებატონობითადმი ძალუქთ დასაჯვად მცირეს დამნაშაობისათვის კაცობრიულად და არა სასტიკად. დიდსა დამნაშაობასა შინა ყოველნი თანამედებ არიან წარმოდგენად ისრეთისა მისის უგანათლებულესობისა მშობლისადმი ჩემისა ანუ ჩემდამი მოსაპყრობლად დადებულ კანონისამებრ.

მემკვიდრე მენგრელიისა დავით.

შემდეგ ხელს აწერენ განცხადების მოსმენაში თავად-აზნაურნი (15 ხელის მოწერა).

ამ სხარტული ექსკურსიიდანაც აშკარად ჩანს ყმის „რაობა“ ბატონის წინამე; ყმის, როგორც ადამიანის, ხსენებაც ზედმეტია<sup>1</sup>.

„მაღალი კასის“ განუსაზღვრელი განაჩენი ყველაზე უფრო მძაფრად აწვა ყმების იმ კათეგორიას, რომელიც იწოდებოდა სამეგრელოში „მოჯალაბეებად“ (დოლმახორე). „მოჯალაბე“ ეს ყველაზე უფრო დაბალი ყმა იყო. თამამად შეიძლებოდა მისი როგორც გაყიდვა, ისე მზითვის სახით ქალზე გადაცემა ნაწილობრივ ან მთელი ოჯახით: მას ევალებოდა ყოველგვარი სამუშაო და განსაკუთრებით კი ღომის ცეხვა, რაც ყველაზე სამარცხვინო საქმედ ითვლებოდა სამეგრელოში<sup>2</sup>.

რაც შეეხება განსაკუთრებულად ყმებით ვაჭრობას, იგი ჩვეულებრივ მოვლენად იყო გადაქცეული. დიდიხანი არ იყო გასული მას შემდეგ, რაც დაღიანი ოსმალეთის სულთანისაგან რეკვაზიტებურ

<sup>1</sup>) „ვინ აღამიანი? სადაური ადამიანი“—ო? წამოხტა და წამოიძახა გაღიზიანებული მურხაყანმა (ალქახანამ; „ყმები თუ ადამიანები, ჩვენი მურხაც ადამიანი ყოფილა აბა“ (იხ. „მოჯალაბე“ კირილე შუთისოფლელისა 1914 წელი: „სახალხო ფურცლის“ სურათებიანი დამატება, № 12, გვ 1).

<sup>2</sup>) О крестьянском сословии Мингрелии Р. Эристова: Кавказская Старина за 1873 год, № № 4-5,

მოწერილობებს ლებულობდა სამარცხვინო ხარკის წესიერად გარდახდის შესახებ...

ამ „რეცეპტში“ დაწერილებით აღნიშნული იყო ის სავალდებულო ნორმა, რომელიც უნდა დაეკმაყოფილებინა დადიანს ოდიშიდან გაგზავნილი ბავშვებისა და გოგოების სახით (მოყვანილობა, სიმალე, თვალები, პირი, თმა, ადამიანის სხეულის სხვა ნაწილების ფორმა, რასაკვირველია ოსმალეთის სულთანისა და ფადიშაჰის გემოვნებასთან შეფარდებით). თუმცა ოფიციალურად ეს ხარკი მოსპობილი იყო, მაგრამ არა ოფიციალურად, ვაჭრობის სახით, მას უკანასკნელი მთავარ დავითის დროსაც დიდი გასავალი ჰქონია<sup>1</sup> და ქალაქი ანაკლია ტყვეთა გასყიდვის მოცდნად ქცეულა.

ათასგვარი საშვალემა იყო იმისათვის, რომ თავისუფლად გაესეირნათ გლეხის ხარჯზე და აქ საჭირო არ იყო არაერთარი ოინები და მოხერხება, არამედ თამამად შეიძლებოდა ყველაფრის გამოსახვა სასურველ ფორმებში, მაგალითად, მიბრძანება და გაჩერება გლეხთან კვირის განმავლობაში, პირუტყვის წართმევა სამათლიანი ბეგრის სახით ანდა ბოლოს ვითომდა შემთხვევით ნაჭერი მიწის ჩამოქრა მეზობლისათვის გადასაცემად და ათასი-ასეთები. მიზეზთა საქმე-ბარი საშვალეებანი ფრიად მრავალფეროვანნი იყვნენ; გლეხის თავზე განუწყვეტლივ ეკიდა დამოკლესის მახვილი და ამ სთვის სიამოვნებრი ბტოვებდა ის თავის სამშობლოს და მიდიოდა კახეთში სამუშაოდ (კურსივი ჩენია). აქ თვისი შრომა მას სავსებით აკმაყოფილებდა და არა იშვიათად პოულობდა იგი საშვალეებს ფულის სახით, რომ სავსებით გაყროდა თავის მებატონეს<sup>2</sup>

ბოლოს, „დაბალი წოდების“ უფრო დაახლოვებული მდგომარეობის გამოსარკვევად ჩვენ შეგვიძლია მოვიყვანოთ 1865 წლ. კამერალური აღწერილობიდან სტატისტიკური ცნობები, რომელშიაც აღნიშნულია „მაღალ“ და „დაბალ“ წოდებათა რიცხობრივი შეფარდება. როგორც ამ აღწერილობიდან ჩანს, სამეგრელოს მთელი

1) გრიგოლ ბოკუჩავას სახლში ნაპოვნ ერთ-ერთ საბუთიდან როგორც ჩანს, უკანასკნელი მთავარი დავითი თავის ოფიციალურ მიმოწერაში სუჯუნის მაზრის მდივანბეგ ვამეხ დადიანისადმი 1848 წ. წერს უკანასკნელს, რათა მან:

„რიუცილებლად წარგზავნოს სამხედრო სასამართლო კომი იაში ქუთაისს ახნაური უჩარდია გაბუნია, კოთხვისათვის მის საქმესა გასყიდვისათვის სჯულის წინააღმდეგობის ორთა. ყ-მათა ციბაძისა და ფირცხელაძისა.“.. (სამეგრელოს მუხეზში. საარქივო განყოფილება, № 480).

2) ბ. Крепостное состояние в Мингрелии К. А. Боровадня, Тифлис 1865 г., გვ. 66.

მოსახლეობა შედგებოდა 25,479 კომლისაგან; თუ თითოეულ კომლში ორივე სქესიდან დაუშვებთ 5 სულს, მივიღებთ სულ 127,395 სულს. ამ რიცხვიდან ნაწილდებოდა:

„მაღალი კლასი“:

1) ბატონიშვილები . . . . .	215 სული
2) თავადები . . . . .	1,309 „
3) აზნაურები . . . . .	10,361 „
4) სამღვდელეობა . . . . .	2,340 „
	<hr/>
	სულ 14,225 სული

„დაბალი კლასი“:

1) აზატები . . . . .	2,875 სული
2) მსახურნი . . . . .	19,935 „
3) გლეხი ან მარგალი <sup>1</sup> . . . . .	85,520 „
4) მოჯალბე . . . . .	4,950 „
	<hr/>
	სულ 113,280 „

ასეთი იყო დაახლოებით „დაბალი წოდების“ მდგომარეობა ოდიშში გაბატონებული „მაღალი წოდების“ წყალობით.

**შპანასკნელი მთავარი დავითი (1842—1853).** სამეგრელოს მთავარ ლევან დადიანის შემდეგ მართვა-გამგეობა წილად ხვდა რუსეთში აღზრდილ დავითს. სწავლა-განათლებით აღჭურვილი დავითი შეუდგა თავის სამთავროს საქმეების მოწესრიგებას. ხოლო მოსაწესრიგებელი ბევრი რამ იყო. თავად-აზნაურობის აღვირახსნილობა და გაფუქსავატება, ხალხში გაბატონებული ძარცვა-გლეჯა და ყოველგვარ წესებს მოკლებული, ანარქიული მართვა-გამგეობა მოითხოვდა მტკიცე ნებისყოფის მმართველს, მრისხანესა და სასტიკ ადმინისტრატორს. ასეთი მოვალეობა იკისრა ახალგაზრდა მთავარმა. ზუგდიდში გაჩნდა სასახლე და მშვენიერი ტროპიკული ბაღი, სამზარეულოში chef le cuisine შვეიცარიელები-საგან, სასახლის კარზე მთელი გროვა „ლამაზი, ახოვანი და მარდი“ მეგრელი თავადების ახალგაზრდობისა იყო; იგი მორიგეობდა სასახლეში, უკეთებდა მოხსენებებს მთავარს სტუმრებისა და მოხოვნელების შესახებ, ასრულებდა ბრძანებებს და „ბრწყინვალე“ შინაყმის სახით

<sup>1</sup>) „მეგრელი“ (მარგალი) მეგრელთა თანამედროვე შემეცნებით აუცილებლად წოდებრივი, კლასობრივი ტერმინია, plebei-ს, დაბეჩავებული კლასის აღმნიშვნელი და არა ტომობრივი.

ყველგან აცილებდა მთავარს თავის მეუღლითურთ.<sup>1</sup> სამთავრო უწყების ამ გარეგანი ფორმის მოკვარების შემდეგ, ის შეუდგა უწყების შინაგანი საქმის მოწესრიგებასაც და უპირველესად ყოვლისა განიხილა სამთავრო დებულება და შეიტანა მასში არსებითი ცვლილებები: შესცვალა წესდება, რომლითაც თანამდებობა მემკვიდრეობით გადადიოდა მამიდან შვილზე. სამთავრო დაყო სამოღენსამე ოლქად და თითოეულ 4 ოლქში დააწესა სასამართლო და „პოლიციის“ საქიროებისათვის დააყენა მდივან-ბეგები მათი თანაშემწეებითა და ბოქაულებით.

უმაღლეს სააპელაციო სასამართლოს სახით დაარსა მართლ-მსაჯულების უზენაესი ორგანო პირველი რიგის მდივან-ბეგებისა და რჩეულ თავად-ახნაურთა წარმომადგენლებისაგან შემდგარი.

ბოლოს აღმასრულებელი ნაწილის უმაღლესი მმართველობისთვის დააყენა ბოქაულთ-უხუცესები. სამსახურიდან გადააყენა თავის მამის მარჯვენა ხელი, მთავარი ვეზირი, „დიდ-ნიკოდ“ წოდებული, კაცი მეტად მოქმედი და გონიერი. ამ გარემოებამ კი მას დიდ-ძალი მტრები შეჰპატა, რომელთა რიცხვში განსაკუთრებით აღსანიშნავია „დიდი“ ნიკოს შვილები: გიორგი, პეტრე და ბესარიონი. ესენი მამის ასეთი შეურაცხყოფის გამო შურითა და გესლით იყვნენ აღსაესენი და ეძებდნენ მოხერხებულ დროს, რომ აშკარად გაელაშქრათ მთავრის წინააღმდეგ, თუმცა ყველაფერი ეს ერთგვარ ფარისევლურ ჩადრში იყო გახეული. საერთოდ თვით მაღალი წოდების ახალგაზრდობაც მეტად ცუდ მდგომარეობაში იყო ჩაყენებული დავითის პოლიტიკით: ჯერ ერთი, სწავლის მისაღებად ნებართვის მიცემა მთავრისაგან განსაკუთრებული, იშვიათი წყალობა იყო. სწავლის მიღების შემდეგ, საბჭობლოში იძულებით დაბრუნებისას, არამცთუ მისი გამოყენება ხდებოდა, არამედ სრული უარყოფა, აბუჩად და სამასხროდ აგდება გარდაუვალი ზღუდე იყო თითოეულისათვის. აქ ადგილი ჰქონდა არა ერთსა და ორს წამებას, არა ერთსა და ორს საშინელებას<sup>2</sup>

1). იხ. Потто, Утверждение Русского Владычества на Кавказе, გვ 487.

2). სწორედ ამ ისტორიულ ეპოქას ეკუთვნის შაღჯა და დიანის ცნობილი ანდრი „გეგეკორი“. ახალგაზრდა გეგეკორმა გაათავა-რა ტფელისში საშუალო სასწავლებელი, მოიწადინა სახელმწიფო სამსახურში შესვლა, მაგრამ დავითმა ნება არ დართო, გამოითხოვა ის სამეგრელოში და დააყენა თავის საქმისმწარმოებლად; გეგეკორი ვერ შეურიგდა ამ ძალადობას და კადნიერებით უპასუხა. უმწეო ვასალს თავს დაეცა მთავრის რისხვა, შეუბრალეული დევნა, ფიზიკური ტანჯვა. „დიდგეგეკა“ და ხუნდებზე ჯდომა, წყალში ჩაყენება; მისმა ნერვულმა აგებულებამ ვერ აიტანა სასტიკი ტანჯვა-წამება და ბოლოს ის ძალუვნებულად უნდა გაეთავისუფლებიათ, როგორც ეპილეპსიით სავსებით დასახიჩრებული პიროვნება.

რაც უფრო ფართოვდებოდა ასეთი წრე, მით უფრო მწვავედებოდა დამოკიდებულება ურთიერთ შორის.

ამრიგად „მოაგვარა“ რა სამთავროს შინაური მართვა-გამგეობა, დავითმა მთელი თავისი ენერგია მოახმარა სამთავრო ქონებისა და შემოსავლის გადიდებას: დაადგა ამ გზას და გახდა თავისი ოჯახისათვის ქონებრივი ინტერესების გულპოღინე თანამოსანგრე: ამით კი მან, რასაკვირველია, მცხოვრებლების ყველა წრეში გამოიწვია წინააღმდეგობა<sup>1</sup> და წარმოშვა ოპოზიციონერები. შემოსავლის ინტერესით გატაცებულმა დავითმა შემოიღო ახალი რეფორმები. ამ მიზნით მან უწინარეს ყოვლისა:

ა) სამთავრო ქონების გლეხებს, რომელთა მოვალეობას შეადგენდა თავადების სასახლეების აგება-შეკეთება უკანასკნელთა სურსათ სანოვაგით, იძულებით დააკისრა მათ საკუთარი სურსათით გაეწიათ მუშაობა, წინააღმდეგ ძველი ადათისა;

ბ) 6000 სააზნაურო გლეხი „საუდიერო“ს სახით დაბეგრა ფულით, ვითომც სამთავროს სხვადასხვა გვარ მოთხოვნილებათა დასაფარავად; რასაკვირველია, ამან მეტად ცუდად იმოქმედა აზნაურებზე, მაგრამ ჩიქოვანების ხელის შეწყობით მან შესძლო ამ ხარკის აკრეფა;

გ) 1842 წ. ჩამოართვა თავად-აზნაურებს ერთგვარი ყმებიც რომელნიც მღვდლებად იწოდებოდნენ. დავითის გამთავრებამდე მღვდელი არაფრით განირჩეოდა უბრალო ყმისაგან. მხოლოდ მას ყმასთან შედარებით ზედმეტ ბარგად აწვა აგრეთვე თავის ხელობის მოხდაც საჭიროების დროს. ამითაც მან, რასაკვირველია, დაიმსახურა სავესტრის წყრომა მაღალი წოდებისაგან.

დ) აღსანიშნავია აგრეთვე ისიც, რომ ამ დროს დავითის ყურადღება მიიპყრო დიდშემოსავლიანმა საქყონდილო მამულმა თავის ყმებითურთ, რომელთა რიცხვი 3000 კომლს აღემატებოდა.

<sup>1</sup>) არა ერთსა და ორს საწინააღმდეგო მაგალითს ჰქონდა ადგილი თვით გლეხთა წრეშიც, მიმართულს დავითისადმი უშუალოდ თუ არა, ყოველ შემთხვევაში მის მდივანბეგებისადმი. საეპარსია გაეიხსენოთ მკვლელობა სუჯუნის „მაზრის“ პირველი კლასის მდივანბეგ თავადი ვამეხ დადიანისა გადასახადის ნიადაგზე სოფ. ნაღოჩაოს (ახალ-სენაკის რაიონში) მცხოვრები ყმების — ივანიკა, სიკოია, პეტრია, უჩანია, ჰაქურია, კოსტია და გორგი ქაჩიბაიების მიერ, რომ, თოთაყ ამის გამო მიესჯა თითოეულს 50 „როზგი“ და სტაეროპოლის სატუსალოში 4 წლით გადასახლება იხ მოწერალობა მთავარი დ. დადიანისა სუჯუნის მეორე კლასის მდივან-ბეგის თანაშემწე ტარიელ დადიანისადმი. 181052 5 აგვისტო 1852 წელი. (ხაბუთი ნ.პოენია გრიგოლ ბოკუჩავას სახლში. ახლა სამეგრელოს მუზეუმის ხაარქივო განყოფილებაშია დაცული).



ამაზე მან მოხერხებულად დაიყოლია მაშინდელი ქყონდიდელი (თავისი ბიძა), რომელიც დაარწმუნა ნატურის გადასახადის ნაცვლად წლიურად ფულის სახით 12,000 მანეთის შემოსავლის უპირატესობაში. როდესაც ეს ქყონდიდელი მიიცვალა. მან განგებ, დასახული მიზნის ნისალწევად, მის მოადგილედ დანიშნა ჯრუჭის მონასტრის წინამძღვარი თეოფანე (გ ა ბ უ ნ ი ა), მაგრამ, სანამ შეუდგებოდა ზემოაღნიშნულ ყმებზე ფულის გაწერის დაკანონებას, საჭირო იყო წინასწარ გადმოესვენა სუჯუნის ეკლესიიდან მარტილში „წმ. გიორგის სასწაულთ-მოქმედი ხატი, როგორც საქყონდილო ყმებისა და მაჰულის ბატონ-პატრონი“. მაგრამ ვიდრე ის შესძლებდა ამ განზრახვის სისრულეში მოყვანას, თვით გარდაიცვალა (1853), და უანდერძა ამ საქმის განხორციელება თავის მეუღლე ეკატერინეს.

ამრიგად 11 წლის მართვა-გამგეობით (1842—1853) დავითმა ვერ შესძლო დაემსახურებინა სიმპატია და ავტორიტეტი ვერც ერთი წოდებისაგან: მას ყველა ემუშუროდა, მის წინააღმდეგ ფეოდალური წრეები აშკარად თუ ფარულად მოქმედებდნენ განსაკუთრებით ქონებრივად გამდიდრების ტენდენციის გამო, რომელიც მისი მმართველობის ერთ-ერთ მთავარ დამახასიათებელ თვისებად ჩაითვლება.

**დედოფალი ეკატერინე, როგორც დავითის მმართველობის პოლიტიკის გამგებელი მმართველი.** როდესაც ოდიშის უკანასკნელი მთავარი დავითი გარდაიცვალა (†1853), ტახტის მემკვიდრე ნიკოლოზი 7 წლისა იყო. კავკასიის მეფისნაცვლის ეორონტოვის წინადადებით სამეგრელოს მმართველად დანიშნა ქვრივი ეკატერინე, რომლის დამხმარედ მივიღებულ იყვნენ დავითის ძმები გრიგოლი და კონსტანტინე და სამეგრელოს ეპისკოპოსი თეოფანე. ამ გარემოებამ შექმნა ერთგვარი კრამოლა სამთავრო უწყებაში. საქმე იმაშია, რომ ძმის გარდაცვალების შემდეგ გრიგოლი თვით მოელოდა ოდიშის მმართველობას და როდესაც იმედი გაუცრუვდა, ის შურითა და მტრობით შესცქეროდა ეკატერინეს მართვა-გამგეობას და არაერთარ კეთილ სინდისიერ მონაწილეობას არ ღებ-ლობდა „მმართველის საქმეებში“, გარდა მხოლოდ ინტრიგანობისა. კონსტანტინე კი, „ბოქაულთ-უხუცესის“ სახელწოდებით შემოსილი, უფრო ნადირობაში ატარებდა დროს; ხოლო ეკატერინე, მოკლებული მართვა-გამგეობის საქმეთა შესაფერ კოდნა-გამოცდილებას, აშკარაა, ვერ იჩენდა რამოდენ მედ მაინც შესაფერ ფხიანობას; მას არ ავიწყდებოდა მხოლოდ ის, რომ იგი დედაა მთავ-

რის შვილებისა და ვალდებულია მტკიცედ უპატრონოს მათ სამკვიდრებელს.

ინტრიგა, რომელსაც ეწეოდა გრიგოლი ეკატერინეს მიმართ, საგრძნობი სახისა იყო, რადგანაც გრიგოლი ძლიერი იყო ჩამოშავლობით: მას ერთის მხრივ დიდი კავშირი და გავლენა ჰქონდა იმ დროინდელ „ბატონიშვილებზე.“ იგი აღიზარდა ტაია ბატონიშვილის ოჯახში და ამიტომ ბატონიშვილები მას ისე შეჰყურებდნენ, როგორც ახლობელ პირს, მოჰქონდათ თავი ძიძიშვილებად და ამ გარემოებით კი თამამად გრძნობდნენ თავს, რადგანაც მაშინ სამეგრელოში დიდი იყო პრესტიჟი და წონა გაზრდილსა და გამზრდელთა შორის ურთიერთობისა. მეორეს მხრივ ფაღავებიც ერთობ მომხრეი იყვნენ გრიგოლისა და ეს გვარი კი ყველა ნათესავეებით საგროძნობ ძალას წარმოადგენდა მაღალ წოდების კრებულშიაც... ამ პირობებში ვერც ეკატერინემ შესძლო რამოდენიმედ ღაინც გული მოეგო „მაღალი წოდებისა“, პირიქით, ამანაც ცალი თვალთ დაუწყუო ცქერა უქანასკნელს და განსაკუთრებით იმ რჩეულებს, რომელთაც „ბედნიერება“ ჰქონდათ რუსეთის სამსახურში შესულიყვნენ; ასეთებს სასახლეში არ იღებდნენ მომეტებულად, და თუ შემთხვევით ვინმე სასახლის კარებს ეღირსებოდა, მას დაცივნისა და დაბეზლების მეტი არა ერგებოდარა. „მაღალ წოდებისადმა“ ასეთი დამოკიდებულებით, მან აშკარა მტრად გადაიკიდა „დიდი ნიკოს“ შვილების გარდა ოდიშში სახელ მოხვეჭილი კაცი ელიზბარ ბატონიშვილი, რომელსაც რუსეთის სამსახურში ორი შვილი ჰქავდა. ამ ელიზბარს გარს ეხვია ხოლმე ყოველთვის ისეთი გავლენიანი გვარები მაღალი წოდებისა, როგორიც იყვნენ, მაგ.: მხეიძეები, ფაღავები, მიქაძეები, დგებუაძეები, წოდებულნი „რუსის პარტიად“, რადგანაც მათში დიდი ხნით მომწიფებული იყო უკვე აზრი რუსეთის მიკედლებისა. <sup>1</sup>

ეს ხალხი ეძებდა მარჯვე შემთხვევას, რომ თავისი წადილი სისრულეში მოეყვანა; მაგრამ რამდენადაც მტკიცე და მყარ ნიადაგზე იდგენ დედოფლის ოპოზიციონერები, იმდენად გაორკეცებულად მტკიცედ გრძნობდა თავს დედოფალი თავისი ერთგული და მარჯვენა ხელი ჩიქოვანებით.

1855 წელს მან განიზრახა ქმრის ანდერძის სისრულეში მოყვანა: ხატის გადმოტანა სუჯუნიდან მარტვილში, რაზედაც დაიყოლია თავის მხრივ თეოფანე ჭყონდიდელი. როდესაც ეს ახალი განკარგულება ხალხს განუცხადა დეკ. ნიკოლოზ ხოშტარიამ, ხალხი დარჩა ამით

<sup>1</sup>) იხ. Б о р о з д и н, გვ. 99.

შეტად უკმაყოფილო. სუჯუნის საკათედრო ეკლესია, როგორც ზემოთაც აღვნიშნეთ, შეიცავდა უზარმაზარ საჰყონდილო მამულს 30,000 სულით. ამ ხალხს უძველეს დროიდან მიაჩნდა სუჯუნის ეკლესია თავის დედა-ეკლესიად და უზენაეს მფარველად; ამ ეკლესიაზე საზოგადოდ გაწეული ღვაწლისა, შრომისა და ხარჯის გარდა იმ ახლო ხანებში მათ ააშენეს იქ ქვითიკირის დიდი გუმბათიანი ეკლესია. სწორედ ამ ერთგვარ ალტაცებულ მდგომარეობაში, რომლითაც ხალხი გამსჭვალული იყო სუჯუნის ეკლესიის მომავლის დიადი ბრწყინვალეობით, როდესაც საუკუხოებით განმტკიცებული სუჯუნის საკათედრო ეკლესია <sup>1</sup> უცბად, ერთის ხელის განძრევით, უბრალო, რამდენისამე გვაროვნობის კერძო სამრევლოდ გადააქციეს, ხალხმა ვერ მოითმინა ეს, საშინლად აზვავდა და, როგორც ერთი თვითმზილველი გადმოგვცემს: „ატყდა აჯანყება, შეიქნა ზარის რეკა და ბუქისა ცემა დაუცხრომელი ხალხისაგან; არ იყო გაწყნარება, ისე მოასკდა ხალხი უმრავლესი და ერთხმად შეთქვეს პირი: ან გაწყვეტა და ან ხელახლა ჩვენი ჩვეულების მოშლა არ იქნესო“ <sup>2</sup>.

როდესაც ამ ამბავმა მიაღწია ეკატორინეს ყურამდე, მან საკმაოდ შეიარაღებული მხლებლებით გაგზავნა აჯანყების ჩასაქრობად და ხალხის დასაწყნარებლად თავისი მახლი კონსტანტინე, როგორც ბოქაულთ-უხუცესი. მაგრამ დაწყნარების ნაცვლად ხალხის სულიერი მდგომარეობა კიდევ უფრო გამწვავდა და აჯანყებულთ უწყალოდ სცემეს კონსტანტინეს მხლებლებს და თვით მასაც ელირსებოდა მსგავსი განაჩენი, რომ თავის დროზე გაქცევით არ ეშველა თავისთვის. ამ აჯანყების ინფორმაციამ მიაღწია ტფილისში მეფისნაცვლის მურავიოვის ყურამდეც, რომელმაც ამის გამო გამართა დედოფალთან ვრცელი მიწერ-მოწერა, რის შემდეგ დედოფალი იძულებული შეიქნა ხელი აეღო ამ განზრახვაზე და გაგზავნა ხალხის დასაშოშმინებლად კონსტანტინეს უფროსი ძმა გრიგოლ მთავრის-ძე; უკანასკნელმა რამოდენიმედ დაამშვიდა საშინლად აზღვავებული ხალხი.

ამრიგად დედოფლის მიზანი მიუღწეველი დარჩა; სამაგიეროდ მისი განკარგულებით გრიგოლ დადიანისა და ეპისკოპოსი თეოფანესაგან შემდგარმა კომისიამ დამნაშავედ სცნო ზოგიერთი პირი, რომელთაც ბრალდებოდათ სუჯუნის აჯანყებაში ხელმძღვანელობის

<sup>1</sup> ჩვენის აზრით სუჯუნის ეკლესიის ამ უაღრეს ავტორიტეტში უნდა ვეძებოთ ახსნა-განმარტებ შემდეგი ხალხური ანდაზისა: „სუჯუნა მის უტიბუნ, ღუშუ თის აინია“ (სუჯუნა ვისაც წყალობს, დობი მას მოეგა“-ო).

<sup>2</sup> იხ. დეკ. თეოდორე ხოშტარიას მოგონება, გვ. 49-50.

გაწევა; ყველა ისინი დაკავებულ იქნენ შესაფერი სასჯელის მიკუთვნით. მაუგან დეკ. ხიკოლოზ ხოშტარია გაგზავნეს საირმის მონასტერში უფადოთ, მოურავები მეთო ხოშტარია, ალექსი გეგეკიკორი, ფილიპე იოსელიანი და გული თოფურია გადაგზავნილ იქნენ ლჩხუმისა და სვანეთის ციხეებში, ხოლო უმთავრეს დამნაშავედ ჩათვალეს ცნობილი ივაბერი (იოანე ხოშტარია), რომელიც 1840 წლიდან 1855 წლამდე ასრულებდა საშვერგლოს მთავრის „შინაგანი კანცელარიის თანამდებობას“. ის დაუყოვნებლივ ეითარცა მთავარი დამნაშავე, გაუგზავნეს საქართველოს მაშინდელ ეგზარხ ისიდორეს საქართველოს ერთ-ერთ უდაბნოში გასაწესებლად, მაგრამ უკანასკნელმა ის გააჩერა ტფილისში დარის მონასტერში, სადაც იგი მალე გარდაიცვალა (ibidem, 50—51).

როგორც ბევრმა სხვა გარემოებამ, ისე განსაკუთრებით დედოფლის ამ აშკარა ანგარების გამომჟღავნებამ ძლიერ შეარყია სამთავრო სახლის პრესტიჟი სუჯუნის რაიონის საეკლესიო გლეხების თვალწინაც...

ამრიგად ეკატერინეს არავეითარი არსებითი ცვლილება არ შეუტანია სამთავროს შინაურ მართვა-გამგეობაში; როგორც ჩანს, ის ამ მხრივ სავსებით ჩისდევდა დავითის მიერ აღებულ გზას.

**ომერ-ფაშის შემო-** საგარეო საქმეებში ეკატერინეს მმართველობა საშვერგლოში. ბის სიგრძეზე განსაკუთრებით საგულისხმევია ყირიმის ომი სამშვერგლოს ტერიტორიაზე ან ომერ-ფაშის შემოხვევა სამშვერგლოში. როგორც ვიცით, ამ ფრიად საპასუხისმგებლო მომენტში, მაუხედავად შესაფერი მოუმზადებლობისა, სახელმწიფო საქმეების მოგვარება წილად ხვდა ეკატერინეს. 1854 წლ. მაისის თვიდან მთელი სამშვერგლო (სამურზაყანოთურთ) ხდება ამ ომის მთავარ თეატრად. რადგანაც მოწინააღმდეგეთა ჯარი რიცხობრივად გაცილებით მეტი იყო, ვიდრე ადგილობრივი სამხედრო ძალები, ამიტომ გენ. მუხრანსკის გეგმით, რომელიც დანიშნული იყო ქუთაისის საგუბერნიო და სამშვერგლოში მყოფი ჯარების უფროსად, ომს სამშვერგლოს ტერიტორიაზე უნდა მიეღო ხალხური, პარტიზანული ხასიათი.

ამ თვალსაზრისით მოშლილ იქნა ყველა ის არსებული გზები, რომელიც სამხედრო მიზნისათვის გამოუსადეგარნი იყვნენ; სოფლები გაამაგრეს, ტყეებში თავშესაფრები მოაწყვეს და შავი ზღვის ახლო მდებარე ადგილებზე დააბანაკეს ადგილობრივ მკვიდრთაგან შემდგარი სახალხო მილიცია.

რედუტ-კალეს დაკავება ოსმალეთის გარნიზონის მიერ 1851 წელს, ამავე წლის ზაფხულის თვეებში თვალსაჩინო ძალით ომერ ფაშის შტაბის უფროსის ფერჰად-ფაშის აფხაზეთის ნაპირებზე გადმოსვლა, და ბოლოს თვით ომერ-ფაშის კორპუსის მიერ 1855 წლის ოქტომბერში სოხუმის დაკავება, ეს ის შავი ღრუბლებია, რომლებიც განსაზღვრული დროის განმავლობაში არ მოშორებია სამეგრელოს, და უკანასკნელი აოხრებისა, აწიოკებისა და განადგურების მსხვერპლი შეიქნა. რამდენისამე დღის განმავლობაში უკვე მთელი სამეგრელო გახდა ომერ-ფაშის დროებითი სამფლობელო; მუხრანსკი იძულებული შეიქნა დაეხია თავის ჯარით დაბა ხონში, სადაც დანიშნული იყო შტაბის ბინა, ხოლო ეკატერინე თავად-აზნაურთა რჩევით გადავიდა ლეჩხუმში და თავი შეაფარა ციხე „მურს“.

თურქთა თარეშს სამეგრელოში საზღვარი არა ქონდა. ომით ისედაც მოქანცულ ხალხს<sup>1</sup> დაედგა მოწინააღმდეგე ძალის უბეში და უბადრუკი ბატონობის მძიმე უღელი. არა ერთი და ორი ოჯახი ატირებულა და განადგურებულა ამ უბედურობის წყალობით. ხალხში დღემდეც მრავლადაა დარჩენილი მწარე მოგონებანი ამ დროისა. იმ ზომამდე გამძაფრდა ხალხის დაბეჩაფებული სულისკვეთება, რომ მათ უფლება აყრილთ და გაპარტახებულ ყოფაცხოვრებაში მყოფთ ბუნებრივად დაებადათ ერთგვარი მისწრაფება ზორკილისაგან თავის დაღწევისა; ალბათ ამ ნიადაგზეა წარმოშობილი ის ტენდენციური სააკვნო სიმღერა<sup>2</sup>, რომელიც დღესაც ხმარებაშია სამეგრელოს ზოგიერთ ადგილებში და რომელიც აკენიდანვე ამზადებდა და წვრთნიდა ბავშვს ამ ოკუპაციის საწინააღმდეგოდ. სამეგრელო შიშის ზარის ქვეშ ცახცახებდა. თვით ომერ-ფაშის სურვილი იყო რამენაირად თავის მხარეზე გადაეყვანა ეკატერინე და დაებრუნებია ის ზუგდიდში, ამიტომ მან შემოსელისთანავე გაუგზავნა დედოფალს გორდში ზუგდიდის სასახლის მოურავი ხიკო დგებუაძის ხელით შემდეგი შინაარსის წერილი:

1) ამ ომით გამოწვეული, როგორც სამთავრო ქონებისა, ისე სამეგრელოს განადგურებული ნაწილების, ზარალი 50,000 მანეთს აღწევდა, რომელსაც ეკატერინე თხოვლობდა რუსეთის მთავრობისაგან: იხ: Переписка владетелей Мингрелии с 1801 года.

2) იხ. И. К и п щ и д в е. Грамматика мингрельскаго языка. СПб. 1914 г. გვ. 138.

ზუგდიდი, 30-XII-1855 წლ.

### თქვენო ბრწყინვალეზავ!

„შემოველ რა იმ ქვეყანაში, რომელსაც თქვენი შვილის სახელით თქვენი ბრწყინვალეზა ჰმართავს, ჩემს მოვალეობად ვრაცხ გაუწყოთ ზრახვანი ჩემის უავგუსტოესის სულთნისა და დიდთა მის მოკავშირე სახელმწიფოთა.

„დღევანდელი ომი, როგორც ეს თქვენმა ბრწყინვალეზამ უწყის, დაწყებულია იმ სამართლიანი განზრახვით, რომ წინააღმდეგობა გაუწიოთ და ბოლო მოულოთ დაპყრობით წადიერებას რუსეთის იმპერატორისას.

„აი სწორედ ამ მიზნით გახლავართ აქ; თან მყავს იმდენი ჯარი, რომელიც ღვთის შემწეობითა და მისი წყალობით, რომ სამართლიანი საქმისთვის ვიბრძვით, სრულიად საკმაო იქნება განდევნოთ მტერი ამ ქვეყნიდან, სადაც თქვენი ბრწყინვალეზა მეფობს; მაგრამ შემოვედი რა სამეგრელოში, მე ჩემი უავგუსტოესი ხელმწიფისა და მისი მოკავშირე დიდი სახელმწიფოების სახელით მონდობილი მაქვს დაეუმტკიცო თქვენს ბრწყინვალეზას, რომ მათ სრულებით არ სურათ შეეზონ სამეგრელოს მართვაგამგეობას ან რაიმე უფლება მოიპოვონ ამ ქვეყანაზე.

„მათი ერთადერთი სურვილია, რომ სამეგრელო და მისი მეზობელი ქვეყნები იყვნენ დამოუკიდებელი რუსეთისა და აგრეთვე სხვა სახელმწიფოსაგან და რომ საკუთარი მთავრობანი თავისუფლად მართავდენ მათ...“

„როდესაც ჩემმა ჯარმა, სამეგრელოში შემოვიდა რა, დაინახა, რომ აქაურ მკვიდრთა ერთ ნაწილს ხელში იარაღი აუღია, სხვები გაქცეულან და თავი მიუზნებებიათ თავიანთ სახლთკარისა და ქონებისათვის, რაც საერთაშორისო უფლების თანახმად სამხედრო ნადავლად უნდა ჩაითვალოს. სამწუხაროდ დავინახე, რომ ჯარს სხვა მეზობელი ქვეყნების მკვიდრნი გაჰყვნენ და ადგილობრივ მკვიდრთ რბივა დაუწყეს და აგრძნობინეს ომიანიების მთელი საშინელებანი... რომ ტანჯვა შემემტკირებინა ამ საწყალი ხალხისთვის, მე ვიხმარე მთელი ღონისძიება, რათა ეს უცხოელი თავთავიანთს ქვეყანაში გამეგზავნა, ხოლო ჩემი ჯარისკაცები სასტრკად დაესაჯე და ამით დავაკავე მკვიდრთა რბევა-აწიოკებისაგან. მცხოვრებთა ერთი ნაწილი უკვე დამშვიდებული დაუბრუნდა თავის სახლთკერას, მაგრამ

ამ კაცთ-მოყვარული საქმის დასასრულებლად, მე ვიწვევ თქვენს ბრწყინვალეებას, დაბრუნდეს თავის სასახლეში, განაგრძოს თავისი ქვეყნის მართვა-გამგეობა და ამ გვარად დაამშვიდოს ქვეშევრდომნი და ჩააგონოს მათ, თუ რა სწადია ჩემს ხელმწიფეს, განუმარჯოს ისიც, თუ რა აზრით არის აქ მოსული ჯარი, სახელდობრ აუხსნას ის, რომ ჯარმა აქ რუსებს უნდა ებრძოლოს და აღადგინოს სრული დამოუკიდებლობა სამეგრელოსი თავისი ძველებური მართვა-გამგეობით“...

„თქვენის ბრწყინვალეების დაბრუნების მოლოდინში მე თქვენს მაგივრად სამეგრელოს მმართველად ვაცხადებ ბატონი-შვილ ნაკოს, რომელიც თქვენმა ბრწყინვალეებამ ზოგდიდში გამოგზავნეთ, მაგრამ თქვენის შვილის და ქვეშევრდომთა ინტერესებისათვის მე თქვენ გიხმობთ ჩამობრძანდეთ ზოგდიდში როგორც ეს შესაძლებელი იქნება და თვით ჩაიბაროთ სამეგრელოს მართვა-გამგეობა.

დაერჩები თქვენის უბრწყინვალესობის უალრესი პატივისმცემელი ოსმალეთის ჯარის მთავარ-სარდალი.

ომერი<sup>1</sup>.

რაკი მდგომარეობა მეტად გართულებულიყო და თვით ეკატირინემ ვერაფერი გადასწყვიტა, ამიტომ მან ომერ ფაშის წერილი გაუგზავნა ტფილისში ბებუთოვს რომლისაგან დარიგებას ითხოვდა. ხოლო ამ წერილის პირი გადაუგზავნა ქუთაისში თავის ძველ ნაცნობ ნ. პ. კოლუბიასს უკანასკნელმა არ დააყოვნა და წერილთან ერთად საპასუხო პროექტიც გამოუგზავნა ომერ-ფაშისთვის გასაგზავნად. აი თვით ის პროექტი:

### თქვენო აღმატებულებავ!

„ზრდილობა მაჰალებს გიპასუხოთ იმ წერილზე, რომლის გამოგზავნა ჩემთან საპიროდ დაგინახავთ.

ჩემი გამოთქმა იმდენად მოკლე და ნათელი იქნება, რამდენადაც ამას გარეშობა მოითხოვს.

„თქვენ, გენერალო, სამეგრელოში იმ განზრახვით ჩამოსულხართ, რომ ეს მხარე გახადოთ დამოუკიდებელი რუსეთისაგან და ეს კი სწორედ ეწინააღმდეგება ჩემს სურვილებს და ჩემის აზრით, ჩემს ქვეყანასაც სულ სხვა სჭირია.

<sup>1</sup>) იხ. К. Бородин, გვ. 34—36

გარდა ამისა, თუ სამეგრელოს ვინმე ძლიერი მფარველი არ ეყოლა, ისე თავისთავად არსებობა არ შეუძლია იმ მიზეზების გამო, რომელთა ჩამოთვლა მეტად შორს წაგვიყვანდა და უეჭველია თან ისიც, რომ ეს მიზეზები არც თქვენ გამოგეპარებოდათ. ამიტომ რუსეთისაგან დამოუკიდებლობის დროს, ჩვენთვის აუცილებლად საჭირო გახდებოდა სამ სახელმწიფოთაგან ერთერთისთვის მჭარველობა გვეთხოვა. ახლა კი მოგახსენებთ, რატომ არ მსურს ასეთი არც ერთ მათგანისაგან.

ოსმალეთი ვერც კი იფიქრებს სხვა დაიფაროს, რადგან თითონ მას სხვა პატრონობს და უნდა გამოგიტყდეთ, რომ არც ისეთი სახარბიელო პატრონი გააჩნია.

ახირებულობა იქნებოდა საფრანგეთის მფარველობა იმ შემთხვევითი სახელმწიფოსი, რომელსაც დღესა თუ ხვალ ბოლო მოეღება.

თქვენ თითონ არ გვირჩევდით, გენერალო, ინგლისისთვის გვეთხოვა მჭარველობა, რადგან თქვენ უკეთ მოგეხსენებათ, რომ ყველა ხალხი, რომელსაც ხვდა წილად ინგლისის მხრუნველობა: ინდოელები, ჩინელები, იონელები, ან დამონაელები, დამახინჯდენ გონებით ან გაუბედურდენ.

ბოლოს არც იმას მოგახსენებთ, რომ სამთავე სახელმწიფოთა მჭარველობა ერთად მიწოდდეს, რომ ამით დაცივნის საბაზი არ მოგცეთ.

დასასრულ, გენერალო, გთხოვთ მიიღოთ რწმენა იმ გრძნობათა, რომელნიც თქვენ შეგფერით“ (ibidem, 37-38).

დედოფალი ფიქრს მიეცა. მან ამ წერილის გაგზავნას სიჩუმე ამჯობინა და მეორე დღეს ბავშვები ლეჩუმში, ციხე „მურში“, გაგზავნა. თითონ კი რამოდენიმე დღით გორდში დარჩა, რათა საჭირო განკარგულებანი მოეხდინა სალაროთა და ძვირფასი ნივთიულობის გაგზავნის შესახებ. ერთი კვირის შემდეგ თვით დედოფალიც გაეზგზავრა „მურში“, სადაც მას იმედი ჰქონდა მიეცეყოდა დასვენებას, მაგრამ ის არ ავიწყებოდა ოსმალეთის მთავარ-სარდალს და გორდში დაბინაეების სამი დღის შემდეგ ომერ-ფაშისაგან კვლავ მიიღო შემდეგი წერილი:



„მთავარი ბანაკი, 9 (21) ნოემბერს 1855 წ.

### თქვენო ბრწყინვალეზავ!

„მე პატივი მქონდა მეახლებინა თქვენის ბრწყინვალეზავისათვის წერილი, 30 ოქტომბრის (11 ნოემბ.) თარიღით, რათა მეუწყებინა თქვენთვის ჩემი უავგუსტოესის ხელმწიფის სულთნისა და მის მოკავშირე დიდთა სახელმწიფოთა წადილი, რომელთაც ჩემის წინამძღოლობით გამოგზავნეს ჯარი სამეგრელოს პროვინციაში.

„იმ წერილში მე ვარწმუნებდი თქვენს ბრწყინვალეზავს, რომ ჩემს ხელმწიფესა და მის დიდთა მოკავშირეთა არავითარი სახელმობხევიკის აზრი არა აქვთ, მხოლოდ სურთ სამეგრელო და მისი მეზობელი პროვინციები რუსეთისა და აგრეთვე სხვა ახელმწიფოსაგან სრულიად დამოუკიდებელნი გახადონ და საკუთარი მართვა-გამგეობა მიანიჭონ.

„ესარგებლობ შემთხვევით, რომ ისევ განვიმეორო ჩემი ნათქვამი და იმავე დროს ხელახლად მოვიწვიო თქვენი ბრწყინვალეზავა თქვენი მემკვიდრე შვილითურთ ზუგდიდში, რათა აქ განაგრძოთ მართვა-გამგეობა თქვენი ქვეყნისა თქვენი შვილის სახელით.

„რაკი ჩემს 30 ოქტომბ-ს გაგზავნილ წერილზე არავითარი პასუხი არა მაქვს თქვენი ბრწყინვალეზავისაგან, ჩემს მოვალეობად მიმაჩნია ვაუწყო თქვენს ბრწყინვალეზავს, თუ რა შედეგი მოჰყვება თქვენს დაგვიანებას და დაუბრუნებლობას თქვენი სამთავროს დედა-ქალაქში.

„სამეგრელოს მკვიდრნი თანდათან მშვიდდებიან, მაგრამ აკლიათ მეთაური, რომელმაც იმ დროს, როცა მთელი მხარე ჩემს ჯარს აქვს დაპყრობილი, უნდა ჰმართოს იგი და თავის რჩევა-დარიგებით უწინამძღვროს იმ ამბების დროს, რომელიც მის გარშემო ხდება.

„თუ თქვენი ბრწყინვალეზავა არ დაბრუნდება და ისევ არ ჩაიბარებს სამეგრელოს მმართველის მესაქეობას თქვენი შვილის სახელით, ამით თქვენ კიდევ უფრო გაუმწვევებთ ყოფნა-არსებობას თქვენს ქვეშევრდომთ, ამით თქვენ დაივიწყებთ თქვენი შვილის ინტერესებს და საუკუნოდ დაჰკარგავთ სამეგრელოზე რასმე უფლებას თქვენ და თქვენი შვილიც, მაშინ ჩემი უავგუსტოესი ხელმძღვანელი სულთანნი და მისი მოკავში-

რენი იძულებულნი გახდებიან მიმართონ იმ საშუალებას, რომელიც მათ სრულიად არ სურთ: დააწესონ სამეგრელოში მყარი, არავისაგან დამოკიდებული მთავრობა, რომელსაც ამ მხარის და ხალხის ინტერესი უფრო აწუხებდეს იქნება.

„მიიღეთ რწმუნება ჩემის უადრესის პატივისცემისა.

მთავარ-სარდალი ოსმალეთის სახელმწიფო მხედრობისა

ომერი“.

ამ წერილის მუქარის კილომ მეტად შეაშინა დედოფალი მით უფრო, რომ ბებუთოვისაგან ჯერ კიდევ არ ჰქონდა მიღებული პასუხი, თუ როგორ უნდა მოქცეულიყო. ეს წერილიც მაშინვე ბებუთოვს გაუგზავნა. ამასობაში კვემო სამეგრელოდან მეტად სამწუხარო ამბავი მოდიოდა: სამეგრელოს მოსახლერე სამურზაყანო ოსმალების საფაშალიყოდ გადაიქცა და ფაშად დანიშნულ იქნა რუსეთის მხედრობის გენერალ-ლეიტენანტი მარლანი, რომელიც ოსმალეთის მხარეზე გადავიდა.

ათხაზეთის მთავარი მიხეილ შერვაშიძე ცდილობდა სამეგრელოს მკვიდრთა ოსმალეთის მხარეზე გადაყვანას. ამასობაში ომერ-ფაშას ჯარი ზუგდიდიდან ონტოფოში ჩავიდა. ჯარს უკან მისდევდნ ათხაზები, წებელდელები, უბიხები და ყველა ვიგინდარა, რომელნიც სოფლებს შოედვენ, დაუწყეს რბევა-აწიოკება, ქალები და ყმაწვილები ტყვედ მიჰყავდათ. მთელმა სოფლებმა სახლთ-კარს თავი დაანებეს, ტყესა და მთებში გაიხიზნენ და რაც მოხვდებოდათ, იმით იკვებებოდნენ.

ომერ-ფაშისა და თურქების მოქმედების ამბავი დაწერილებით მოსდიოდა დედოფალს. ამასთან ერთად ყოველ-დღე ახალ-ახალი ჭორები ესმოდა: ერთის მხრივ მას ამტყუნებდნ იმაში, რომ ის განზე იდგა და ომერ-ფაშის მოწვევაზე პასუხსაც არ იძლეოდა, რომ მას შეეტომით ისევ რუსების მხარე ეჭირა, რაც დასაგმობი იყო იმდენად, რამდენადაც რუსები ვერასოდეს სამეგრელოს ვერ დაიბრუნებენ და ომერ-ფაშასთან კავშირის გაწყვეტას მხოლოდ უვიცობით ხსნიდნ. მეორეს მხრივ დადიოდა ხმები, ვითომც დედოფალმა პირდაპირ გამართა მიწერ-მოწერა ომერ-ფაშასთან და მოლაპარაკება აქვს სამეგრელო რუსეთს ჩამოაცილონო. ასე რომ, ვინც უნდა მისულიყო კერძო კაცთაგან სარდალთან, მაშინვე იტყოდნ, რომ დედოფლისაგან არის მოგზავნილი და ჩუმჩუმად რაღაცას ახერხებსო. დედოფალი ორ ცეცხლს შუა იწოდა. ამ მეტად გართულებულ მის მდგო-

მარეობას ზედ ისიც დაემატა, რომ 20 ნოემბერს იმდენი ხნის მოუთმენელი ლოდინის შემდეგ ბებუთოვისაგან მოვიდა პასუხი: „შვილები წამოიყვანეთ სამეგრელოდან და ტფილისში წამობრძანდით“-ო. ამის ასრულება მეტად უმძიმდა დედოფალს, იმიტომ რომ ადგილობრივი თავადები უარზე იდგნენ მცირე წლოვანი მთავარი ტფილისში გაეგზავნათ და მეორეც ომერ-ფაშა გაიგებდა თუ არა დედოფლის შვილებითურთ სამეგრელოდან გასვლას, მაშინვე სხვას აღიარებდა სამეგრელოს მთავრად. ყველაფერი ამით მეტად აღელვებული იყო დედოფალი და განიცდიდა საშინელ წუთებს, მაგრამ მალე მდგომარეობა გაუმჯობესდა: 22 ნოემბერს დედოფალმა მიიღო კოლუბიაკინისაგან წერილი მურავიოვის მიერ ყარსის აღების შესახებ, რაც სავსებით არკვევდა სამეგრელოს ბედ-იღბალსაც. დედოფლის სიხარულს საზღვარი არ ჰქონდა. შვილები ბოროზდინს ჩააბარა და თითონ ჯარში მონაწილეობის მისაღებად მეორე დღეს მურის ციხიდან წავიდა. გორდზე გავლის დროს დედოფალმა გაიგო, რომ სასახლე ზუგდიდში ოსმალებს ყაზარმად უქცევიათ და შიგ ბატონობდა ისკანდერ-ფაშა, პოლონელთა მოღალატე გრაფი ილინსკი, რომელსაც თავის მოვალეობად დაუსახავს დედოფლისთვის შემდეგი წერილი მიეწერა:

ბანაკი ზუგდიდთან, 22 ნოემბ. (3 დეკ.) 1855 წ.

„ზუგდიდში იმდენი ჯარი მოვიყვანე, რომ სრულებით საკმარისია დავიცვა სიცოცხლე და ქონება ადგილობრივ მკვიდრთა და აგრეთვე უცხოელთა, რომელნიც აქ დასახლებას მოისურვებენ.

„პატივი მაქვს მოვახსენო თქვენს ბრწყინვალეობას, რომ მე იძულებული გავხდი ჯარი თქვენს სასახლეში დამეპინავებინა. რაც შეეხება მხოლოდ იმ ნივთებს, რომელნიც აქ თქვენ ბრწყინვალეობას დაუტოვებია, ყოველივე ზომა ვიხმარე, არაფერი დაიკარგოს.

„თავადი ნიკო დგებუაძე, თქვენი უბრწყინვალესობის წარმომადგენელი და პეტრე მხეიძე იმის მოწმენი არიან, რომ ჩემი აზრი იქითყენაა მიმართული, რათა სამართლიანად მოგვეპურა ამ ქვეყნის მკვიდრთათვის. სანამ მეგრელები თოფს არ გვესვრიან, მათ სიცოცხლესა და ავლადიდებას ხელს არავინ ახლებს. მაგრამ ღმერთმა ნუ ჰქნას, თუ რომლისამე მარტოდ დარჩენილი ან გზა-დაკარგული ჯარისკაცის გაძარცვა ან

მოკვლა განმეორდა, იძულებული ვიქნები მთელის სისასტიკით შური ვიძიო.

„თქვენს ბრწყინვალებას ესთხოვ გამოუცხადოს სამეგრელოს მკვიდრთ, დარჩენ სოფლებში და თავიანთ საქმეებს მოჰკიდონ ხელი; თან ვსარგებლობ ამ შემთხვევით და თქვენს ბრწყინვალებას ვუცხადებ ჩემს ღრმა პატივისცემას.

ვრჩები თქვენის ბრწყინვალეების უმორჩილესი მონა მეჰმედ-ისკანდერ იბრაჰილ, ოსმალთ მხედართ-მთავარი“ (ibidem, 51-52).

26 ნოემბერს დედოფალი უკვე იმერეთს იყო დაბა ხონში და როგორც მეგრელთა მილიციის წინამძღოლი რამდენჯერმე მონაწილეობას იღებდა მტერთან ბრძოლაში, მაგრამ მტრის ბანაკიდან მას მაინც არ ასიენებდენ, არწმუნებდენ, ვიაომც ის ებრალებოდათ და ფილანტროპიული სარჩულით იწვევდენ ზუგდიდში. ამ მიზნით მას ერთსა და იმავე დროს ორი საგულისხმიერო წერილი მოუვიდა (ტრანგულად):

მთავარი ბანაკი ოსმალებისა, სამეგრელო,  
6 დეკემბერს (25 ნოემბ.) 1855 წელს.

### ბატონიშვილო!

„მისი დიდებულების ინგლისის დედოფლის მთავრობამ კავკასის ქვეყნებში აგენტად გამოგზავნა. პატივი მაქვს ვაუწყო თქვენს ბრწყინვალებას, რომ მზად გახლავართ შეგარიგოთ თქვენ და მარშალი ომერ-ფაშა, ოსმალეთის ჯარების სარდალი. თუ კიდევ არ დაუბრუნდით თქვენი სამთავროს რეზიდენციას, ჩვენის აზრით, ამას არასასურველი შედეგი მოჰყვება, როგორც თქვენს უფლებათა, ისე საკუთარ ქვეშევრდომთა ბედ-იღბლის გარშემო; მათი მდგომარეობა დღით-დღე აუტანელი ხდება. რაც შეეხება ოსმალთა ჯარის ქცევას, უნდა მოგახსენოთ, რომ, მისი უფროსის სიბრძნისა და კეთილშობილობის წყალობით, მეკრელები მათი უკმაყოფილონი არ არიან. გარდა ამისა შემძლია თამამად ვთქვა, რომ შემდეგშიაც ასე კარგად მოექცევიან სამეგრელოს მკვიდრთ. მაგრამ უწესოება შინაურ საქმეებში ერთობ დიდია: მეზობლები ხშირად ესხმიან თავსა და აწიოკებენ, ომერ-ფაშა ამ შემთხვევაში განზე დგას, არათერში ერევა: „ჩემი საქმე არ არის“-ო. პირიქით, როგორც მისი,

ისე ჩემი განზრახვანი გვაიძულებენ არ ჩავერიოთ იმ ქვეყნის შინაურ ცხოვრებაში, რომელიც ოსმალეთს დაუპყრია, ამიტომ თუ რამ უბედურება დაატყდათ თავს სამთავროს მკვიდრთ, ბრალი დაედება იმ უფროსებს, რომელთაც ყოველგვარი საჭიროების გარეშე თავი ანებეს თავიანთ ქვეშევრდომთ. სასტიკად მხოლოდ მაშინ მოიქცევა მარშალი, თუ შინაურმა უწყისობამ საზღვარს გადააცილა; ამ შემთხვევაში ომერ-ფაშა იძულებული იქნება ახალი მთავრობა დააწესოს სამეგრელოში, რომ თავისი ჯარი უფრო უზრუნველ ჰყოს ყოველგვარი მოსალოდნელი ხიფათისაგან. თქვენი ბრწყინვალეებისა და თქვენი შვილების საკუთარი ინტერესი მოითხოვს ეს მძიმე საქმე როგორმე ჩქარა გაათავოთ.

„ჩემი ამხანაგი ბატონი შამკუაზონი, საფრანგეთის სახელმწიფოს აგენტი, დროებით სხვაგან გაემგზავრა, მე ვკისრულობ იმას, რომ ამ საკითხის შესახებ ჩვენ ორივე ერთი აზრისა ვართ და მასაც თავის მთავრობისაგან ისეთივე დარიგება აქვს, როგორც მე ჩემისაგან. იქნება თქვენმა ბრწყინვალეებამ საჭიროდ დაინახოთ გიახლოთ თვით. თქვენი სურვილი შემიძლია ავასრულო, თუ გზაში არაფერი შემემთხვევა!

ვრჩები უღრმესი პატივისცემით უმდაბლესი და უმორჩილესი მონა-მოსამსახურე თქვენის ბრწყინვალეებისა,

ვ. ლონგუორტი“.

აი მეორე წერილის შინაარსი:

„ბანაკი და მთავარი სადგომი სოფ. ონტოფოში.  
6 დეკემბერს (25 ნოემ.) 1855 წ.

ბატონი შვილო!

„საკვირველი არ არის, რომ თქვენი ბრწყინვალეობა ამდენ ხანს ყოყმანობს? როგორც მანდილოსანს ეს გეპატივებათ, მაგრამ თუ კიდევ ამ გარემოებამ გასტანა, საეალალო იქნება თქვენისა და თქვენი შვილების ინტერესებისათვის. რუსები დამარცხდნენ ღუნაიზე, ყირიმში, ინგურზე, ყველგან, სადაც კი მტერი შეხვდა. თქვენს ბრწინვალეობას კარგად უნდა ჰქონდეს გაგებული, რომ იმათ არ ძალუძთ კავკასიაში დაპყრობილი ქვეყნები შეინარჩუნონ. მერე რა ღონეს ხმარობენ ისინი ამისათვის? არაფერს. სულ უკან იხევენ, ცაცხლს უკიდებენ თავიანთ შენობებსა, თავიანთ სურსათსა, კერძო პირთა ქონებასაც არა

ჭზოგავენ და ამავე დროს ვერა ჰბედვენ და არც შეუძლიათ გაუმკლავდნენ მტერს.

„მთელი ერთი საუკუნის განმავლობაში უნდა იბრძოლოს რუსეთმა, მთელი საუკუნის განმავლობაში უნდა ღვაროს თავისი ჯარის სისხლი, რომ ოდნავაც არის, დაიპყროს კავკასია, ეს უპატრონოდ დარჩენილი და ყველასაგან მივიწყებული მხარე.

„ევროპამ ახლა გაახილა თვალები: „მეტი მოთმენა არ შეიძლება“-ო და გადასწყვიტა კავკასიის ერთი, გონებრივის სიბნელითა და სიღარიბით შეწყუბებულნი, გაათავისუფლოს. ევროპას სურს, რომ თქვენ შეუერთდეთ განათლებულ ხალხს, რომ იმ განძითა და სიმდიდრით, რომელიც უფალს თქვენი ქვეყნისათვის მოუმადლებია, თქვენვე სარგებლობდეთ.

„ამრიგად, ჩენა გესურს დამოუკიდებელ და მდიდარ გყოთ და თქვენი ბრწყინვალეობა კი ყოყმანობს; ნება გვიბოძეთ, ბატონიშვილო, მოგახსენოთ, რომ თქვენი ბრწყინვალეობა ბრძანდებით მეგრელი და შმართველი სამეგრელოსი და არა ქვეშევრდომი რუსეთისა.

„ღმერთმა ჩაგაბარათ თქვენ ინტერესები თქვენი ქვეყნისა, თქვენი შვილებისა, თქვენი კურთხეულის ხარისხისა.

„აქაური ხალხი და ქვეყნები სხვის ხელში თავის დღეში არ იქნებიან, მაგრამ, ვინ იცის, მოკავშირე სახელმწიფოებს შეიძლება თავი მოჰპებოდეთ კიდევ თქვენი ყოყმანობით. იტყვიან: „ამდენ ხანს ხალხის დატოვება უპატრონოდ არ შეიძლებაო, ამდენ ხანს იმიტომა ჯილტობს, აქედან თავისი ნებით იმიტომ გაიხიზნა, რომ მთავრობაზე ხელი აიღო“-ო და თქვენს მაგივრად სხვა თავადს დანიშნავენ მმართველად.

„მე კარგად მაქვს გათვალისწინებული, თუ რა ძნელია ამ შემთხვევაში თქვენი მდგომარეობა, როგორც ქალისა, მაგრამ რაკი თქვენს ბრწყინვალეობას მთელი ერის უფროსობა გცხადიათ, რაკი ვალდებული ბრძანდებით იზრუნოთ თქვენი შვილების ინტერესებისათვის, უნდა იცოდეთ, რომ საჭიროა ხელის გამოღება.

„თქვენო ბრწყინვალეობავ, მაპატრუეთ ჩემი გულახდილი ლაპარაკი; თქვენ თითონ დაინახავთ, რომ ასე გულახდილად იმიტომ მოგახსენეთ ყველაფერი, რომ თქვენი ბრწყინვალეობის მოწიწებითი პატივისცემა მაქვს.

გენერალური შტაბის პოლკოვნიკი, იმპერატორის ბრძანებით მყოფი მისს ბრწყინვალემა გენერალისიმუს ომერ-ფაშასთან გრაფი მეფრე (ibidem, 55—58.)

ამ ორი წერილიდან ნათლად ჩანდა, რომ ომერ-ფაშამ, რადგანაც დედოფალი ზუგდიდში თავის რჩევით ვერ მოიყვანა, მიმართა უფრო დიპლომატიურ საშუალებას: ინგლისისა და საფრანგეთის პოლიტიკური აგენტების წყალობით შეეცადა დედოფალი ზუგდიდში დაებრუნებინა, მაგრამ მაინც ვერას გახდა და ამის შემდეგ ოსმალთა ბანაკიდან დედოფალს წერილი არ მოსვლია.

ამასთანავე გენერალმა მურავიოვმა გურიის რაზმს, რომელსაც მუხრანსკი ხელმძღვანელობდა, 7 ბათალიონი მიაშველა. იმერეთი სიხარულმა მოიცვა, როდესაც გაიგეს, რომ ჯარი სურამს გადმოცდაო. ომერ-ფაშამ, რომელიც ქუთაისიდან 25 ვერსის მანძილზე იდგა, გაიგო თუ არა ეს მისთვის მეტად სამწუხარო ცნობა, იმერეთის საზღვარს თავი ანება. როგორც დამარცხებულმა დაიწყო უკან დახევა უკვე მეტად სისასტიკითა და ზარალის მიყენებით ადგილობრივ მცხოვრებთა დმი, ვიდრე შემოსევისას. თავის მხრივ კი თვით მუხრანსკის განკარგულებაში მყოფი ლაშქარიც საშინელ ეკონომიურ გაჭირვებასა და შიშში აგდებდა ისედაც მტრისაგან გაჩანაგებულ ხალხს.

ამ აფორიაქებული დროის სურათს ნათლად გვიხატავს ეკატირინეს მიერ ბოროზდინისადმი გაგზავნილი წერილი: „ომერ-ფაშა სრული სიმშვიდით იხევს უკან (ცხენიწყლიდან რედუტ-კალესაკენ). ჩვენი ჯარების გადაყვანა ვერ მოხერხდა; როგორც თქვენ იცით, მუხრანსკიმ უღროოდ გადასწვა ყველაფერი; ვერც ხიდებს, ვერც ნავეებს, სამეგრელოში ვერ შეხვდებით. ის უკვე ახლა 500 მეგრელი და იმერელი მილიციელით თვით დაედევნა მტერს; მან თავის მოქმედებას უწოდა პარტიზანული ომი, მაგრამ გარწმუნებთ, რომ ისინი მტრის წინააღმდეგ ვერაფერს გახდებიან, როგორც თქვენ ცაგერიდან. მხოლოდ საშინლად აოხრებენ და ანგრევენ სამეგრელოს. რაოდენობა მათი იქნება 3000 და წარმოიდგინეთ მთელი ეს ჯარი მოკლებულია თავის სურსათს-სანოვავს და იმყოფება მეგრელების ხარჯზე. მე გული მიკვდება, როდესაც მცხოვრებლები მოთქმითა და ტირილით ეცემოდენ ხოლმე ჩემი ცხენის ფეხების წინ. საშინელებაა ის, რაც ხდება აქ“ (ibidem, 86—87).

დასაუღელთ სამეგრელოში 40—50 ვერსის მანძილზე დამარცხებული ჯარის დახვევა გათუქვებულ შარა-გზებზე დე.ემპერსა და იანვარში განსაკუთრებული სიძნელით წარმოებდა. განიზრახა რა ომერთაშაპ ყუღევით გაქცევა, ის ვერ ასცდა იმ დიდ ლაფებს, რომელშიაც ერთნაირად ეფლობილენ, როგორც ქვეითა ჯარი, ისე ცხენოსანთა რაზმებიც. ასე რომ მსგავს გაჭირვებაში საესებით გასაგები იყო ომერთაშაპის გაოცება: „36 ქვეყანა მოიარა და არსად ისეთი ტალახი არ მინახავს, როგორც სამეგრელოში“-ო<sup>1</sup>.

ამავე დროს ადგილობრივი მილიცია და სხვადასხვა შემადგენლობის მფრინავი რაზმები („ლეტუჩი კამანდები“) თავს დაესხნენ ზუგდიდის გარნიზონს და უძრავლესობა დაატყვევეს. ამით განრისხებული, ზუღიდიდან უკვე გაქცეული ისკანდერ-ფაშა, ისევ დაბრუნდა უიან და მეგრელების ჯავრის ამოსაყრელად გადაწვა მთავრის სასახლე და მშვენიერი ბაღი; ბევრ სხვა შენობათა შორის დაიწვა როზმორდოუკის საქსოვი ქარხანაც. სამაგიეროდ ადგილობრივი მილიცია მოხერხებულ ადგილებზე ეცემოდა თათრის ჯარს და ხოცვა-ჟლეტით მიერეკებოდა ქვალონითა და ხორშით რედუტ-კალესაკენ.

მაგრამ ეს არ იყო კიდევ უკანასკნელი სიტყვა არევ-დარევისა: არა ერთსა და ორს შეტაკებას ჰქონდა კიდევ ადგილი, როგორც რეგულარული, ისე კერძო პარტიზანული ჯარების საშუალებით, მანამ, ს.ნამ ბოლოს, მარტის დასაწყისში, არ მოვიდა უკანასკნელი ცნობა იმის შესახებ, რომ ყირიმში უკვე ერთი თვით ჩამოვარდა ზავი, ხოლო პარიზში წარმოებს მოლაპარაკებაო...

19 მარტს 1856 წელს კი გამოქვეყნდა პარიზის ზავი საბოლოო მორიგების შესახებ, რომლის ძალით ყარსი ისევ ოსმალეთს გადაეცა და რუსეთს კი სამაგიეროდ დაუბრუნდა სევასტოპოლი. ვინაიდან ამავე წლის 26 აგვისტოს დანიშნული იყო რუეთის ხელმწიფის აღექსანდრე მეორის ტახტზე ასვლა და სხვათა შორის „საღვთო ცერემონიაზე“ დასასწრებლად მიპატიებული იყო ეკატერინეც, უკანასკნელი შეუღდა გამგზავრების სამხადისს და ივლისის თვეში გაუღდა გზას რუსეთისაკენ. განსაკუთრებული ინსტრუქციით გადააბარა სამეგრელოს მმართველობა გრიგოლს (თავის მახლს), ხოლო სამთავრო სახლის სახლთ-უხუცესობა კი დავით ჩიქოვანს. სრულებით თავდავიწყებას მისცა ხალხის აუტანელი მდგომარეობა ამ საშინელი ომით უკიდურესობამდე გამძაფრებული.

<sup>1</sup>) იხ. Потто. Утверждение Русского владычества на Кавказе, გვ. 489.



**ალეგ-მიცემობა საამ-  
ბრალდოში მე-XIX სკ.  
პირველ ნახევარში  
და დასავლეთის შუაში.** ალებ-მიცემობას და მასთან დაკავშირებით უცხო ხალხთა მჭიდრო ურთიერთობას სა- მეგრელოსთან, როგორც ზღვის ნაპირზე მდებარე ქვეყანასთან, აღრიდანვე უნდა ჰქონოდა ადგილი; რომ თავი დავანებოთ ჩვენი ისტორიის უძველესსა და ძველ პერიოდებს, როდესაც წარმოიშვა ჩვენი ქვეყნის ბუნებრივი სიმდიდრის ემბლემა „ოქროს ვერძი“-ს მითი ბერძნებთან ურთიერთობაში, საკმარისია გავიხსენოთ განსაკუთრებით მე-XVI სკ.-დან დაწყებული მრავალ კათოლიკე მისიონერთა ჩამოსვლა სამეგრელოში, გადაგება ადგილობრივ და მათი ზეგავლენა, როგორც ხალხზე, ისე თვით მმართველობაზედაც...

ალებ-მიცემობის სისტემატიურ ხასიათს კი სამეგრელოში საფუძველი ეყრება მე-XIX სკ. 20-ან წლებიდან.

1821 წლის 8 ოქტომბრის განკარგულების ძალით ამიერ-კავკასიის პროვინციებს მიენიჭათ ვაჭრობის სრული თავისუფლება. პირველ ხანებში მომეტებულად სომეხ ვაჭართა თაოსნობით გახშირდა მიმოსვლა იმ დროში სახელ-განთქმულ ლეაქციგისა და ფრანკფურტის იარმარკებთან: აქ შექმნილი საქონელი უურო მანუფაქტურული სახისა იგზავნებოდა ბროდრიდან და რადცილოვიდან რედუტ-კალეში; რედუტ-კალედან კი ურმებით და ჯორებით მოჰქონდათ ტფილისში, ხოლო ტფილისიდან ერევნით და ნახჭევანით გადაჰქონდათ თავრიზში.

ამრიგად ამ მარშრუტის საქონელი აკმაყოფილებდა მთელ წინააზიას. ამ მიმართულებით ვაჭრობა იმდენად აყვავდა, რომ მეორე წელს ნარდად მოეპარეთა რიცხვი გაორკეცდა: მოტანილი საქონლის ღირებულება აღწევდა 2,000,000 მანეთს ვერცხლის ფულით. რედუტ-კალე, ამ დრომდე თითქმის საყსებით უცნობი ბუდე, სადაც მხოლოდ რამდენსამე ხის ქოხებს დაინახავდით; უცბად, მოულოდნელად გახდა ფრიად მნიშვნელოვანი, მთავარი ემპორიუმი შავი ზღვის აღმოსავლეთ ნაპირზე, როგორც ძველი დროის ფაზისი და დიოსკურია.

უცხო ხალხის წარმომადგენლები, მშენებლები, ვაჭრები, ქარავენის გამყოლები, მეღუქნეები და ყოველგვარი ჯურის კონტრაბანდისტები, მრავლად დაეფუძნენ ადგილობრივ: „გახშირდა სავაჭროები, ვით ჭანჭრობებში სოკოები“; სამეგრელოს საალმშენებლო სახის ხელუხლებელი სიმდიდრე მით უმეტეს ხელს უწყობდა ამ გარემოებას. ეკირე-აზიის ნავთსადგურებიდან გახშირდა მიმოსვლა საბერძნეთისა, სათათრეთის გემებისა, რომელსაც შეხედვბოდით არამცთუ მარტო რედუტ-კალეს ნაპირზე, არამედ თვით მდინარე ხობზედაც.

მიგრამ, გარდა იმპორტისა, ადგილი ჰქონდა აგრეთვე ექსპორტსაც: სიმინდი, ფეტვი, თუთუნი, ხილეულობა, ტყავები, სანთელი, ღვინო და განსაკუთრებით სამეგრელოს მშენიერი საალმშენებლო მასალა გაჰქონდათ ოდესაში, ასალებდენ იქ მოგებით და ეს საქმე რაინოდენიმედ წინ სწევდა კოლხიდის ნაპირის დალარბებულნი ხალხის ქონებრივ მდგომარეობას.

ამრიგად ლეაქციგ-ოდესა-რედუტ-კალეს ვაჭრობამ გამოაცოცხლა ტფილისი, ერევანი და თავრიზიც და ასეთი ტემპით დაწყებული საქმე განსაკუთრებული წარჩინების გზას დაადგა, მაგრამ ხანმოკლე იყო მისი სიცოცხლე, მისი არსებობა.

1831 წელს რუსეთის ფინანსთა მინისტრმა კანკრინმა, რომელიც თავიდანვე აღმატურად უყურებდა ამ ვაჭრობას, გამოგზავნა საქმის გასაცნობად კანცლერი პელჩინსკი. პელჩინსკის ხელი შეუწყო აგრეთვე თავისი ზრახვების სისრულეში მოსაყვანად მაშინდელმა სამოქალაქო საქმის გუბერნატორმა ზავილციმ. რედუტ-კალეში დააწესეს ბაჟი და 1832 წ. კი მოხსნილ იქნა ვაჭრობის თავისუფლება და მის ნაცვლად დაარსდა ტფილისში აზიის სავაჭრო საზოგადოება, რამაც საშინელი თავზარი დასცა კოლხეთის მკვიდრ მცხოვრებლებს.<sup>1</sup>

მართალია, ამით ბოლო მოეღო არსებითად ამ მნიშვნელოვან ვაჭრობას, მაგრამ მიმოსვლა, ურთიერთობა, 1832 წლიდან განსაკუთრებით რუსეთთან ისევ გრძელდება...

ვიციოთ, მაგ., რომ ანაკლიასა და რედუტ-კალეს, როგორც სავაჭრო პუნქტების დათმობისათვის ლევან დადიანს ეძლეოდა წელიწადში 12,000 მანეთი.

აღსანიშნავია აგრეთვე მე-XIX ს. პირველი ნახევრის მიწურულში ვაჭრობა-წარმოების ის თვალსაჩინო აყვავება, რომელსაც ადგილი ჰქონდა ზუგდიდის ოლქის მოსახლერე მდინარე ცივის მარცხენა ნაპირზე მდებარე კენტრალ ემპორიუმ სუჯუნაში. მდინარე ცივიდან ეს რაიონი იწყებოდა თეკლათის საზოგადოებით, სადაც უმთავრესად ცხოვრობდნენ მხეიძეები, მათ შემდეგ უფრო ზღვის ახლო თავადი ჯაიანები, ქოჩაქიძეები და მიქაძენი. მათი ადგილები აღწევდა მდინარე რიონამდე და საზღვრავდა დიდ საეკლესიო მამულს საქყონდილოს, რომელიც იწყებოდა მდინარე რიონის ნაპირით ს. ქალადიდიდან. მთელი ეს ოლქი ცნობილი იყო მცხოვრებლების შრომის მოყვარეობითა და მშვიდობიანი ყოფა-ცხოვრების დამახასიათებელი თვისებებით. შეიძლება ითქვას, რომ ეს ყველაზე უფრო მდიდარი კუთხე იყო სამეგრელოში. ამ კუთხის თითოეული ნაწილის მცხოვრებლებს ჰქონდათ

<sup>1</sup> იხ. M. Wagner. Reise nach Kolchis Liepzig. 1850. გვ. 207-210.

განსაზღვრული, სპეციფიკური ხელობა ან წარმოება. მხეიძე, მიქაძე და ქოჩიაძეები ეწეოდნენ ტყის ექსპლოატაციას; საეკლესიო აზნაურებსა და გლეხებს პურისა და ღვინის მეურნეობის გარდა, და განსაკუთრებით კი ჩალვადრობითა და სანდლებით გადაჰქონდათ ტრანსპორტი ორპირიდან რიონით ფოთში. ამასვე მისდევდნენ ქალადიდის მცხოვრებლებიც<sup>1</sup>.

საეკლესიო მამული სუჯუნაში აწარმოებდა ცხოველ ვაჭრობას, რომელშიაც მონაწილეობას იღებდა ებრაელთა ახალშენიც.. საკილლას რაიონში იყო სავაჭრო ადგილი დაბა ორპირი რიონსა და ცხენიწყლის შესართავთან: აქ არსებობდა ფოსტა და აშენებული იყო ნავთსადგური ყველა სატრანსპორტო გემებისათვის. მათ ინახავდნენ აქ რუსეთის ყოველი კუთხიდან თავმოყრილი საქურისები, რომელნიც შეადგენდნენ № 96 საინვალიდო როტას, რიცხვით 380 კაცამდე. მათ ააგეს რიონის გასწვრივ ლამაზი სახლები და ამით დაბა სავაჭრობად დაამშენეს. როგორც მუშებმა, მიუხედავად თავიანთი ფიზიკური დაშავებისა, მაინც მოიტანეს აქ სარგებლობა. მათ შორის შეხიდეობდით ყოველგვარ ხელოსნებს, დურგლებს, ხუროებს, მკედლებს, მეფურნეებს და სხვა; ასე რომ შესაკვეთებს ისინი ქუთაისიდანაც ლებულობდნენ. ჯანსაღობით თუმცა სუსტნი იყვნენ, მაგრამ შრომის მოყვარე მუშაკი საქურისები არამცთუ ასწრებდნენ შენაკვეთ სამუშაოთა შესრულებას, არამედ იმავე დროს ინახავდნენ აგრეთვე სატრანსპორტო გემებსაც ორპირიდან ფოთამდე სხვადასხვა სინძიმეთა გადასახიდავად<sup>2</sup>.

აშკარაა, ეს კოლონია ხალხს ფართე მასასთან ურთიერთობის გარეშე ვერ იარსებებდა; პირიქით, უნდა ვიფიქროთ; რომ მას ჰქონდა უაღრესი ეკონომიური მნიშვნელობა იმდროინდელი სამეგრელო-აბსათის ადგილობრივი მცხოვრებლების ამ ხელოსნობაში ჩაბმის გამო.

დაახლოებით მე-XIX სკ. 40 წლებში ზუგდიდში ჩვენ ვხედავთ აბრეშუმის ამოსახვევ ქარხანას<sup>3</sup> (ფილატურა) საფრანგეთის გრაფ ფანტი-დე-როზმორდესის ხელმძღვანელობით.

1) ს. თეკლათიდან და სახარბელიოდან გაჰქონდათ სტამბოლში დაფინს ფოთოლი და კაკალი რაც ჩანს ბერძენ სპილიოტსა და მიქელიჩა გრიგოლიას შუა ამტყდარ უთანხმოებიდან ხელშეკრულების სფე-ოში მთ-ვარი დავითის დროს (ნაპოლეონი საბუთი № 4598 და № 3338. სამეგრელოს მუხეუმი. სააკიეო განყოფილება).

2) იხ. К. А. Бороздин, გვ 288—9.

3) ამ ქარხნის ერთ-ერთი მომუშავე ფრანგი-მკვიდელი, საფრანგეთის ბარაკადების მოწამე, აღდროვანებული იყო სამეგრელოს გლეხური აჯანყებით და მზად იყო გმლერა მარსელისა.

როზმორდჟუკმა დაჰყო აქ თითქმის 15 წელი, შეისწავლა ადგილობრივ მკვიდრთა ენა, დაუახლოვდა მცხოვრებლებს და აპირებდა ლესიქინეშიც (ზუგდიდის მაზრა) ასეთივე განყოფილების გახსნას, მაგრამ, სამწუხაროდ, მის განზრახვას ხელი შეუშალა ყირიმის ომმა და, როგორც უკვე აღვნიშნეთ, ფერჰად-ფაშის მიერ გადამწვარ იქნა ზუგდიდის სასახლესთან ერთად როზმორდჟუკის საქსოვი ქარხანაც<sup>1</sup>.

ყურადღების ღირსია აგრეთვე სამეგრელოს მთავარ დავითის მიერ მოწყობილ სამზარეულოში chef de cuisine შვეიცარიელები და თვით მისი ინიციატივით სპეციალი დარგისათვის უცხოელების მოწვევა (როგორც მაგალითად, ოქრომქედლების, ექიმების, უბრალო მკვდლების) და, თუ ყველა ამას სახეში მივიღებთ, შეიძლება ითქვას, რომ სამეგრელოს მკვიდრ მცხოვრებლებს საშუალება ჰქონდათ მე-XIX საუკუნის პირველ ნახევარში უკვე უშუალოდ გაეცნოთ დასავლელები, ჩაეხედათ მათ შინა ბუნებაში, მათ საზოგადოებრივ წესწყობილებაში, რაიც უეჭველად ბატონ-ყმობის საწინააღმდეგო მისწრაფებას წარმოშობდა მათში.

ჩვენის აზრით სწორედ ეს გარემოება იყო მიზეზი სამეგრელოს გლეხების იმ მტკიცე ორგანიზაციისა და დისციპლინის, რომლის გამო აჯანყების ჩასაქრობად ქუთაისიდან გაგზავნილი გენერალი კოლუბიაკინი გაკვირებული სწერდა მეფისნაცვალს ტფილისში: „მიზანი ამბოხებისა მხოლოდ წინამძღოლებმა და თავდამდებულებმა უწყიან, მაგრამ სიტყვები და იდეები, ლოზუნგებად გადასროლილი ხალხში, აძლევენ მას ისეთ ხასიათს, რომლის გამოსარკვევად საჭიროა მივმართოთ დასავლეთის ნომენკლატურას“<sup>2</sup> ანდა „არ არის საეჭვო, რომ მმართველობის ნაკლსა და შინაურ ბოროტ შთაგონებას ზედ დაემატა დასავლელების იდეების გავლენა... შემოტანილს—მეტყვიან—ვის მიერ, რა გზით? ვუპასუხებ: წარსული ომით, მოვაქრე უცხოელების აქ ყოფნით, კონტრაბანდისტების მიერ და ბოლოს, თუ შეიძლება ასე ვთქვათ, ზღვიდან ქარით“ (ibidem, 173).

ამრიგად სამეგრელოში მე-XIX სკ. პირველ ნახევარში დასავლეთის შუქი უკვე იმდენად შემოიჭრა, რომ მან თვით ადგილობრივ მკვიდრთა ფართე მასაში ჰოვა შესაუერისი გამოძახილი...

<sup>1</sup>) ომერ-ფაშის ასეთი მოქმედებით უმაცყოფილო როზმორდჟუკი გაემგზავრა სტამბოლს და საფრანგეთის ელჩი ტუვენელის საშუველებით ზარალის ასანახა-ურებლად გამოითხოვა ოსმალეთის მთავრობისაგან 15,000 მანეთი.

<sup>2</sup>) იხ. Ак. Кав. Ар. Ком., т. XII, გვ. 172.

## II. გლეხური მმართველობის დამყარება.

როგორც უკვე ზემოთ აღვნიშნეთ, სახლთუხუცესად ან სამთავრო ქონების მეთვალყურედ ეკატერინემ მოსკოვში გამგზავრების წინ დატოვა დავით ჩიქოვანი, რომელსაც დავალებული ჰქონდა ეკატერინეს დაბრუნებამდე შეეკეთებინა სალხინოს სასახლე (რადგანაც ზუგდიდის სავსებით გადაშვარი იყო ისკანდერ-ფაშის მიერ) და მკაცრი თვალყური ედევნებია სასახლის სამეურნეო ნაწილის გაუმჯობესებისათვის. ჯერ კიდევ სამეგრელოს უკანასკნელი მთავრის დავითის მიერ სამთავრო უწყება მომართული იყო ოსტატურად. ეს ხალხში მხოლოდ სიძულვილის გამომწვევი აპარატი მოქმედებდა ერთგვარი ხერხით და, ამ მხრივ სამთავრო შენობათა შესაკეთებლად თუ გასაკეთებლად დაწესებული ბეგარა დაბალი წოდებიდან მუშახელის უფასოდ გამოყვანისა და სარგებლობისა ძალაში რჩებოდა, რაც იმ თავითვე ჰბადებდა გლეხებში უკმაყოფილებას. ადათის ძალით კი ყველა მებატონის სამფლობელოში გამოძახილ მუშას იმავე მებატონისაგან უნდა მიეღო სასმელ-საქმელი; მაგრამ მთავარი ამ ადათს თავის პირადი სარგებლობისათვის, უარყოფითად შეხვდა და თანდათან აიძულა გლეხები გამოცხადებულიყვნენ სამუშაოზე თავიანთი სურსათით.

მის სიკვდილის შემდეგ ეკატერინეც იცავდა ამ წესს და სახლთუხუცესი დავით ჩიქოვანი თავის აგენტების საშუალებითა და უფრო კი თავის მარჯვენა ხელის მოურავი მალაქია კუხალეი შვილის შემწეობით შეუდგა ეკატერინეს მოსკოვში ყოფნისას სალხინოს სასახლის შეკეთებას და მორეკა სხვადასხვა სოფლიდან ხალხი, მოსთხოვა მათ ამ მიჩნეულ სამუშაოს შესრულება თავიანთივე სურსათ-სანოვაგით.

გლეხები, ფარული უკმაყოფილებით აღსავსენი, *volens nolens*, შეუდგნენ მუშაობას თავიანთი საკუთარი მქადითა და ღობით. სახლთუხუცესს მოსთხოვეს მხოლოდ ნება დაერთო მათთვის სამთავრო წისქვილში ხორბლეულობის დაფქვაზე. სახლთუხუცესმა ნება დართო მხოლოდ განსაზღვრული ნაწილის აღებით. ამით კი უკვე საბოლოოდ

აივსო მოთმინების ფიალა და გლეხებმა ცხარე პროტესტი განაცხადეს იმ ახსნა-განმარტებით, რომ ჩვეულებრივი ადამთი სამთავრო წყობილებასთან ურთიერთობისა უკვე დაირღვა მაშინ, როდესაც გლეხებს დააკისრეს სამუშაოზე თავიანთი სურსათით გამოსვლა, ხოლო ამას კი ახლა ემატება კიდევ ახალი უსამართლობა ახალი ბაჟის გადახდით. როდესაც სახლთუხუცესმა ამას არ მიაქცია სათანადო ყურადღება, მეორე დღეს გლეხთა დეპუტაცია წარუდგა ეკატერინეს მოადგილე გრიგოლს ზუგდიდში; მაგრამ გრიგოლმა თავის ინსტრუქციის მეოხებით დეპუტაციას ვერც ჰო უთხრა და ვერც უარი. დაბრუნდა დეპუტაცია სალხინოში და მოუწოდა ისედაც აბოზოქრებულ ზღვა-ხალხს გაუიცვისაქენ. სახლთუხუცესის ცდა, რომ წინააღმდეგობა გაეწია შეიარაღებული ძალით, სასტიკად დამარცხდა. მის მოხელეებს გლეხებმა სცემეს უზომოდ, თვით მისი ძმა ივანე ჩიქოვანი გარეკეს და იკრძნეს რა, რომ რუბიკონი გადალახული იყო, უკვე ათასობით შეგროვდენ მახლობელ მთაზე წაჩხურუს ეკლესიის გალავანში და შეპფიცეს ერთმანეთს ბატონთა უსამართლობის წინააღმდეგ უკანასკნელი სისხლის წვეთამდე ებრძოლათ.

სახლთუხუცესი გაიქცა გრიგოლთან და ითხოვდა მისგან საგრძნობ ძალას შეამბოხეთა დასამორჩილებლად, მაგრამ გრიგოლმა განუმარტა, რომ მის ინსტრუქციაში არ არის ისეთი მუხლი, რომელიც ავალებდეს მას სახლთუხუცესის ყოველგვარი მოთხოვნილებების დაკმაყოფილებას. სახლთუხუცესი იძულებული შეიქნა ხელი აეღო სამუშაოზე.

სალხინოს სასახლის ირგვლივ შექმნილმა უკუღმართობამ ბუნებრივად შეაკავშირა მტკიცე ერთეულში სამუშაოდ თავმოყრილი გლეხობა. ეს იყო ერთად-ერთი გამოსავალი იმ საშინელი ქანქრობიდან, რომელშიაც ჩაყენებული იყო გლეხობა.

ამგვარად სალხინოს სასახლის ისტორია შეიქნა საბაბი გლეხების შეკავშირებული გაფიცვა პროტესტისა არსებული უსამართლობის საწინააღმდეგოდ.

დეპუტაციის გაგზავნას გრიგოლისადმი, შეკავშირებულ პროტესტს ახალი ბაჟის შემოღების გამო და წაჩხურუს გალავანში „ყველა ერთისათვის“ ფიცის მიცემას, როგორც დანამდვილებით გამოირკვა, წინასწარ ხელმძღვანელობდა არალეგალური ორგანიზაციული წრე „სხუნუ“ (თათბირი) სქევამაია ნადარაიასა, შუკოჩია კილასონიასა და გვატია გადილიასაგან შემდგარი <sup>1</sup>.

<sup>1</sup>) ჩვენება გუჩურ შვანიასა და პიხვიია გადილიასი (ს. კიწია).

მათი წინამძღოლობით ეს აბობოქრებული მასა, წაჩხურუს ეკლესიის გალავანში ფიცის დადების შემდეგ, დაბარგდა „კირილ-ხინჯ“-ში (სალხინოსა და კიწიის საზღვარზე) და ბუკის საზარელი დაკვრით შემოიერთა დანარჩენი ნაწილი საზოგადოებისა, აღმართა წითელი დროშა „შილა“ და მეთაურად აირჩია მებატონეს ყოფილი ქეშიკი უტუ თოდუა, ხელობით მექურკლე, მთელ სოფელში სიპართლით განთქმული („მართალია“) და დიდი ავტორიტეტის მქონე.

ეს მოულოდნელი, სტიქიური, მაგრამ დასაწყისშივე მეტად განმტკიცებული აღელვება ისე მოედვა ახლო მდებარე ადგილებს, რომ სულ რამდენისამე დღის განმავლობაში, განსაკუთრებით მას შემდეგ, რაც სალხინოს სასახლე ხელთ იგდეს, უკვე მთელი სალიპარტიანოც<sup>1</sup> მათ განკარგულებაში იყო.

მომხდარი სინამდვილის ცნობა მყისვე მოედვა მთელ სამეგრელოს. თითოეული მემამულის ოჯახში დაახლოებით ხდებოდა ის, რაც მოხდა სამთავრო უწყებაში. რადგანაც თითოეული მემამულე ზრუნავდა, როგორც ზემოთ აღვნიშნეთ, აენახლაურებია ომით გამოწვეული თავის ზარალი გლეხის ზედმეტი შრომით, მისი ოფლითა და, თუ გნებავთ, მისი დასაკუთრებით, გასაგებია, თუ ხალხმა, რომელსაც საშინელი მეწყერისაკენ ერეკებოდა მებატონეთა თავგასულობა, ცქეიტა ყურები და სალხინოს ამბობებას გვერდში ამოუდგა. იშვა გლეხის წიაღიდან ბრძოლის იდეა; ვერც გრაგოლმა და ვერც ეპისკოპოსის სამოციქულო სიტყვამ ოდნავად ვერ შესძლეს რამოდენიმედ მაინც შეეჩერებინათ თანდათან მოზარდი სამეგრელოს გლეხობის მთლიანი აჯანყება.

როდესაც გლეხებმა სალიპარტიანო ხელთ იგდეს, მაშინ უკვე მოწყობილი იყო ასაფეთქებელი ნიადაგი „სამანიჩოში“ (დღევანდელი წალენჯიხის რაიონი); არალეგალური ორგანიზაციის ერთერთი წევრის შუკოჩია კილასონიას მიერ, წალენჯიხის მცხოვრებ მთელ „ლაკადაში“ (ზემო სამეგრელო) ცნობილ უტუ მიქავასთან. ხოლო როდესაც სალიპარტიანოელები, რიცხვით 4000 კაცი, უტუ თოდუას მეთაურობით, შეიარაღებული შუბებით, წალდებით, ჯოხებთა და მაგვვარი იარაღით, გადავიდნენ ხობიწყლის მარჯვენა ნაპირზე და ესტუმრენ წალენჯიხას, მთელი ლაკადის გლეხობა, რომ-

1) სალიპარტიანო შეიცავს მდინარე ტეხურის ორსავე ნაპირზე მდებარე 16 სოფელს: ნობული, წაჩხურა. ვაბა, ლეცე, სარხინო, ქაცარი, ოქური, თამოკო, მაცაცინე, თარგამული. ნახურცილუჭ, გურზემი, კიწია. დოშაყი, ტალერი, დღვანა და ჟინოთას.

გორც ერთი კაცი, დადგა ფეხზე, მტკიცედ შეჭვიცა სალიპარატიანო-ელეებს და თავის საკუთარი დროშითა და საყვირებით შეუერთდა მას ამ ზღვა ხალხის, ამ მრავალრიცხოვანი, როგორც ამას სამეგრელოში უწოდებენ, „ურდუმის“, საერთო უფროსად, და მთავარსარდლად ერთსულოვნად არჩეულ იქნა მკედელი უტუმიქაეა, რომლის სახელი განზოგადებული იყო მთელს ოდიშში, როგორც თავის ხელობით (განსაკუთრებით ზეინკლობით), ისე თავის შეუროგებელი, საარაკო საქციელით თავად-აზნაურობასთან. უტუმე უმაღლეს ფეხზე დააყენა მთელი გლახობა მდინარე ხობიწყლიდან ინგურამდე, სალიპარტიანოელებთან შეერთებული წალენჯიხელებით დაბრუნდა უკან ხობიწყლით და ესტუმრა საიჩუოს<sup>1</sup>. (მდინარე ოჩხომურისა და ცივის შუა მდებარე სოფლები), მისთვის უკვე კარგად ნაცნობ მხარეს (იხ. უტუს პიროვნება) და ნოქალაქევიტ ბანძა-მარტიელის რაიონებს. ამ დროის განმავლობაში ფარული ორგანიზაციის ზემოქმედებით მოზადებულმა ბასა სხულუხიამ საქმე გაჩარხა საკუონდილოში და როდესაც უტუ დაეუფლა ბანძა-მარტიელს, საქილაო-სუჯუნის რაიონმა კოჩა თოდუას მეთაურობით მოასწრო ბატონის უღლის გადაგდება მარტის თვეში.

თავისი შეიარაღებული მოგზაურობა სამეგრელოს ყველა ადგილებში უტუს ჯარის მიერ (10,000) წარმოებულ იყო ერთგვარი გეგმაგათვალისწინებული სახითა და თანამიმდევრობით.

აი თვით ის გეგმა, რომელიც სავალდებულო ნორმად მიიჩნია უტუმე:

ა) ყველა იმ გლახებს, რომელნიც ეწინააღმდეგებოდნენ მათს განზრახვას და არ შეუერთდებოდნენ მათ ფიცით, აპარტახებდნენ ქონებრივად და სჯიდნენ ფიზიკურად;

ბ) ათავისუფლებდნენ როგორც მოახლეებს, ისე ყოველგვარ მოსამსახურეებს, თავად-აზნაურების ოჯახებიდან და აქორწინებდნენ მათ;

გ) იმ თავადებსა და აზნაურებს, რომელნიც გაუწევდნენ წინააღმდეგობა-ურობას, ანდა ცნობილი იყვნენ წინედ თავიანთი სასტიკი მოპყრობით ყმებისადმი, ანადგურებდნენ უმთავრესად ქონებრივად<sup>2</sup>;

<sup>1</sup>) ჩვენება პეტრე ლაშხიასი (ს. გაშფერდი).

<sup>2</sup>) როგორც დანამდვილებით გამოირკვა, ამ აჯანყებაში უტუს ლაშქარმა სასვებით გაუნადგურა სახლთ-კარი მაღალი წოდებიდან შემდეგ პირებს: მურაზია ანჯაფარიძეს (ს. კიწია), დიმიტრი ბატონიშვილს (ს. მოხაში), სუმო და ბეჩუნა ჯორჯიკიებს (ნოჯიხის მდივანბეგები), ლევან ჩიქოვანს (ს. ნაგვაზუუ), ლევან გოშუას (ს. კირცხი), დავით შენგელაიას (ს. ობუჯი, მღვდელია) და სხვები.



დ) ძალით შეიჭრებოდნენ ეკლესიებში და შეურაცხყოფდნენ აგრეთვე ყველა იმ მღვდლებს და საერთოდ საეკლესიო პირებს, რომელნიც არ თანაუგრძნობდნენ მათ და თავიანთი ქადაგებით ცდილობდნენ მათი მოძრაობის უარყოფას.

ხალხში, ფართე მასაში კი, ხელმძღვანელობდნენ შემდეგი პრინციპებით „თავად-აზნაურთა წოდება არ უნდა არსებობდეს, რადგან ჩვენ ყველანი ძმები ვართ. ფუფუნება ცოდვია და ამისთვის აკრძალულია ქარხნის მათდისაგან სირიფით შემუყული ჩოხის ტარება. სავაქრო მოგება უნდა იქნას ზომიერი და ამისთვის წესდება ნიხრი არამცთუ ყველა ბუნებრივ ნაწარმოებზე, არამედ ყოველგვარ საქონელზე საერთოდ“<sup>1</sup> ... მაშინ, როდესაც აჯანყებამ მიიღო ფართე ხასიათი, თავის რკალში ჩაითრია მთელი სამეგრელო და მარტის თვეში მიაღწია თავის განვითარების უმაღლეს დონეს, ძველი მმართველობის ნაშთი, ყველგან გაქარწყლებული იყო: სამეგრელოს ახალი მმართველი, ქვეყნის გამგებელი, უტუ მ ი ქ ა ვ ა გახდა; მას უშუალოდ ემორჩილებოდნენ, როგორც მთავარი ლაშქარი, ისე საზოგადოებებში მის მიერ გლეხთა წრიდან ახლად დაყენებული ნდობით აღჭურვილი პირები. ხალხმა მას მიანიჭა განუსაზღვრელი უფლება „დადიობა“, „კეისრობა“ (იხ. უტუ ს პიროვნება).

რას აკეთებდა ამ დროს თავად-აზნაურობა და საერთოდ ყოფილი მმართველობა? ისინი იმდენად უძლური, იმდენად მისუსტებულნი და ღონემიხდილნი აღმოჩნდნენ ამ აჯანყების წინაშე, რომ უმთავრესმა ნაწილმა თავი შეაფარა აფხაზეთსა და სვანეთს, ნაწილი კი მთებში გაიხიზნა და ნაწილი შეურიგდა თავის მდგომარეობას და ძალა-უნებურად დამორჩილდა. ასე რომ მასიურ სამკდრო-სასიცოცხლო ხასიათის შეტაკებებს აჯანყებაში გლეხთა და თავად-აზნაურთა შორის ადგილი არ ჰქონია, თუ სახეში არ მივიღებთ პარტიკულარულ შეტაკებებს: ზუგდიდში იქაურმა მდივანბეგ ნიკო დადიანმა თავად-აზნაურების რაზმთან ერთად მოისურვა მოძრაობის შეჩერება, მაგრამ წარმოებულმა სროლამ ვერ გამოიღო ნაყოფი მათ სასარგებლოდ.

დროებით მმართველმა გრიგოლმა და ქყონდიდელმა თეოფანემ ეკატერინეს ჩამოსვლამდე სცადეს მორიგება და გაემგზავრენ ს. ოჩხომურში,<sup>2</sup> სადაც დაბანაკებული იყო გლეხთა ლაშქარი, მაგრამ უკანასკნელთ იგინი სრულებით არ მიიღეს.

1) Ак. Кавк. Арх. Ком., т. XII, გვ. 107.

2) იხ. Ак. Кав. Ар. Ком. გვ. 108 და თედორე ხოშტარია ს მოგონებ., გვ. 60.

როდესაც სამეგრელოში ყველგან ჩატარდა გლეხთა აჯანყების ოპერაცია, გაქარწყლდა თავად-აზნაურობის ხელისუფლება<sup>1)</sup>, უტუხს შეიარაღებული ძალის მთავარი ნაწილები დაბანაკდნენ მდინარე ხობიწყლის მარჯვენა და მარცხენა ნაპირებზე და უტუხს კი მიენიჭა სამეგრელოს უზენაესი მმართველის უფლებები, სწორედ მაშინ 1857 წ. აპრილის თვეში ჩამოვიდა ეკატერინე პეტერბურგიდან ტფილისს, სადაც უკვე სამეგრელოს გლეხური აჯანყების ინფორმაცია მიღებული ჰქონდათ. რასაკვირველია, ეს ინფორმაცია არ გამოეპარებოდა მასაც, მაგრამ ის სრული სულიერი სიმშვიდით გამოემგზავრა ტფილისიდან მაისის თვეს თავის სამფლობელოსაკენ. მოალწია სოფელ კულაშს, მას დაუხვდა დიდის მოწიწებით მეგრელი თავად-აზნაურობა, ეპისკოპოსი და დროებით მმართველი გრიგოლი; ეკატერინემ შეამჩნია, რომ ამ შემხვედრ წრეს აკლდა ბევრი წარმომადგენელი „მაღალი კლასიდან“ და მისდა სამწუხაროდ აქვე გაიგო კიდევ, რომ სამეგრელო შემადრწუნებელ მდგომარეობაშია: თავად-აზნაურობის არსებითი ძალა სადღაც უკვალოდ გამქალა, ქვეყნის მმართველობა ჩაუბარებია უტუხს და მის ლაშქარს, მოახლე-მოსამსახურეებს მიუტოვებიათ თავიანთი მებატონეები, გლეხების საკმაო რიცხოვანი შეიარაღებული ძალა უტუხს მთავარსარდლობით დაბანაკებულა მდინარე ხობიწყლის მარჯვენა და მარცხენა ნაპირებზე. სახლთუხუცეს დავით ჩიქოვანმა უამბო ყველაფერი ეკატერინეს სალზინოს სასახლის ისტორიიდან საკუთარი თავის მართებულად აღიარებით.

გრიგოლმა თავის მხრით უმოქმედობის საბუთად ინსტრუქციამემორანდუმი გამოიყენა, სადაც აღნიშნული არ იყო სალზინოს სასახლის ირგვლივ განსაკუთრებული სამოქმედო მუხლი. ამრიგად მათ შუა ატყდა მთელი დავა-აღიარებით; ბოლოს ერთმანეთისადმი აუგის თქმისა და მუქარის შემდეგ ეკატერინე ჩიქოვანებთან ერთად გაემგზავრა გორდს, სადაც ეწეოდა თავადებსა და ბატონიშვილებს შორის ფართე აგიტაციას; მაგრამ, როდესაც ჩიქოვანების გარდა მას არავინ შერჩა მისი აზრების გამზიარებელი, ის დარწმუნდა, რომ მხოლოდ გრიგოლისა და ეპისკოპოსის საშუალებით ვერას გახდებოდა და ძალაუვნებურად თვით უნდა ჩარეულიყო უშუალოდ გლეხების აჯანყებაში, რომ შეეჩერებინა როგორმე მომხდარი სინამდვილის

1) როგორც ამ დამორჩილების, ისე საერთოდ თავად-აზნაურთა უძლურებისა და მათი ნიშანდობლივი თვისების ირონიულ გამოხატულებას შეიცავს ერთი ხალხური ლექსი, რომელიც დღესაც პოპულარულია სამეგრელოში და სასიმღეროდაა გამოყენებული (იხ. И. Книшидзе. Грамматика Мингр. языка, გვ. 149-150).

გალრმავება და გარეშე ძალის დაუხმარებლად კვლავ ჩაებარებინა თავისი ერთგული. მოხელეებისათვის ქვეყნის მართვა-გამგეობის სადავეები. ამ მიზნით 13 მაისს, ის ეპისკოპოსის თანხლებით თვით გაემგზავრა სალხინოში, სადაც თავი მოიყარა ყველა ახლო მდებარე რაიონებიდან აზღვავებულმა ტალღამ და აქ გლახობა პირისპირ წარუდგა თავის ყოფილ მმართველს. ამ ფრიად საპასუხისმგებლო მომენტში, როდესაც გაპარტახებულ-გაჩანაგებულ ხალხს ესაქიროებოდა შველა, შეღავათები და გულის მოგება, სწორედ მაშინ ეკატირინემ, როგორც სასტიკი ფეოდალის ღირსეულმა მემკვიდრემ, ამ პირისპირ შეხვედრის დროს მოითხოვა თავის „ზარალის“ ანაზღაურება და სახლთუხუცესი დავით ჩიქოვანი გამოიყენა ვით ბრალმდებელი გლახობა მიმართ. დიდი ხნის აზრთა გაცვლა-გამოცვლის შემდეგ გლახებმა წარუდგინეს თავიანთი მოთხოვნილებები. ეკატირინემ მოითხოვა სრული მორჩილება, რის შემდეგ ის შეძლებისდაგვარად დააკმაყოფილებდა წარდგენილ მოთხოვნილებებს. ხალხი კი მტკიცედ იდგა თავის გადაწყვეტილებაზე; არაერთარი შიში და მორიდება არ ეტყობოდა მის ნებისყოფას სამართლიანი მოთხოვნილების გამო. ვერც ეპისკოპოსმა თავისი ხატებით უშველა რამე. ამრიგად 13 მაისის მოლაპარაკებამ არსებითად ნაყოფი ვერ გამოიღო ეკატირინეს სასარგებლოდ. მაშინ მან მიჰმართა სხვა უფრო მოხერხებულ საშუალებას. გასწია ფარული აგიტაცია ვითომდა გლახებისადმი ფართე შეღავათების დათმობით და კიდევ იქონია გავლენა ხობიწყლის მარცხენა ნაპირს დაბანაკებული ლაშქრის ხელმძღვანელზე იმდენად, რომ 15—16 მაისს, ამ ლაშქრის მესვეურებმა უტუ თოდუამ და ზოგიერთ უხუცეს გლახებმა შეჰფიცეს მორჩილება „სასწაულთ-მოქმედი“ ხატის წინაშე და თავიანთი მდგომარეობის გაუმჯობესება მიანდვეს ეკატირინეს სამართალს, ხოლო ხობიწყლის მარცხენა ნაპირზე მდგომი ლაშქარი განიცდიდა მერყეობას, მაგრამ განსაკუთრებული სიფხიზლით იდგა თავის პოსტზე მარჯვენა ნაპირზე დაბანაკებული ლაშქრის მთავარი ნაწილი „კეისარ“ უტუ მიქავას მეთაურობით (10,000).

მასთან დათმობაზე საუბარიც ზედმეტი იყო და, როგორც ეკატირინეს აგენტების მოქმედებით, ისე თვით მარცხენა ნაპირზე დაბანაკებული ლაშქრის ნაწილების დათმობით, ის საშინლად გაშმაგებული ლამობდა მარცხენა ნაპირზე გადასვლას, რომ პირისპირ გასწორებოდა თავის. „მმართველს“.

საქმე ბოლოს იმ ზომამდე მივიდა, რომ ეკატირინეს დარჩენა სალხინოში საშიში შეიქნა. დაატყვევეს რა მისი შინაყმებიდან ბევ-

რი პირნი, მან გადასწყვიტა თავისი ნათესავებით თავი შეეფარებინა მენიქი დადიანის ასულის სასახლეში (ქვაშოხორში), სადაც ეახლენ მას გრიგოლი და კონსტანტინეც.

მდგომარეობა რთულდებოდა და განიცდიდა კრიზისს. ეკატერინემ იგრძნო სავსებით თვისი უძლურება აჯანყების წინაშე. მან დაინახა აგრეთვე ისიც, რომ, თუმაცა ამ აჯანყებას წინ უძლოდა სალხინოს ამბავი, როგორც „უბრალო“ საბაბი, არსებითად მისი შინაარსი გაცილებით უფრო ღრმა იყო. ეკატერინე შეუდგა ამ მდგომარეობიდან თავის დასაღწევად სხვადასხვა საშუალებების ძიებას და უკვე ღრმად დარწმუნებული იმაში, რომ სამეგრელოში ადგილობრივი ძალების წყალობით გლეხებთან გამკლავება უბრალო ფიქცია იყო, მიმართა გარეშე რუსების შალას, ამ შემთხვევაში უკვე ტფილისიდან კარგად ნაცნობ იმ დროს ქუთაისის სამხედრო გუბერნატორ კოლუბიაკინს, მეორე დღესვე, ე. ი. 17 მაისს, აფრინა შიკრიკი მიქაძე მასთან შემდეგი შინაარსის წერილით:

„სამეგრელოს სამფლობელოს დაბალ ხალხში ატყდა უწყესრიგობა; გლეხები განუდგენ თავიანთ მებატონეებს და ადგილობრივ მმართველობას. ისინი ფიცს სდებენ საერთოვ არ უღალატონ ერთმანეთს და ყოველა მდგომარეობის დროს იყვნენ ყველა ერთისთვის. არ ააშკარავენ მეტს არავითარ მიზანს ამ უწყესრიგობისას: ისინი დღითი დღე ცდილობენ სამეგრელოს ყველა გლეხების ერთ მთლიანობაში ფიციით შეერთებას და ამის შემდეგ ლამობენ იმ მიზნის განხორციელებას, რომელიც მხოლოდდამხოლოდ მათ უწყის. უმორჩილესად მოგმართავენ თქვენ ამის მიღებისთანავე გამოგზავნით დაბა სენაკში 300 ან რამდენიც ხელთ გეყოლებათ დონის ყაზახები კარგი მოთადარიგე ოფიცრით, რომელთაც უბრძანეთ სისწორით აღასრულონ მხოლოდ ჩემგან საკუთრივ გაცემული ბრძანებები“. <sup>1</sup>

1) იხ. Ак. Кав. Ар. Ком., გვ. 103.

### III. რუსეთის ჯარის შემოსვლა და გლეხთა მმართველობის ლიკვიდაცია.

კოლუბიაკი ნი, რომელსაც უკვე 1856 წელსაც ჰქონდა ჩამოყალიბებული თეორიული საკითხი „სამეგრელოს სამოქალაქო სხეულის იურიდიული ნორმების“<sup>1</sup> შესახებ, იმ დროს ქუთაისის სამხედრო გუბერნატორად იყო. წერილის მიღების მეორე დღეს საკმაო შეიარაღებული ძალით ის გაუდგა გზას სამეგრელოსკენ. დილის 10 საათზე ტეხურის მხრივ შიკრიკიც გამოჩნდა: მისგან შეიტყვეს, რომ გენერალიც მოემგზავრებოდა<sup>2</sup>. ამასობაში კი მტერის დიდი კორიანტელი დადგა და რამდენისამე წუთის შემდეგ გამოჩნდა ქვაშოხორში მთელი წყება შეიარაღებული ყაზახებისა საკირო სამხედრო მოწყობილობით.

შეხვედრისთანავე პირველი თბილი სალამის შემდეგ, ეკატერინე შეუდგა მომხდარი ამბების განმარტებას კოლუბიაკინის წინაშე. თავზე მოახვია რა გრიგოლს მთელი უბედურება ამ აჯანყებისა, ის ამბობდა: „დაეუტოვე სამეგრელო ნორმალურ მდგომარეობაში და მან [გრიგოლმა] თავისი მოღალატური მართვა-გამგეობით ააჯანყა გლეხობა. ჩვენი ოჯახის მტერ ბატონიშვილებთან ხელჩაკიდებულმა შეაწუხა უკიდურესობამდე თავდადებული ხალხი [იგულისხმება ჩიქოვანები], რომელიც თავითვე ლამობდა აჯანყების ჩაქრობას, და ამით გააღრმავა ის ძლიერ. ახლა ჩემი პეტურებურგიდან დაბრუნების შემდეგაც თავისი მალული მანევრებით ის ხელს მიშლის დავაწყნარო მხარე. საქმე იმ ზომამდე გართულდა, რომ თავშესაფარი უნდა მომენახა ჩემი ნათესავის სახლში და აქაც შეუძლებელია უშიშრად დარჩენა. რამდენისამე ვერსის მანძილზე დაბანაკებულია მრავალრიცხოვანი გლეხური ბანდა და გვიქადის შემოტევით. აქედან, თუ

1) იხ. Архив Главноначальств., связка № 2084. 1

2) გარდა აღნიშნული ოფიციალური მიმართვისა, ეკატერინე კერძო წერილით სთხოვდა კოლუბიაკინს დაუყოვნებლივ ჩამოსვლას და ფართე ხასიათის დახმარების გაწევას

რას აყენებდა ეს ხალხი (გლეხური ბანდა) თავიანთ მებატონეებს, ად-  
ვილი საფიქრებელია, რომ მეც თავს დამატყდეს ყოველგვარი მათი-  
სიბრაზე-სიმხეცე... ჯერ, სანამ დააწყნარებდეთ სამეგრელოს, საქიროა  
გრიგოლის გაძევება“-ო. კოლუბიაკინი, მოკლებული საქმის ვითარე-  
ბის ცოდნას, გაყუა ეკატერინეს რჩევას და ორივე ძმა გრიგოლი და  
კონსტანტინე აიძულა გამგზავრებულიყვნენ ტფილისს პოლიტიკური  
მოსაზრებით. თვით კი საკმაო შეიარაღებული სამხედრო ძალით  
მოითხოვა შარა-გზის მკოდნე პირები და დაიძრა მახლობლად დაბა-  
ნაკებულ გლეხთა მთავარი ლაშქრისაკენ.

სოფელ შხეფიდან 5 ვერსის მანძილზე გენერალმა შეამჩნია მო-  
შორებით თემშარაზე 5 ცხენოსანი, რომელნიც მომავალი ჯარის ნა-  
ხვისთანავე მყის გაბრუნდნენ უკან. თანამგზავრებმა აუხსნეს გენე-  
რალს, რომ ესენი იყვნენ ლაშქრის ცხენოსანთა მზვერავები. 8 ვერსის  
მანძილზე (ქვაშოხორიდან) გენერალმა ამალღებულ ბორცვიდან შე-  
ნიშნა ფართე ბუჩქნარიანი მინდორი, რომელზედაც თვალუწვდენელი  
დაბურული ტყის გვერდით დაბანაკებულყო სამარშრუტო წყობილე-  
ბით მრავალრიცხოვანი გლეხთა ლაშქარი. მისი რაოდენობა ერთის  
დახედვითაც შეიძლებოდა განსაზღვრულიყო დაახლოებით ათ ათასა-  
მდე. ისმოდა საშინელი ხმები ბუკთა, რომელნიც მოუწოდებდნენ ყველას  
დარაზმვისაკენ. როდესაც გენერალი მიუახლოვდა გლეხთა ლაშქარს  
ნახევარი ვერსის მანძილზე, უკანასკნელი უკვე დაძრულიყო, მოჩანდა  
დროშები და მოუძლოდა საშუალო ხნის მამაკაცი ნაციონალურ ტა-  
ნისამოსში გამოწყობილი სამხედრო წითელ-არშიანი ქუდით, მხარზე  
ლეკურ-გადაკიდებული. თანამგზავრებმა აუხსნეს გენერალს, რომ ის  
იყო ლაშქრის მთავარსარდალი „კეისარი“ მქედელი უტუ მ ი ქ ა ვ ა .

„ძნელია ვრცლად გამორკვევა იმ პროცესისა, რომლის მეოხე-  
ბით მსგავს ბანდას შესძლებოდა ამ სახეობამდე მიღწევა,—ამბობს ამ  
შეხვედრის დამსწრე კ. ბოროზდინი. უძნელესია მოთხრობა მათი  
გავვრანებული ისტორიისა, მაგრამ ერთი მიუცილებლად აშკარაა,  
რომ მათ შემადგენლობაში შევიდა უსასტიკესად დევნილი ხალხი  
რამოდენიმე წინამძღოლთა ირგვლივ“.

როდესაც გენერალი მიუახლოვდა, ჯარმა ალყა შემოარტყ  
გლეხთა ლაშქარს. ჩამოვარდა საჩუმე... „თქვენმა დედოფალმა, დაიწ-  
ყო გენერალმა, მომიხზო მე, რათა ბოლოსდაბოლოს დაგიმორჩი-  
ლოთ თქვენ. ნახევარი წელიწადია, რაც თქვენ არ უსმენთ კანონიერ  
ძალას. დედოფლის ვერავითარმა რჩევამ ვერ გასქრა თქვენს შესა-  
გონებლად. თქვენ თქვენი მებატონეები არამცთუ მიაგდეთ და ას-

რულებთ დაკისრებულ ვალდებულებას, არამედ სასტიკად უმკლავდებით მათ. ნუ თუ თქვენ ფიქრობთ, რომ ამას ბოლო არ მოეღება? მე მოვედი თქვენთან გასასწორებლად და არ წავალ უამისოდ, თუნდაც რომ მომიხედეს ყველას გაწყვეტა“. დიდიხნის სიჩუმის შემდეგ, გლებთა ლაშქრიდან წამოდგა ყველაზე უფრო მხცოვანი, მიუახლოვდა გენერალს და მოითხოვა მისგან სიტყვის უფლება. გენერალი დათანხმდა და მიიწია იქვე ჩრდილიანი ხის ქვეშ, სადაც თვით ლაშქარიც დაბანაკდა...

გლებთა ლაშქარში ატყდა ჩოჩოლი, გენერალმა მოითხოვა რონელსამე ერთს ელაპარაკნა. ყველგან ისმოდა ძახილი: „მიქავამ, მიქავამ, მიქავამ ილაპარაკოს“ და რამდენსამე წუთის შემდეგ გენერალს წარუდგა სახალხო ტრიბუნი, ლიდერი მკედელი უტუ მიქავა.

გენერალმა მოიწვია ლაშქრის მეთაური, რომელთანაც ჰქონდა მეტად საინტერესო საუბარი. მიქავამ „ალტკინებულ-ენერგიული სიტყვებით დაიწყო ლაპარაკი ხალხის ტანჯვათა შესახებ“<sup>1</sup> და გენერალს გააცნო მისი მდგომარეობა შემდეგს მუხლებში:

1. გადასახადი განუსაზღვრელია;
2. ოჯახები ნაწილდებიან;
3. საკუთრება დამოკიდებულია ბატონთა თვით-ნებობაზე;
4. საჩივრები იძლევიან მხოლოდ საბაბს ახალი შეურაცხყოფისათვის მომჩივანთა საზიანოდ;
5. გლებები სამეგრელოში ადამიანები არ არიან.<sup>2</sup>

საკიროდ მიგვაჩნია მოვიყვანოთ თვით უტუს სიტყვაც (ბოროზდინის რედაქციით) ამ შეხვედრის დროს გენერლის წინაშე წარმოთქმული რომლის მკერმეტყველურმა და მოსწრებულმა სიტყვა-პასუხმა რამოდენიმედ დააფიქრა გენერალი და საგრძნობლად შეამსუბუქა ის შურისძიება, რომელიც მას დედოფლის რჩევით უნდა გამოეჩინა.

„დაახლოვებით წლის უკან—დაიწყო უტუმ—სამშობლო ჩვენი გარემოცული იყო ოსმალეთის ჯარით; მტერმა გასწყვიტა, დაანგრია ყველაფერი, რასაც მისი ხელი მისწვდა. შევლას ჩვენ არსაიდან არ მოველოდით: რუსის ჯარი ჩვენგან წავიდა

<sup>1</sup>) იხ. А. К. Кав. Ар. Ком., გვ. 113.

<sup>2</sup>) ჩვენებანი პიხვინია გადილიასა (კიწია) და სიმონ ჩქოფოიასი (მარტვილი), რ-მელნიც უშუალო მონაწილეობას ღებულობდენ აჯანყებაში. ლომიკია და ნ-კო. ჯღანჯღავასი (გაქედელი), ტოტია ჯანაშიასა (ბ-ჯიხი) და საბა ბერიასი (კორცხელი).

და ჩვენმა მებატონეებმა კი დახმარების მაგივრად დაიწყეს ბავშვების მოტაცება და ოსმალეთში გაყიდვა; აუარებელი ბავში წაათრიეს უკანასკნელებმა ოსმალეთში.

მოგვეშორდენ ოსმალები, მაგრამ ჩვენი მებატონეები თვით ოსმალებზე უფრო სასტიკად მოგვეპყრენ. ზედმეტია ლაპარაკი იმაზე, რომ ჩვენი შრომის ყოველგვარი ნაყოფი მათ სახარგებლოდ მიღის (კურსივი ყველგან ჩვენია). გლებს, მათი აზრით, არ უნდა გააჩნდეს არაფერი, ისინი თითოეულ მათგანს ქონებრივ ღირებულებას ართმევენ თუ არა ხერხით, ძალდატანებით მაინც; ჩვენ ამას უკვე შევეჩვიეთ, მაგრამ მათ ჩვენში ადამიანური სულიც არ უნდათ დაინახონ. მათი რწმენით ჩვენ ყოველგვარ პირუტყვზე დაბლა ვდგავართ: მოეწონება ბატონს მეზობლის ქორი და ის სცელის მასზე; გლების კომლს, მწვევარსა და მეძებარ ძაღლებზე კი რამოდენმე კომლს. პირუტყვი უფრო მეტად ფახდება, ვიდრე ჩვენ. იქ კი ცხენიწყლის გაღმა არავითარ მსგავსს მოვლენას არა აქვს ადგილი (ცხენიწყალსა და რიონს გაღმა, ე. ი. იმერეთსა და გურიაში. უკვე დიდი ხანი იყო, რაც რუსის მმართველობა მოქმედებდა). ჩვენ ვიცით, რომ ისინი იქ არ დგანან პირუტყვზე დაბლა რომ იქ არსებობს მათთვის სამართალი და კანონი. რად ვართ ჩვენ ასე მოძულებული ღვთისაგან, რომ ჩვენშიაც არ დამყარდა ისეთივე რამ?...

ბატონებისათვის ბევრის გადახდაში ჩვენ ვესწრაფოდით. პატივისცემას ადათისადმი საერთო დაწესებულს ჩვენი წინაპრების მიერ, მაგრამ ის წმინდა ადათიც დიდხანია, რაც მათ შებილწეს და ომის შემდეგ კი მათმა მძვინვარებამ ყოველს საზღვარს გადააჭარბა. განსაჩივრება? სად? ვის წინაშე? დედოფალი აქედან შორს იყო. მდივანბეგები კი მებატონის მხარეზე იყვნენ; მათგან, გარდა ძალდატანებისა, ჩვენ არაფერი სიკეთე გვინახავს; თვით დედოფლის მმართველნი იმ სიმხეტვამდე მივიდნენ, რომ საკუთრივ მათმა გლებებმა უარყვეს მათდამი მორჩილება და დედოფლის ჩამოსვლამდე კიდევ ფიცი დასდევს არ გაეცათ ერთმანეთი. ჩვენ მიჰყევით მათ მაგალითს. ვფიქრობდით, რომ ის მალე დაბრუნდებოდა, მაგრამ განვლო თვეებმა, ჩვენ დაეხეტიალობდით კუთხიდან კუთხემდე მებატონეებისგან თავის დასათარავად. მხოლოდ, როდესაც იმათ ჩვენზე დევნა და ნადირობა დაიწყეს, ჩვენ შევერთდით ამხანაგურად.



და ძალდატანებას ძალდატენებით ვუძახუხეთ. ამასობაში და-  
დგა გაზაფხული, ყანები არ ითესებოდა, მებატონეები არ თმო-  
ბდენ, ჩვენც არ ვთმობდით. ბოლოს, ზაფხულს ჩამობრძანდა დე-  
ლოფალი და რა? არამცთუ ჩვენ მისგან რამე მთარველობა მი-  
ვიღეთ, პირიქით, მან ჩვენი გაგონებაც არ მოისურვა. „როგორ  
თუ გაბედეთო, თქვა მან, მებატონეებთან წინააღმდეგობა-ურჩო-  
ბა-“ო.? ჩვენი წინააღმდეგობა კი მხოლოდ იმაში გამოიხატებო-  
და, რომ ჩვენ ჩამოვართვით მათ ჯაჭვები და ხაჯალურები,  
რომლებითაც ჩვენ ისინი მთელი წლოვით გვტანჯავდენ; გა-  
მოვიყვანეთ მათი სახლებიდან დები, ქალიშვილები, რომლებ-  
საც ისინი ხასებად იყენებდენ მოახლის სახელწოდებით, და  
ქრისტიანულად დავაქორწინეთ. მოხუცმა თქვენ მართალი გი-  
თხრათ, რომ თუ კი თქვენ ჩვენთან არ მოსულიყავით, ჩვენ მი-  
ვიღოდით თქვენთან. მე მიმყავდა ყველა ეს ხალხი თქვენთან.  
და რამოდენიმე დღის შემდეგ ჩვენ უკვე ვიქნებოდით ცხე-  
ნის წყლის გაღმა. სამშობლო ჩვენი ჩვენთვის მოზეზრებუ-  
ლია. ჩვენ გადავსწყვიტეთ მოვზორდეთ მას სამუდამოდ და ვი-  
აროთ, საითკენაც თვალნი იხედებიან... დეე, ჩვენთვის ექნათ ყვე-  
ლაფერი, რასაც მოისურვებენ, თუ გინდ ყველანი დავებვი-  
ტეთ, ჩვენ მაინც მივეციეთ ერთმანეთს ფიცი: არასოდეს არავი-  
თარ შემთხვევაში უკან არ დაებრუნებულყავით. რაღაა ის სა-  
მშობლო, სადაც შეუძლებელია თავის შეფარვა, სადაც შენ-  
ზე, ვით მხეცზე, ნადირობენ. დედოფალმა ყველაფერი ეს უწ-  
ყოდა ჩვენგან, მაგრამ მას ჩვენი შველა არ უნდოდა. არასოდეს  
და არაფრით ჩვენ მას არ ვაშინებდით. საშიში ჩვენგან არა  
იყო რა. ჩვენ ავაზაკები კი არ ვართ, არამედ დაბეჩავებული,  
უბედური, მხოლოდ სიმართლის მაძიებელი ხალხი ვართ. მოგვე-  
ციოთ ეს, გენერალო, ჩვენ გადაქრით დაგემორჩილებით თქვენ.  
რა უნდა გვექნა ჩვენ, განაგრძო მიქავამ, თუ არა ძალზე ძალით  
გამკლავება? აი თუნდაც გუშინ, ჩვენ ძალაუნებურად მოგვიხდა  
გაგვეცა პასუხი აღნიშნული საშუალებით ერთ აქაურ მებატონის-  
თვის(რომლის გვარი იქვე ახსენა), რომელმაც, მოაგროვა რა თავი-  
სი მოგვარენი, მოულოდნელად დაეცა გლებს და მოსტაცა მას  
ჩვენ. მიერ წამოყვანილი და დაქონწინებული ქალი, წინედ  
მის მსახურად ნამყოფი... არ ჩანს, თუ სად დამალეს  
ეს ქალი და ამბობენ კი, რომ ის უკვე ახლა აფხაზეთის შა-  
რა-გზაზეა, რათა იქ გაყიდულ იქნას. ეს ძალდატანება არ დარ-

ჩა უპასუხოდ ჩვენის მხრივ და თვით მებატონე უკვე შეკრულ-დატყვევებულია ჩვენ მიერ, სანამ არ დააბრუნებს მოტაცებულ ქალს“ (ibidem, 144-146).

ამ მდგომარეობიდან თავის დასაღწევად უტუმ წარუდგინა გენერალს გლახთა აჯანყების მთავარი მოთხოვნილებები:

1. კაცის (ბატონის) კაცი არ უნდა არსებობდეს;
2. ნაცვლად ბატონთა უანგარიშო მმართველებისა უნდა იქნას ერთი უფლებიანი კანონიერი მმართველი;
3. უნდა მოისპოს ყმების ყიდვა-გაყიდვა;
4. გადასახადს უნდა დაედვას ნორმული საზღვარი,
5. ყმა უნდა სარგებლობდეს ადამიანური უფლებებით;
6. საკუთრება არ უნდა იყოს დამოკიდებული ბატონის თვითნებობაზე, არამედ უნდა არსებობდეს საეკლესიო ნორმა;
7. უნდა მოისპოს წინანდელი სატანჯი იარაღები და უნდა დაწესდეს სამართალი ბატონსა და ყმას შორის;
8. განმტკიცებული ადათებისადმი უნდა არსებობდეს პატივისცემა.

ამ მოთხოვნილებასთან ერთად უტუმ მოატანიდა და დაყარა გენერლის წინ მთელი გროვა ხუნდებისა, ხაჯალურებისა, ქანჩებისა და ყველა იმ სასჯელი იარაღებისა, რომლებიც ხმარებაში იყვნენ გლახების მიმართ. ამ იარაღების დათვალიერებამ გენერალზე მეტად ცუდი შთაბეჭდილება მოახდინა.

ამ დროს სათემო შარა-გზის მახლობლად გამოჩნდა რამოდენიმე ცხენოსანი; ეს იყო ადგილობრივი მდივანბეგი მებატონეებით. გენერალმა მოიხმო ისინი და უთხრა; „თქვენი ახსნა-განმარტება ჩემთვის არ არის საჭირო, მომიხმო მე აქ თქვენმა დედოფალმა გლახური აჯანყების ჩასაქრობად და კიდევ ვაქრობ მას.“

შემდეგ კოლუბიანი მიუბრუნდა უტუს ლაშქარს, აღუთქვა მოთხოვნილებების დაკმაყოფილება. მებატონეებსა და გლახებს შორის შეამავლად დანიშნა ორი თავისი მოხელე რ. ერისთავი (ცნობილი ქართველი მგოსანი) და მიქელაძე. გამოართვა ლაშქარს ბუკები და დროშები და მოსთხოვა მას დაშლილიყო. უტუსა

და მის თანაშემწეებს მიეცა წინადადება, რათა მათ ფართე დახმარება გაეწიათ ხსენებული მოხელეებისათვის ხალხის დასაწყნარებლად; თვით კი დაბრუნდა ისევ ქვაშოხორში.

არ შეიძლება არ ითქვას, რომ გენერლის ასეთ მოქმედებას ჯუალრესი გავლენა არ მოეხდინოს უტუს ლაშქარზე, რომელიც მასში მხოლოდდამხოლოდ ხედავდა ეკატერინეს მიერ მუხანათურად მოწვეულ სამხედრო ძალას მათთან გასამკლავებლად. უტუს ლაშქარი, თავის მოლოდინის წინააღმდეგ, დარწმუნდა იმაში, რომ გენერლის მოქმედება არ გამოიხატებოდა მხოლოდ სამხედრო ძალით გლეხთა დამორჩილებასა და დევნაში, არამედ ის იხედებოდა რამოდენიმედ იმ სოციალ გარემოში, რომელიც სარჩულად დაედგა ქაჯანყებას. როდესაც გენერალი უშუალოდ დაარწმუნა ლაშქარმა ამაში, ეს მისთვის უკვე გამარჯვებაც იყო და სიამოვნებით გაჰყვა გენერლის მოთხოვნას. უტუმ მიმართა თავის ლაშქარს და საუკეთესო საშუალებად სცნო გაჰყოლოდა გენერლის რჩევას; რუსეთის ჯართან უტუს სადავო არაფერი ჰქონდა, მით უმეტეს, როდესაც გენერალმა აღუთქვა წარდგენილი მოთხოვნის დაკმაყოფილება.

ამიტომ უტუმ და თვით ლაშქარმაც თანაბრად გაიზიარეს ეს შეხედულება და ლაშქარი დაიძრა დაშლის მიზნით, დატოვა რა სადარაჯოზე მისი ხელმძღვანელი უტუ.

## IV. მდგომარეობის გაფხვავება და სამეზრელოს ავტონომიის გაუქმება.

შაისის 22-ს კოლუბიაკინი ხელახლა გამოემგზავრა თეკლათში. გაიარა ქვალონი და უტუ მიქაეას თანხლებით მეორე დღეს გადავიდა ზენში, შეძრევ აბასთუმანსა და რამდენისამე დღის განმავლობაში კი ზუგდიდში იყო, სადაც წინასწარ დაბარებული ჰყავდა ეკატირინე. ყველა ამ სამარშრუტო რაიონებში დაბანაკებული იყო მთავარი ლაშქრის ცალკე ნაწილები, სადაც კოლუბიაკინი უტუს საშუალებით აღწევდა იმავე მიზანს. ზოგიერთ მთიან ადგილებში, საქმის ვითარების გამოურკვეველობის ნიადაგზე, ექსცენსებსაც ჰქონდა ადგილი, მაგრამ ეს შემთხვევითი მოვლენა იყო. საქმის გამორკვევის შემდეგ ყველგან დამაკმაყოფილებელ შედეგს აღწევდა. გართულებული მდგომარეობის ასეთი ლიკვიდაციით ეკატირინე დარჩა მეტად უკმაყოფილო. თავმოყვარეობა მისი შელახული იყო, პრესტიჟი დაცემული, რადგანაც კოლუბიაკინმა არ გაამართლა მასზე დამყარებული იმედები: ის არა ცეცხლითა და მახვილით შეიქნა შურისმძიებელი (როგორც ეს წარმოდგენილი ჰქონდა ეკატირინეს), არამედ არსებული მდგომარეობის გამომძიებელი, როგორც განსაზღვრული ტენდენციით გაქვინთილი. ეკატირინე წყევლიდა თავის თავს კოლუბიაკინის მოპატივების გამო, მაგრამ საქმეს ამით როგორ უშველიდა? საკუთარი ხელებით თავისი სამარე გათხარა. საშინლად აწუხებდა მას აგრეთვე ისიც, რომ საქმის ამ ლიკვიდაციაში თავდადებული მისი მარჯვენა ხელი ჩიქოვანები გარედ დარჩენ. სტანჯაედა მას კოლუბიაკინის მიერ ასე აშკარად გზომეღავენება იმისა, რომ „აღამიანობა და ჩვეულებრივი ადათი, ეს ის ფარგლებია, რომელსაც ვერ გასცილდება ბატონის უფლება“. ამის შენდევ ხომ უფლებზე იყო სახლთუხუცესის აპარატი, როგორც ჩვეულებრივი ადათის აღმკვეთი; ეკატირინეს ძალაუნებურად უნდა აღეარებია სახლთუხუცესის ისტორია დაფქვის შესახებ, რაც სარჩულად დაედვა აჯანყებას, აშკარა უსამართლობად. მაგრამ ის ამას ხომ მთელი თავის არსებით უარჰყოფდა და გამო-

ვიდა თითქოს ისე, რომ კოლუბიაკინი არამცთუ აქრობდა გლეხთა მრისხანებას, არამედ ხელს უწყობდა, ამართლებდა მას და რამდენადაც მოუთმენლად მოელოდა ის მას ქუთაისიდან, გაორკეცებული მოუთმენლობითვე ცდილობდა ახლა მის ჩამოშორებას. მაგრამ გვიანლა იყო. ბოლოს ზაინც შეპირების თანახმად გაემგზავრა ზუგდიდში, სადაც მას დაუხვდა სოხუმიდან დაბრუნებული გ ა გ ა რ ი ნ ი (კოლუბიაკინი კიდევ არ იყო ზუგდიდში ჩასული). ეკატერინემ იშოვა შესათფერი დრო და აჯანყების შესახებ გაგარინს უამბო ყველაფერი ისე, როგორც თავდაპირველად ქვაშობორში კოლუბიაკინს, მხოლოდ იმ განსხვავებით, რომ აშკარა ცილისწამება დასდო უქანასკნელს: „მე ვთხოვდი მას ჩემს განკარგულებაში ყაზახებს, მისი ჩამოსვლა სრულებით არ იყო საჭირო, ის არამცთუ აქრობს, პირიქით აჯანყებს გლეხებს“-ო (ibidem, 151). რასაკვირველია, მსგავსი დასმენის შემდეგ გ ა გ ა რ ი ნ ი დარჩა კოლუბიაკინის მეტად უკმაყოფილო, მიიჩნია უქანასკნელის შემოსვლა სამეგრელოში მის ნებადაურთველად აშკარა თვითნებობად.

ამით მეტად უხერხულ მდგომარეობაში ჩავაოდა კოლუბიაკინი ზუგდიდში ჩასვლისას, როდესაც გაიგო ყველაფერი თვით გაგარინისაგან. განსაკუთრებით აკვირვებდა ის, რომ ეკატერინე უარს ამბობდა წერილის მისდამი გაგზავნის შესახებ. გადაუხადა შესათფერი მადლობა მას და გაემგზავრა ქუთაისს, სადაც შეუდგა თავის მოვალეობის ასრულებას. მეორე დღეს კი ვრცელი მოხსენება გაუგზავნა ტფილისში მეფისნაცვალ ბ ა რ ი ა თ ი ნ ს კ ი ს, სადაც ჰკიცხავდა არსებულ წესწყობილებას სამეგრელოში და მებატონე-მემამულეების უხეშ დამოკიდებულებას გლეხებისადმი: „ეგ ზიკუტია ვერ გამოიღებს არსებითად ნაყოფს, თუ კი პირადი შემადგენლობა სამეგრელოს აღმინისტრაციისა არ იქნება შეცვლილი. რა სამართლიანობაა მდინარე ცხენიწყალი, რომელიც? გეოგრაფიულად შუაზე ყოფს ერთ მხარეს, ერთი თავისი ნაპირით იძლეოდეს კანონიერ იურისდიქციას, მეორით კი სრულ უსამართლობას? შეუძლებელია ამ ფაქტს მუდამ გვერდი აუეხვიოთ“-ო (ibidem, 54).

რამდენისამე დღის შემდეგ ზუგდიდიდან დაბრუნდა თვით გ ა გ ა რ ი ნ ი ც, რომელიც იქ ყოფნის დროს ბევრს ეცადა საქმის მოწესრიგებას. დიდხანს სჯა-ბაასობდა თავად-აზნაურობასთან და არწმუნებდა მათ უფრო მსუბუქი, ლმობიერი ზომების მიღების უპირატესობაში გლეხებთან; ეკატერინეს კა დაჰპირდა რამოდენსამე გამოცდილ მოხელეთა გამოგზავნას.

ასე ფიქრობდა საქმის მოგვარებას გ ა გ ა რ ი ნ ი. მეორე დღეს კიდევ შეიმუშავა პროექტი და თავის პირადი მდივან ი ზ უ მ ს კ ი ს მეო-

ხებით აცნობა მეფის ნაცვალს: „სამეგრელოში უწყესრიგობის მოსასპობად საკმარისია გამოგზავნოთ რამოდენიმე მოხელე, რის საშუალებას არ მაძლევს მე ჩემი სამმართველოს შტატების განსაზღვრული რაოდენობა“-ო (ibid., 155).

მოხსენებანი ერთის მხრივ კოლუბიაკინისა და მეორეს მხრივ გაგარინისა იმდენად ეწინააღმდეგებოდენ ერთმანეთს, რომ ბარიათინსკიმ ვერ გამოიხატა საერთო შეპარიგებელი საშუალება და ფიქრს მიეცა: კოლუბიაკინი, რომელიც პირადად გრძნობდა თავს ეკატერინესაგან შეურაცხყოფილად, სიმშვიდის დასამყარებლად ვერ ხედავდა სხვა საშუალებას, თუ არ სამეგრელოს ადმინისტრაციის, თუნდაც დროებით, მაგრამ მაინც სავსებით, გადადგომას. გაგარინს კი შესაძლებლად მიაჩნდა საქმის შევლა უფრო შინაური ხერხით, რომ აღელვებული ცხოვრება ისევ ნორმალ კალაპოტში ჩამდგარიყო.

ადგილობრივ ადმინისტრატორთა ორმა ასეთმა საწინააღმდეგო აზრმა აიძულა ბარიათინსკი, სანამ საკითხს საბოლოოდ გადასჭრიდა, გაეგზავნა ადგილობრივ საქმის ვითარების სრულ გამოსარკვევად მთავარ სასამართლოს ნამდვილი წევრი იპოლიტე დიკრუასი. როდესაც ეს ახალი რწმუნებული 19 ივნისს გამოცხადდა ქუთაისში გაგარინთან და გადასცა თავისი მანდატი, გაგარინი მეტად უკმაყოფილო დარჩა ბარიათინსკის ამგვარი ქცევით, მით უფრო, რომ ახალ სტუპართან გაგარინი სრულებით არ იყო გაცნობილი, რაც მათ შუა თავდაპირველადვე მშრალ დამოკიდებულებას ამყარებდა. დიკრუასს თან ახლდნენ ტფილისიდან ადიუტანტი ჩერტკოვი და მოხელენი ბარანოვსკი, ქულცინსკი და შერემეტიევი. მან უპირველეს ყოვლისა დაჰყო რამოდენიმე დღე დედოფალ ეკატერინესთან და დაჰპირდა საქმის მოგვარებას მის სასარგებლოდ. ბოლოს დაათვალიერა ოდიშის უმთავრესი ნაწილები და გაიჩრდა ქვაშოხორში, სადაც კომისიასთან ერთად შეუდგა საქმის ვითარების შესწავლას. კომისიის მუშაობას ჰქონდა პირველად შემარიგებელი ხასიათი, მაგრამ მალე დიკრუასი ფიქრს მიეცა. მართლაც სამეგრელოს მაშინდელი აწეწილი და დონხაღივით ერთმანეთში არეული მდგომარეობა დამაფიქრებელიც იყო: ეკატერინე მისცემოდა საშინელ ნერვულობას, ის ბრალს სდებდა ყველაფერში მაღალ წოდებას. მაღალი წოდება კი, პირიქით, მომხდარ სინამდვილეს ეკატერინეს სუსტ მმართველობას აწედა; უტუკი (ე. ი. ხალხი, როგორც ადამიანური უფლებებისთვის მებრძოლი, ორსავეს სდებდა ბრალს. რომელ მათგანისთვის უნდა გაეწია დიკრუასს ანგარიში?..

მართალია, უტუს ლაშქარი დაიშალა, მა რამ თვით უტუ ხო-  
ფხილად იღვა სადარაჯოზე და საცმარისი იყო ამ პიროვნების უბრა-  
ლო ხელის განძრევა, რომ მისი ლაშქარი ფეხზე დამდგარიყო. უტუს  
ეს ჟღერესი ანტი რიტეტი ხალხში იზღენად ცხადი და თვალსაჩინო  
იყო, რომ ის დიკრუასს არ გამოეპარებოდა მიუხედავად იმისა, რომ  
ის აქლად ჩამოსული სტუმარი იყო სამეგრელოში. ამიტომ ისიც,  
მსგავსად კოლუბიაკინისა, ვერ გაჰყვა ბარიათინსკის განკარგულებას  
უტუს დაპატიმრების შესახებ: „რადგან დაპატიმრება მისი ხელახლად  
დაპატიმრების ახალ აღელვებებს გლახთა შორის“. პირიქით, მას სა-  
ფიქრებლადაც გაუხდა გლეხების სალი დამოკიდებულება შექმნილი  
მდგომარეობისადმი. „თვით მიქავასა და მისი თანაშემწეების მისწრა-  
ფებებში მე არ შემძლია იქვი არ შევიტანო, რომ არსებობს  
არალეგალური აზრი გლეხებ შორის ამბოხების ჩანასახის დატოვების  
შესახებ რმ შემთხვევისათვის, თუ ჩვენ საბოლოოდ არ ვიხნით იმათ  
არსებული გაქირვებიდან“ო (ibid., 220-1) სწერდა ის ბარიათინსკის.  
ბოლოს დარწმუნებულმა გლეხების ქეშმარიტებაში განაჩენიც გამო-  
იტანა და აცნობა. შეფისნაცვალს: „სიმართლე არაფერში არ არის.  
ადმინისტრაცია ცხოვრობს ბაჟებით. თვით მონაწილეობას ლებულობს  
ქურდობასა და ცარცვაში. სამართალი აშკარად იყიდება ფულით.  
სკოლების ხსენებაც არ არის. დედოფალს სურს მხოლოდ იმეფოს, სა-  
სახლენი აშენოს და სრულიად არ ფიქრობს მართვა-გამგეობაზე, მი-  
ანდო რა ეს უკანასკნელი ჩიქოვანების თავისუფალ ცარცვა-გლეჯას“. ამის  
შემდეგ ბარიათინსკისათვის საკითხი უკვე საბოლოოდ გადაიქრა,  
მან სავსებით გამოიყენა რუსოფილური მზნით ეს ფრიად მოხერხე-  
ბული მომენტი და ყოველგვარი დყოვნების გარეშე 1 აგვისტოს  
1857 წელს სამეგრელოში ახალი ჯარების შემოსვლასთან ერთად გა-  
მოქვეყნებულ იქნა მისი შემდეგი განცხადება: „სამეგრელოს სამ-  
თავროს თავადებისა, აზნაურებისა, სამღვდლოებისა და გლეხებისადმი.  
თქვენის მთავრის გენ. მ. დავით დადიანის სიკვდილის შემდეგ მისმა  
საიმპერატორო უდიდებულესობამ კეთილ იწება სამეგრელოს მმარ-  
თველად დაენიშნა თქვენი მთავრის ნიკოლოზ დადიანის სრულ წლო-  
ვანებამდე განსვენებული მთავრის ქვრივი ეკატერინე ალექსანდრეს  
ასული დადიანი და დასახმარებლად მისა დანიშნულ იქნა საბჭო შე-  
მდგარი განსვენებული მთავრის ძმების გრიგოლისა და კონსტანტინესა  
და სამეგრელოს ეპისკოპოზისაგან. ვცანი რა საჭიროდ ამ საბჭოს  
შეცვლა, მე უზენაეს ხელმ. იფე იმპერატორის მიერ მონიჭებული ძა-  
ლაუფლებით დაენიშნე სამეგრელოს მმართველად, ამ დრომდე არსე-

ბული საბჭოს ნაცვლად ახალი საბჭო ამიერ-კავკასიის მთავარ მმართველობის წევრის დიკრუასის თავმჯდომარეობით. ეს ახალი საბჭო შედგებოდეს იქნება ოთხი წევრისაგან: ორი მთავრობიდან და ორი სამეგრელოს საპატიო თავადებისაგან და განაგებდეს იქნება სამეგრელოს მთავარ ნიკოლოზ დადიანის სრულ წლოვანებამდე.

მოვალეწეინებ რა ამ განკარგულებას სამეგრელოს ყველა წოდებათა: თავადთა, აზნაურთა, სამღვდელეობათა და გლეხთა ყურამდე, სრულს რწმენაში ვრჩები, რომ თითოეული თქვენთაგანი შეძლებისდაგვარად ეცდება ხელი შეუწყოს მთავრობის კეთილ განზრახვებს, ურთიერთის წინაშე მთავრობისადმი შორჩილების მაგალითის ჩვენებითა და თითოეულისადმი დაკისრებულ მოვალეობათა მართებულად შესრულებით“ (ibid, 264—265).

ამ ახალი ჯარების შემოსვლამ სამეგრელოში მძიმედ დააფიქრა თავად-აზნაურობა; ის უკვე დარწმუნდა იმაში, რომ ამ ახალი ჯარების შემოსვლას აღარ ჰქონდა დროებითი ხასიათი; მათვის უკვე საეჭვო არ იყო, რომ ეკატერინეს მმართველობა განიცდიდა სამუდამო აღსასრულს და უკანასკნელად ჰლაფავდა სულს; ამიტომ სამეგრელოს თავად-აზნაურობა მოკლებული ყოველგვარ რეალ ძალას, ლობიერად მიუბრუნდა ბარიათინსკის 27 იელისს შემდეგი თხოვნით:

„სამეგრელოს მთავრები ლევანი და დავითი რუსეთის ტახტის მალალი მფარველობის შემდეგ ყოველთვის განუსაზღვრელ გულმოდგინეობას იჩენდენ ამ ყოვლად მოწყალე ტახტისადმი, წინაგვიძღოდენ, ხელმძღვანელობას გვიწვედენ თავიანთ ქვეშევრდომებს, რათა გაგვეწია სამსახური დიდი ხელმწიფის საერთგულოდ. სხვადასხვა დროს გაცემულ ხელმწიფის უხვ წყალობებს, კერძოდ ზოგიერთ ჩვენებზე და თვით მთავრებზე, ჩვენ ყოველთვის ვრაცხდით განსაკუთრებულ ყურადღებად, ნიშნად ჩვენი დამსახურებისა. ასეთი წყალობებით მთავრობის მხრვ, ყოველგვარი საყვედურების გარეშე, მიიცვალენ ჩვენი ხსენებული მთავრები. ჩვენ ვთვლით აგრეთვე ჩვენ თავს ურცხვად ხელმწიფის ტახტის ერთგულ ქვეშევრდომებად და შეურყევლად თავდაპირველი ჩვენი მთავრის სახლისადმი, რადგანაც ამაზე ყოველთვის იყო უმაღლესი ნებაყოფლობა.

უკანასკნელი მთავარ დავითის გარდაცვალების შემდეგ ყოვლად მოწყალე ხელმწიფის მართლმსაჯულებამ გაიხსენა რა მთავარ თა ზემოაღნიშნული განუსაზღვრელი გულმოდგინეობა და ხელსაღები სამსახური, აიყვანა 7 წლის ობოლი ყმა ნიკოლოზი მი-



სი შშობლების სამთავრო ხარისხზე და განამტკიცა სამთავრო უწყება მისი ყოვლად მოწყალე სიგლით. ჩვენ აქ კვლავ დავინახეთ რუსეთის ტახტის დიდი ყურადღება ჩვენი სამთავრო სახლისადმი, ვიქნეთ ერთგულნი უკანასკნელ ამოსუნთქვამდე და ამიტომ განვაახლეთ ფიკი ყოვლად მოწყალე რუსეთის ხელმწიფისა და ჩვენი მცირეწლოვანი მთავრისადმი. ჩვენი მთავრის მცირეწლოვანობამ დააკისრა მის დედას ქვრივ ეკატერინეს მმართველობის უღელი და ეს მან მიიღო უზენაესის ნებით.

ამ მმართველობის ჩაბარების დროს მოხდა განხეთქილება ხელმწიფეებს შორის და ჩვენმა ქვეყანამ სამი წლის განმავლობაში განიცადა ყველა საშინელებანი და განადგურებანი ომისა. ჩვენი მთავარი დაულალავად იღვწოდა რუსეთის ჯარისათვის ყოველგვარი დახმარების აღმოსაჩენად და ქვეყნის შინაური სინშვიდის დასაცავად. ამ დროის განმავლობაში, თუმცა მას ხელს უშლიდენ ზოგიერთი ცუდად განწყობილნი პირნი ომისათვის ხალხის სამზადისსა და ხელმწიფისადმი შეურყეველი გულმოდგინეობის განმტკიცებაში, მაგრამ ამისდა მიუხედავად, ის შეძლებისადაგვარად მაინც იღვწოდა ყველა მცხოვრებისათვის და, რამდენადაც დრო ნებას აძლევდა, შესაფერისად ეხმარებოდა მათ გაჭირვებაში. ვიხსენიებთ რა ჩვენს მიერ შესრულებულ არა ერთ შეყიცვას ყოვლად მოწყალე ხელმწიფის საერთგულოდ, ჩვენ ქემშარიტად ვიტყვით, რომ ჩვენს ამ მთავარს იმ საშინელ დროში მიუძღვის იმდენი ამაგი და დაუფასებელი სამაახური ხელმწიფისათვის, რომ ეს აღემატებოდა მამაკაცის ძალ-ღონეს. უყურადღებოდ დასტოვარა მტრის მაცთური დაპირებები, მან შესწირა ყოველგვარი თავისი სარგებლიანობა შერის-ძიებასა და ხელმწიფისადმი ერთგულებას. ჩვენ ყოველთვის ვიყავით და ვართ დარწმუნებული, რომ განსვენებულის ყოვლად მოწყალე ხელმწიფე ნიკოლოზ პირველის მართლმსაჯულება, აფასებდა რა შრომას და ქალური ბუნების განწირვას, ღირსყოფის თავისი უზენაესი წერილითა და დაარწმუნა, რომ ის არის დედა თავისი ობლებისა და სამეგრელოს ხალხის მფარველი.

დღეს კეთილად მსუფევემა ალექსანდრე მეორემ მას უაღრესი წყალობის ნიშანი უჩინა, გამოიწვია რა ის თავისი მცირეწლოვანი მთავრით თვით საღეთო ცერემონიალზე და მით განასხვავა

ის განსაკუთრებული წყალობით. ყველაფერ ამას ჩვენი საზოგადოება ღებულობდა თავის საკუთარ წყალობად, ნიშნად მუდმივი ყურადღებისა სამთავრო სახლისა და ჩვენდამი. ამ მადლობის გადახდა ჩვენ ვერაფრით ვერ შეგვიძლია, მაგრამ მოგვაქვს სამსხვერპლოდ ჩვენი მტკიცე და განუსაზღვრელი ერთგულება ჩვენი საკუთარი სისხლის დაღვრით.

მაგრამ ყველაფერ ამასთან, სამწუხაროდ, დედოფლისა და მცირეწლოვანი მთავრის წასვლამ წააქეზა ზოგიერთი უწესო პირები ახლანდელი ამბოხების დაწყებაში. მათი ამისათვის დღე და ღამითი მისწრაფებანი დღეს უკვე გამოაშკარავდენ და ისინი თავიანთი უსაფუძვლო კორებით დღესაც არ ცხრებიან, რათა ჩაუნერგონ ხალხს შფოთი; ოცნებობენ: მოსპონ ჩვენი სამთავრო სახლი და საბაბად გამოყავთ ხალხი, რომლის მეთაურად თვით შეიქნენ, არც მალავდენ და კიდევ ბედავდენ თქმას, რომ ეს არის ვითომდა უმაღლესი მთავრობის ნებაყოფლობა.

ჩვენ აქაური გლეხების არეულობის დასაწყისშივე ვიცოდით, რომ ამბოხება მებატონეებისა და უეჭველად არსებული ხელისუფლების წინააღმდეგ არ იყო გლეხების მიზანი, არ იყო შედეგი მათი შევიწროებისა. ეს მტკიცდება ჯერ ერთი მით, რომ სამეგრელოს გლეხები იმყოფებიან იმ მდგომარეობაში, რომელიც არსებობდა აქ წარსულ საუკუნეში და გარდა ამისა გაუმჯობესებულსა და შორს უპირატეს ყოფა-ცხოვრებაში, რაც შეუძლიათ დაამტკიცონ თითქმის ყველა იმერეთ-გურია-აფხაზეთ-სვანეთთან მოსაზღვრე მცხოვრებლებმა. აქაური მთავრობა დიდი ხანია თვალყურს ადევნებს, რომ მებატონეების წინანდელს განუსაზღვრელ ძალა-უფლებას და მკაცრსა და უწყალო მოპყრობას გლეხებისადმი ადგილი არ ჰქონდეს, რითაც გლეხების მდგომარეობა საგრძნობლად შემსუბუქებულია შედარებით უწინდელთან; მეორე, იგივე განუსაზღვრელი ხელისუფლება ეხება თანამდებობის პირებსაც, რომელნიც წინედ სარგებლობდენ ამ უფლებით, მაგრამ ახლა იმათთვისაც ნაჩვენებია ძალა-უფლების საზღვარი და დასჯის შიში; მესამე—აჯანყებაში მონაწილეობას იღებენ ისეთი გლეხები, როველთაგან ზოგიერთები სრულიად არა, ხოლო ზოგიერთნი ძლიერ ცოტა ხანს მსახურობდენ. აქედან ადვილად ჩანს, რომ გლეხების მიერ წამოყენებული და დასახელებული მიზეზი არ არის კეშმარიტება.

დასაბამითგან არ გაგონილა, რომ მებატონის ან მთავრის ძალაუფლება ყოფილიყო გლეხების მიერ შეგინებული, თითქმის

მაშინაც კი, როდესაც, როგორც ზემოთ იყო აღნიშნული, გლეხები იმყოფებოდნენ სასტიკ შევიწროებაში, მაგრამ დღეს, სამწუხაროდ ყოველთა, ჩინებულად ვხედავთ, რომ გლეხებს წინამძღოლობენ ზოგიერთი მაღალი გვარის პირები, რომელნიც დიდი ხანია, რაც შემჩნეულნი არიან კანონსა და მთავრის განკარგულებათა მოწინააღმდეგედ და საზოგადოების მტრებად. ვხედავთ იმასაც, რომ მათდამი და ამ თანამედროვე ოინებისადმი მიქცეული იყო ფრიად დიდი ყურადღება და ჩვენი სიმართლისადმი და უფლებებისადმი კი არავეითარი. მთავრობის განკარგულებები მცირდებოდა და ჩვენი ძალაუფლება კი არსად ჩანდა. ამ გავრცელებულმა ვერაგულმა სიტყვამ მიგვიყვანა ჩვენ უკიდურესობამდე, ამისთვის ჩვენ ვკადნიერდებით მოგახსენოთ რამოდენიმე სიტყვა ჩვენი საპიროების შესახებ:

ა) რის გამოც უნდა იყოს წამომდგარი სამეგრელოს თანამედროვე უწესრიგობანი, მაინცდამაინც ბრალის დადება დედოფალზე და 10 წლის ყრმაზე, ჩვენ ვუიქრობთ, არავინ უნდა ჩაიდინოს, რადგანაც ამათში, პირველი, ვიტყვიოთ სიმართლით, იცავს თავის მოვლეობას, როგორც შეკფერის ხელმწიფისა და ხალხის მზრუნველობისათვის ქეშმარიტად თავდადებულს. უკანასკნელი კი შეუძლებელია მონაწილე გაეხადოთ ამა თუ იმ დანაშაულისა;

ბ) ჩვენ მტკიცედ ვიცით, რომ ზოგიერთი ბოროტად განწყობილი პირები, რომლებსაც ჩვენ დავასახელებთ დაკითხვისას, არიან დამნაშავენი ყველა აქაური უწესრიგობისა. ჩვენ ამას დაჟამაკიცებთ, როგორც ფიცის ქვეშ, ისე შეურყეველი ფაქტებით. მაშასადამე, მხოლოდ მათს დასჯას, როგორც მშვიდობიანობის მტრებისას, შეუძლია დააწყნაროს მხარე. უმართებულოდ გამტყუნება ამაში სამთავრო სახლისა და უკანასკნელის დაცემა გვიჩვენებს ჩვენ უმაღლესი მთარეელობის აღკვეთას და აქეშმარიტებს ბოროტად განწყობილთა ნალაპარაკევს, რომ ეს იყო ვითომდა მთავრობის ნებაყოფლობა;

გ) არ შეგვიძლია დავმალოთ, რომ ამ საგნისათვის გამომძიებლის სახით მოქმედ პირებს არ მიუქცევიათ ჩვენი მცირე ყურადღებაც, არ მოუთხოვიათ საქმის გამოსარკვევად არავეითარი საპირო პასუხები. ჩვენი წერილობითი თუ ზეპირი განცხადებანი მათ არარაობად ჩათვალეს. მოწინააღმდეგენი კი, ეს საზოგადოების მტრები, რომელთაც ჩვენ აშკარად გამოვრი-

ცხავთ ჩვენი საზოგადოებიდან, სარგებლობენ მათგან აღმატებული ნდობით, ყურადღებითა და მორჩილებით, რაც ჩვენ იმ ზომამდე შეურაცხყოფას გვაყენებს, რომ სიკვდილამდე ვართ მიყვანილნი;

დ) გვესმის, რომ ჩვენს მოწინააღმდეგე პირებს ჩვენისა და სხვების სახელით შეაჩვთ თხოვნები თითონ და მათ მიერ მოსყიდული პირები აწერენ მათზე ხელს ჩვენს მაგივრად. მაგრამ ჩვენ მტკიცედ ვამოწმებთ რომ, გარდა ზემოხსენებულისა, ჩვენ სხვა არავითარი სურვილი არა გვაქვს, რადგანაც ყველაფერი დანარჩენი მოგონილია ღვარძლიანი პირების მიერ. ჩვენი ასეთი შევიწროებისა და მოუთმენელი უბედურების წარმოდგენით თქვენს ბრწყინვალეობასა და როგორც ჩვენი მეფის მოადგილეს, ასე ყოვლად მოწყალე ჩვენს ხელმწიფეს, ცრემლიანი შევსთხოვთ ყურად ილოს ჩვენი ასეთი მდგომარეობა და ყოვლად მოწყალე ხელმწიფის მიერ თქვენდამი მონიკებული ძალაუფლებით გვხსნათ ჩვენ მსგავსი შედეგებისაგან მშვიდობიანობის აღდგენის ბრძენების გაკემით, რომ ყველა ურჩი პირები იქნენ მორჩილებაში მოკვანილნი, საზოგადოების მტრები განდევნილნი და მცირეწლოვანი მთავრის უკლება დატული ყოვლად მოწყალე ხელმწიფის მფარველობითა და სახლი მისი განმტკიცებული მისი უზენაესი ძალით. თუ კი სამეგრელოში ადგილი აქვს რამე ნაკლს, ასეთ შემთხვევაში ისე უნდა მოვიქცეთ, როგორც ეს ენებება უმაღლეს მმართველობას სამთავრო სახლის ხელისუფლების დამახვრევის გარეშე, რომ არ მოგვაშოროთ მცირეწლოვანი მთავარი და უსაყვარლესი დედაჩვენი დედოფალი. სამეგრელოს საზოგადოებას 53 წლ. განმავლობაში არ შეხვედრია საპირობება შექუბებიანა მმართველობა თავისი თხოვნითა და რადგანაც ეს არის პირველი, ამისათვის ყოვლად მოწყალე ხელმწიფის მაღალი სულითა და განუახლებელი გულკეთილობით, ჩვენ დარწმუნებული ვართ, რომ რა გინდ ეს ჩვენი თხოვნა არ იმსახურებდეს პატივისცემას, ის მაინც მიღებულ იქნება, ვითარცა პირველი და მოგვანიკებს ჩვენ ამ გამოსათხოვ წყალობას და მით მოგვაწოდის ჩვენ ახალსა და გამოუთქმელ შენობას. თქვენ კი, უბრწყინვალესო თავადო, ვითარცა ხელმწიფის ნაცვალი, იყავით შუამავალი მის სამიპერატორო დიდებულების წინაშე, როგორც ეს შეჰშენის

კეთილ სათნოიან ჩამომავლობასა და თქვენს კაცთ-მოყვარეობას<sup>1</sup>.

ეს თხოვნა, ხელმოწერილი 166 თავადისა და 849 აზნაურის მიერ, სულ მცირე წონისა გამოდგა ბარიათინსკის წინაშე. მისთვის ეს საკითხი უკვე სავსებით მომწიფებული და გადაჭრილიც იყო ამ დრომდე შედგენილი და 1 აგვისტოს გამოქვეყნებული განცხადების სახით. მით უმეტეს ბარიათინსკის ამ გარდაწყვეტილობას ბანს აძლევდა დიკრუასისთვის ჩაბარებული 31 ივლისს სამეგრელოს ზოგიერთი თავადების დეპუტატთა განცხადება, მიმართული ზემო მოყვანილი თხოვნის დასარღვევად, სადაც აღნიშნულნი იყვნენ თხოვნაზე ხელისმომწერ ზოგიერთ თავადაზნაურთა საძაგლობანი, მათი „საგმირო საქმენი“, როგორც მაგალითად:

1. გრიგოლმა, ტარიელ დადიანის შვილმა, მოკლა ორი კაცი.
2. არჩილ დადიანმა, არამზადაა, მოკლა კაცი.
3. კონსტანტინე ოტიე დადიანის-ძე არამზადაა.
4. დატო არჩილის-ძე დადიანმა მოკლა კაცი კოლოშილი.
5. ალექსანდრე მანუჩარის-ძე დადიანი ქურდია.
6. ბატაია კაციას-ძე დადიანი მექრთამეა.
7. თავადებმა ხახუ და დუტუს-ძე ფალაევბმა შეადგინეს ყალბი საბუთები.
8. თავადები ბატა, გრიგოლი, კოსტა, მიხეილ და სამსონი ფალაევბი ქურდებია.
9. გიორგი ჩიქოვანმა მოწამლა თავისი მეუღლე.
10. თავადი ბერუკა აფაქიძე ტყვეთა გამყიდველი და ქურდია და სხვა<sup>2</sup>.

ასე რომ ამ თხოვნას ბარიათინსკის გადაწყვეტილებაში ოდნავი რყევაც არ გამოუწვევია... დარჩა თავადაზნაურობა ყოველგვარ იმედს მოკლებული. მეტი გზა აღარ იყო, ის უნდა მისცემოდა მშვიდობიან ცხოვრებას და არ უნდა გადაელახა ახალი მმართველობის მიერ მისთვის დადებული საზღვარი, მაგრამ განა მას შეეძლო ხელი აეღო საუკუნოებით არაადამიანურ მოქმედებებზე? რასაკვირველია არა! და სწორედ ძველი უსამართლობის თუნდაც ერთი მაგალითის განმეორებამ უნალ დაბადა და გამოიწვია თავის სადარაჯოზე ფხიზლად მდგარი საიჩუოს გლეხობის მტკიცე ერთეულში შეკავშირებული ამბოხება.

<sup>1</sup>) იხ. Акт. Арх. Ком., გვ. 241-247.

<sup>2</sup>) იხ. Ак. Кав. Арх. Ком., გვ. 298-299.

## V. საიჩუოსა და ნახუნუს გლეხთა აღმღეგებანი და მათი ჩაქრობა.

საიჩუოს რაიონის (ზუბი, საიჯა, ხორში, ქვალონი, ბია და ნოჯიხი) გლეხების აღმღეგებას სარჩულად დაედვა შემდეგი გარემოება: ხორშის საზოგადოების 15-16 წლ. ბავში ივანე სერგია გაზოჰყოლოდა თავის რძალს ს. ქვალონში; მეორე დღეს დაბრუნებისას ეს ბავში გზაზე დაუქერია ამავე სოფლის მცხოვრებ აზნ. ვატალოლუას და კიდევ გაუყიდა იგი. რამდენისამე დღის შემდეგ ბავშვის ქირისუფლებმა შეიტყვეს ეს ამბავი, მაგრამ არათფერი გაუვადთ ბავშვის დასაბრუნებლად. მომხდარი სინამდვილე მყისვე მოედვა მთელს ახლო მდებარე საზოგადოებებს. გლეხობამ ეს მაგალითი მიიღო აშკარა დამრღვევ საბუთად ახალი მმართველობისთვის წარდგენილი მოთხოვნილებების განხორციელებაში და ამით იგრძნო ერთგვარი მუხანათობა, ისევე შეკავშირდა და მეორე-მესამე დღეს საიჯა, ხორში, ქვალონი და ბიის საზოგადოების გლეხობა, რიცხვით 300 კაცამდე, ესტუმრა ქვალონს და ხელი მიჰყო თავად-აზნაურობის ნკრევა-აწიოკებას. თავად-აზნაურობამ გლეხებს სთხოვა ერთი კვირის ვადა ბავშვის დასაბრუნებლად. გლეხობამ იმ პირობით განაცხადა თანხმობა, თუ მათ მძევლის სახით მიეცემოდათ ერთი ლოლუასა და მეორე ჩიჩუას ასულები, წინააღმდეგ შემთხვევაში დაემუქრენ მთელი სოფლის დაწვა-დაგვით. თავად-აზნაურობა დარწმუნდა, რომ ამ საშუალებით ის ვერას გახდებოდა და მუხანათური დასმენით მიმართა თეკლათის რაიონის მეთვალყურე ლიანცკორანსკის იმ ახსნა-განმარტებით, რომ გლეხთა შეიარაღებული ბრბო მზად არის თავს დაეკეს და საბოლოოდ გაანადგუროს ქვაშოხორში დაბანაკებული რუსის ჯარიო. ლიანცკორანსკიმ ეს გაგებისთანავე აცნობა დიკრუასს, რომელმაც მეორე დღესვე გამოგზავნა ქვალონში ყაზახების საკმაო შეიარაღებული ძალა პოლკ. კულევანოვსკის მეთაურობით. ზემო-ქვალონის იმ ადგილას, რომელიც დღეს „ბეჟანკას ნოხორი-“თ იწოდება, მოხდა შეიარაღებული შეტაკება ერთის მხრივ ყაზახებისა (ადგილობრივ თავად-აზნაურობასთან

შეერთებით) და მეორეს მხრივ მემამოხე გლეხებს შორის<sup>1</sup>. რამდენისამე კაცის მსხვერპლის შემდეგ მემამოხეებს უწყალოდ სცეუეს ჯერ იქ შეტაკების ადგილზე, შემდეგ კი 215 კაცი დატყვევებული წამოიყვანეს ქვაშობოროში და სასტიკი სასჯელის შემდეგ 15-ს მათგანს მიუსაჯეს ციხეში ჯდომა, დანარჩენი 200 კი გაათავისუფლეს შესათერი სასჯელის მოხდით<sup>2</sup>. საიჩუოს გლეხების ასეთი თავგადასავალი არ დარჩა „ლაკადის“ საერთო გამოძახილისა და ერთობისათვის უცხო. უკვე 8 სექტემბერს აჯანყდა ჯვარის რაიონის გლეხობა 500 კაცამდე და დაიძრა ზუგდიდისკენ. აჯანყების მიზეზად აყენებდენ იმ უსამართლობას, რომელსაც მიეცენ საიჩუოს გლეხები. ს. ჯვარში აჯანყების ჩასაქრობად გაიგზავნა ტიმოფევი, შერემეტიევი და ტრუბაევსკი, მაგრამ ამოდ: აჯანყებამ მიიღო ფართე ხასიათი და თავის რკალში ჩაითრია ყულ-კარის, ქაქინჯის, კირცხის, აბასთუმნის, ხეთის და სხვა საზოგადოებები. მემამოხეთა რიცხვი გადიდდა 3 ათასამდე და უკვე 9 სექტემბერს შიკრიკიც გამოჩნდა ზუგდიდში შესატყობად იმისა, მიემბრობიან თუ არა ზუგდიდის მცხოვრებნი საერთო შეიარაღებულ ამბოხებას.

მათი აშკარა განზრახვა შეიარაღებული მოძრაობით ჯერ შური იძიონ ქვალონის თავად-აზნაურობაზე და შემდეგ კი გაათავისუფლონ სენაკში დამწყვდეული ამხანაგები: „იქ, სადაც დიღვარა ჩვენი ძმების სისხლი, ჩვენც მზადა ვართ ჩვენიც დავლუაროთ“<sup>3</sup>—ო—აი მემამოხეთა ლოზუნგი. ამბოხება ლამობდა თანდათან მიელო მტკიცე ხასიათი და ხსენებულ მოხელეთა მცირე რაზმების გაგზავნა მის ჩასაქრობად უბრალო პალიატივი გამოდგა, რაშიაც მალე დარწმუნდა თვით გენ. კოლუბიაკინი.

„ლაკადის“ ამ მღელვარე განწყობილებამ და განსაკუთრებით კი საიჩუოდან ჯვარში გადატყორცილ გლეხთა ამბოხებამ მძიმედ დააფიქრა რუსეთის მმართველობა. ის ნათლად დარწმუნდა იმაში, რომ „დამშვიდება განაასაზღვრებოდა მხოლოდ იმით, რომ ჯვარელებისაგან შეგროვილი პარტია საგრძნობი წინააღმდეგობით თუმცა იშლებოდა, მაგრამ შებატონებისადმი ურჩი სულიერი განწყობილება რამდენიმედ მაინც არ ირყეოდა“ და რომ აღმოეფხვრა მოსალოდნე-

<sup>1</sup>) ჩვენებანი გერასიმე ლოლუასი, ივლიტა ლოლუასა და ალექსი ფაქელიასი (ს. ქვალონი).

<sup>2</sup>) იხ. Ак. Кав. Арх. Ком., т. XII, გვ. 322-3.

<sup>3</sup>) იხ. Ак. Кав. Ар. Ком., т. XII, გვ. 324.

ლი აღელვების სილუეტები და საბოლოოდ დაეშალათ საიჩუოს უსამართლობის ნიადაგზე ხელახლა შეკავშირებული ჯვარელების ლაშქარი, ქუთაისის გენ.-გუბერნატორმა ხელმეორედ გამოითხოვა ახალი ჯარი უკვე „ადმინისტრაციული გალაშქრების“ მიზნით.

22 სექტემბერს ქვეშობრიდან უკვე დაიძრა კოლუბიაკინი არა როგორც სანხედრო ხელმძღვანელი, არამედ როგორც უკიდურესი ადმინისტრაციული სასტიკი ზომების შემოღებით: გზადაგზა ალაგმა მემბოხეები და დაიმორჩილა ლეიქინე, ქაქვინჯი, ობუჯი და ნაწილი წალენჯიხის საზოგადოებისა, მაგრამ ზოგიერთი მთა-გორიანი ადგილების გლეხობა მაინც არ გამოეხმაურა მის „ადმინისტრაციული დამშვიდების“ პროცესს. პირიქით, ჯვარის, ჯგალის, ნაგურუსა და წალენჯიხის საზოგადოებების გლეხობა უკვე მომზადდა იმისთვის, რომ დაესაჯათ გენერლის ძახილზე გამომხაურებული თავიანთი ამხანაგები. კოლუბიაკინის მდგომარეობა გართულდა და ახლად მომატებული ჯარით ადგილობრივ თავად-აზნაურობასთან შეერთებული დაბანაკდა ჯვარის საზოგადოებაში ს. ლეშამუგის მახლობლად, სადაც უკვე დაბინავებულიყო ჯვარის რაიონის გლეხთა მთავარი ძალა.

უმაყოფილო თავად-აზნაურობასა და აღელვებულ გლეხებს შუა მომრიგებელი როლი იკისრეს, როგორც ნათლად გამოირკვა<sup>1</sup>, ბეჟა და უთუა ხუბუტიებმა. გლეხებმა წარადგინეს თავიანთი მოთხოვნილებანი, სადაც, ქვალონში გლეხებზე მუხანათურად თავდასხმის აღნიშვნასთან ერთად, ითხოვედნენ ყმის ზოგიერთ მოვალეობათა გაუქმებას, როგორიცაა, მაგ.: ღომის ცეხვის ვალდებულების შემსუბუქება, მიწის შემცროება და სხვა შეღავათები; რასაკვირველია, თავად-აზნაურიბამ არ მიიღო წარდგენილი მოთხოვნილებები და კოლუბიაკინის ყურამდე არც კი მიიტანეს წარმოებული მოლაპარაკება. პირიქით, ის საშინელი გესლითა და შურისძიებით აღსავსე დარჩა გლეხების ამ განცხადების გამო და ჯვარის ამოსაყრელად კიდევ წააქეზა კოლუბიაკინი და დაარწმუნა იმაში, რომ თითქოს ლეშამუგეში დაბანაკებული ლაშქარი გამზადებულია ამოსწყვიტოს რუსის ჯარი. კოლუბიაკინი დაარწმუნებული იყო თავად-აზნაურობის ინფორმაციის სინამდვილეში და გაგზავნა ყაზახები თავად-აზნაურობასთან ერთად, ვითარცა მოწინავე რაზმი და ალყის შემოსართყმელად კი პირველი ქართული ბათალიონის ერთი გუნდი.

ცხენოსანთა რაზმს მემბოხეთა ლაშქარი შეხვდა ლეშამუგის ეკლესიის მახლობლად ტყის ჯაგნარში, ყოველივე მოლოდინის გარეშე, გართული ისრის სროლის თამაშით.

<sup>1</sup>) ჩვენება ქაშტი ფიფია ს. ჩქვალერიდან (ჯვარი).



გლებობამ სროლა დაუწყო რუსის ჯარს, რომელსაც წინამძღოლობდა ადგილობრივი თავად-აზნაურობა, როგორც მცოდნე იმ საიდუმლო ვაკე-ხეობისა, რომელიც უნდა გაეარა შეიარაღებულ ლაშქარს. ორივე მხრივ საკმაო მსხვერპლის გაღების შემდეგ, თუმცა ჯვარელების რაზმი გაფანტულ იქნა კოლჯბიაკინი მაინც იძულებული იყო მდგომარეობის სირთულის გამო და განსაკუთრებით კი რომ საშუალება ჰქონოდა ჯარის სიმრავლით ყოველივე ნაბიჯზე სასტიკად ეღვენებია თვალ-ყური, რათა სამემრიხოდაც უზრუნველყო ჯვარის რაიონი ახალი აღელვებისაგან, გამოეთხოვა ბარიათინისკისაგან დასახმარებლად ტულის ქვეითა ჯარის ახალი ბათალიონი. ამის შემწეობით კი 8 სექტემბრისათვის ჯვარის რაიონიც, როგორც „ლაკადის“ მოქნილი ნაწილი, განწმენდილ იქნა კვლავ ახალი ამბოხების შესაძლებლობიდანაც, მაგრამ საიჭოს გლებების ამბოხებას მოჰყვა საგრძნობი აღელვებანი ნახუნუში (მარტვილის რაიონში).

**ნახუნუშს აღელვებანი.** როგორც ზემოთ აღვნიშნეთ, რუსეთის მმართველობის შემოსვლას უკვე შექნატროდენ ზოგიერთი გავლენიანი თავადი და ბატონიშვილები გლებთა აჯანყებამდეც. ასეთ „მალალ-წოდებათა“ სიაში თვალსაჩინო ადგილი ეკავა ფალაგების გვარსაც, რომელთა მფლობელობაში იმყოფებოდა ს. ნახუნუშ. ფალაგები, „რუსეთის პარტია“-დ წოდებულნი, სრულებით არ დაერიდენ ქველებური ჩვეულება-ადათის განახლებას, კვლავ მათს შემოღებას და ამიტომ ნახუნუშს გლებებზე დაიწყეს თარეში და მათი აწიოკება. ისინი თანდათან იმდენად გათამამდნენ, რომ კვლავ აღადგინეს ცნობილი „სურია“ და ხელი მიჰყვეს აშკარად გლების სარჩო-საბადებლის განიავებას. გლებებმა თავდაპირველად თხოვნით მიმართეს ფალაგებს, რათა მათ ხელი აეღოთ ასეთ საქციელზე და არ შეეხილწათ მათი მონაპოვარი. ამის გამო ფალაგებმა არამცთუ რამე შეღავათი მისცეს, არამედ კიდევ დაემუქრენ გლებებს რუსების იმედით. ზოგიერთმა მათგანმა უკმაყოფილებით მიმართა ოლქის მმართველის თანაშემწეს. ამ გარემოებას ზედ ისიც დაემატა, რომ ერთმა მათგანმა, სახელდობრ გიორგი ფალავამ, რომელიც ცხოვრობდა ერთ თავის გლეხის ოჯახში, სრულიად დამზვიდებულად გლების ორს 9-10 წლის გოგოს აბრეშუმის წითელი ძაფი შეაბა კისერზე, რაც ადათისამებრ იმას ნიშნავდა, რომ ისინი უნდა გამხდარიყვნენ მის „მოახლებად“ და მას კი ამის შემდეგ უფლება ეძლეოდა წაეყვანა ისინი თავის სახლში. ეს ფაქტი, როგორც დაგმობილი წესწყობილების კვლავ განახლების ნიმუში, უცბად მოედვამთელ სოფელს. გლებები შეკავშირ-

დენ მტკიცე ერთეულში და გაჩნდა ხელჩართული ცემა ფალავებსა და გლეხებს შორის. გლეხები განურჩევლად და დაუზოგველად გაუმჯლავდნენ მათ. რამდენისაჲმე დღის განძაჲლობაში მთელი სოფელი დაცარიელებულ იქნა ფალავებისაგან. ოლქის მმართველის თანაშემწე კულვანოვსკი ყაზახების შემწეობით ეცადა დაემორჩილებია გლეხები, მაგრამ ვერას ვახდა. ყაზახებსაც ფალავების ბედი ერგო: როდესაც ისინი განაიარაღეს და ცხენებიც დააპოვებინეს. კულვანოვსკი იძულებული შეიქნა მიემართა ოლქის მმართველისა და გენერლისათვის, რომლებსაც სწერდა: „თუ ეს მოძრაობა ამ თავითვე არ იქნა ჩაქრობილი, ის შეიძლება მოედგას სხვა სოფლებსაც“—ო. კოლუბიაკინმა (თვით მძიმე ავადმყოფი იყო) ნახუნუს აღელვების ჩასაქრობად გაგზავნა 100 ყაზახი და მეომარი ბათალიონის ერთი ასეული კრიტსკის მეთაურობით. ხელმძღვანელობა კი დაევალა ოლქის მმართველს, რომელსაც თან ახლდა ორი გენერალური იასაული—ძმები თეიმურაზი და სიკო თოფურიები. დიპლომატიური მოლაპარაკება გლეხებსა და სამხედრო ძალებს შორის დაეკისრათ ძმებს თოფურიებს. გლეხების მეთაურად აღმოჩნდა ადგილობრივი მცხოვრები, ფალავების ყოფილი ფარეში, ბასაია ცანავე<sup>1</sup>, რომელიც უშუალო მონაწილეობას ღებულობდა გლეხთა აჯანყებაში. გამოირკვა აგრეთვე თვით მიზეზი ამ აღელვებისა, რომელიც განსაკუთრებით ფალავების მიერ გლეხებისათვის ძველებური ადათისა და ჩვეულების შემოღებით სარჩულდებოდა. ბასაიას დაევალა შეეკრიბა ნახუნუს გლეხობა ოლქის მმართველთან მოსალაპარაკებლად. ფალავებთან საუბარში გამოირკვა ისიც, რომ ისინი სრულიად არ იყვნენ თავისუფალნი გლეხებთან დამოკიდებულებაში იმ დრომოკჳელი, არაადამიანური შეხედულებიდან, რომელიც მათ გააჩნდათ ეკატირინეს მმართველობის ჟამს. სწუხდენ აგრეთვე უზომოდ იმის გამო, რომ რუსების ადმინისტრაცია მათ ნებას არ აძლევდა უშუალოდ გამკლავებოდნენ გლეხობას. განსაკუთრებით საწყენად რჩებოდათ ის, რომ ვგზეკუციის საშუალებით რუსის ჯარისკაცებმა გამოაცალეს გლეხებს საჩო-საბადებელი; რაც მხოლოდდამხოლოდ მათი საკუთრება შეიქნებოდა და როპლის ზარალი შეადგენდა დაახლოვებით 120 მანეთს. ოლქის მმართველმა მაშინ მიმართა ერთგვარ ხერხს: უმაღ ლთაკილოდ გაუსწორა ეს ანგარიში იმათ 120 მანეთის მირაჲვეით, რამაც ძალზე მეტად გამო-

1) გვარი ნამდვილი უნდა იყოს, როგორც ეს გამოირკვა ადგილობრივ ზაქარა კირტას და სხვათა ჩვენებიდან; თვით სახელი კი გვხვდება ბოროზდინის წიგნში (იხ. გვ. 334—360).

აბრუნა ფალავების შიხუთული სულისკვეთება ოლქის მმართველისადმი. მეორე დღეს კი, როდესაც ბასიამ შეაგროვა სოფლის გლეხობა, გამოძიებიდან გამოიჩქვა, რომ 40 გლეხი აშკარად ლეზულობდა მონაწილეობას ფალავებთან ხელჩართულ ბრძოლაში, რამდენიმე მათგანი ადგილობრივ დასაჯეს და ზოგიერთი მეთაურთაგანი კი ბასიასთან ერთად გაგზავნეს სენაკის ციხეში. მხოლოდ ყოველგვარი გაუგებრობის თავიდან ასაცილებლად ოლქის მმართველმა საჭიროდ სცნო შეედგინა საკომლო გადასახადის უწყება. ფალავებს, რასაკვირველია, არაფრად მოეწონათ ასეთი საქციელი, მაგრამ 120 მანეთმა რამოდენიმედ გასჭრა და მათაც თანხმობა განაცხადეს.

ფალავების თითოეული გლეხისთვის შედგენილ იქნა განსაკუთრებული უწყება გადასახადების აღნიშვნით ორივე მხარის შეთანხმებით (თუ ვერ შეთანხმდებოდენ, მაშინ ინიშნებოდა ორივე მხარისაგან მედიატორები).

ამასთანავე ორსავე მხარეს წინდაწინვე გამოეცხადა, რომ ამიერიდან სამუდამოდ აღმოფხვრილია ძველი „სურია“ და „მოახლეობა“, რაც ორივე მხრით დად. სტურებულ იქნა ხელის მოწერით. ამით ბოლო მოეღო ნახუნუს გლეხთა აღელვების მიზეზებს და საქმე გლეხების სასარგებლოდ გათავდა, თუმცა ამ საქმის მოგვარება მათ შესაფერ ფასად დაუჯდათ.

ნახუნუს აღელვების ჩაქრობით დეკემბრის თვეში დასრულდა 1857 წ. სამეგრელოს გლეხთა აჯანყების ისტორია<sup>1</sup>.

მთელი სამეგრელო და განსაკუთრებით კი მისი უფრო მოქნილი და მოძრავი ნაწილები წალენჯიხა-ჯვარი, საიჩუო და სალხინო-მარტვილი გავსებული იყო რუსის ჯარებით. თვით ეკატერინე კი ოქტომბრის დამლევს უშალღესი განკარგულებით პეტროგრადს გაემგზავრა.

ასე რომ ირგვლივ უზრუნველყოფილი, მტკიცედ ფეხ-მოკიდებული, რუსეთის ადმინისტრაცია ყოველგვარ საშიშროების გარეშე<sup>2</sup>, ჩაუდგა სათავეში და სამეგრელოს სეე-ბედის მესაჭეობა ხელთ იგდო.

<sup>1</sup>) როდესაც თავადაზნაურების თხოვნამ ვერ გასჭრა და ლეშამუგეს უკანასკნელი შეტაკებით გლეხთა აღელვებებს საზღვარი ეღებოდა და სამეგრელო კი თანდათან ახალი ჯარებით ივსებოდა, თავადაზნაურობას არ ეძინა. განსაკუთრებით ჩიქოვანების ხელმძღვანელობით დიდს მზადებას ჰქონდა ადგილი. ეკატერინე კი მოწინდარი სინამდვილით უკიდურესობამდე შეწუხებული საკუთარ ინტერესებზე მაღლა ვერ დამდგარიყო

და ყველაჟერს ამას ძალდატანებით ხსნიდა. ის ვერ ურიგდებოდა იმ მდგომარეობას, რომ ადრე თუ გვიან მას უნდა დაეტოვებინა სამეგრელო და გამგზავრებულიყო რუსეთში. გასაგებია ამიტომ, თუ ის ჩიქოვანების ყოველგვარ რჩევას რუსების წინააღმდეგ სიამოვნებით ღებულობდა ხოლმე. ჩიქოვანები კი იგონებდნენ სხვადასხვა ხერხს რუსებისათვის სამარცხვინო კომედიის მოსაწყობად. ასეთი კომედიების მოწყობა მათ მართლაც მოახერხეს ორ ადგილას შეიარაღებული წინააღმდეგობის გაწევით, სახელდობრ: კინჩასა და ზანაში(?). უკანასკნელში განსაკუთრებით ოქტომბრის თვეს მწვავე შეტაკებას ჰქონდა ადგილი (ყოფილი სახლთ-უხუცეს დავით ჩიქოვანის ძმის ივანე ჩიქოვანის მეთაურობით), სადაც 300 კაციდან 15 იქნა მოკლული, დაახლოვებით ანდრეივე დაქრილ-დასახიჩრებული, 50 შეპყრობილი. ამ გამოსვლებმა ეკატერინეს შეტად შეუმოკლეს სამეგრელოში დარჩენის დღეები და ის უმაღლესი რესკრიპტის ძალით 25 ოქტომბერს თავისი მცირეწლოვანი ნიკოლოზით და ზოგიერთ თავად-აზნაურების თანხლებით გაემგზავრა პეტროგრადს (ibidem, გვ. 197).

2) 1858 წლის იანვრის თვეში კი დასრულდა საქმის გამოძიება გლეხთა აჯანყების მეთაურთა შესახებ. 38 კაცს ბრალდებოდა მონაწილეობის მიღება ხელმძღვანელობის სახით, რომელნიც სხვადასხვა ვადით გადასახლებულ იქნენ რუსეთის გუბერნიებში. მათგან უტუ მიქავას, უტუ და კოჩა თოდუებს მიესაჯათ ხუთ-ხუთი წელი, როგორც ამას თვით ბოროზდინი გადმოგვცემს (გვ. 361, თუმცა პირველიცა და მეორეც მხოლოდ 9 წლის შემდეგ დაბრუნდნენ, მესამე კი გზაში გარდაიცვალა.

## VI. უტუ მიქავას პიროვნება.

როგორც გამოიკვეა, გლეხური აჯანყების მთავარ ხელმძღვანელებად გვევლინებიან: საქილაოდან (სუჯუნის რაიონიდან) - კოჩა თოდუა, სალიპარტინოდან—უტუ თოდუა და წალენჯიხა-ჯვარიდან კი—უტუ მიქავა.

პირველი მათგანი, კოჩა თოდუა, აზნაური კორძიას გლეხი საქილაოს რაიონიდან, უკვე ხანში შესული, 50 წლისა, შესახედავად მეტად ახოვანი, აწარმოებდა წვრილ ვაჭრობას. როდესაც საბევრელოს მომეტებულ ნაწილში გლეხთა აჯანყებამ მიიღო რეალი ხასიათი, გლეხებმა ის გაიხადეს ხელმძღვანელად, რომელსაც ვეალებოდა თავის ჩაგრულ და შეურაცხყოფილ მოძმეთა ინტერესების დაცვა. მის ასეთ პოპულარობას განსაკუთრებით ხელს უწყობდა, როგორც, ერთის მხრივ, ვაჭრობაში შეძენილი ცოდნა-გამოკდილება, ისე, მეორეს მხრივ და უმეტესად, გარეგნული აღნაგობა: მოყვანილი ტანადობა. გახდა რა საქილაო-სუჯუნის რაიონის გლეხთა მეთაური, კოჩამ გაიჩინა ადფუტანტები, პირადი მდივანი, შიკრიკები. დადიოდა ის მთელი თავისი მხლებლებით და აწესებდა სამართალს ბატონსა და ყმას შორის. გლეხებს შემოჰქონდათ მასთან წერილობითი საჩივრები. კოჩა უწყებების საშუალებით იბარებდა მებატონეებს და, თუ კი უკანასკნელნი ცხადდებოდნენ, ის მორიგებით ათავებდა ხშირად საქმეს, წინააღმდეგ შემთხვევაში ჰგზავნიდა ადგილობრივ თავის რწმუნებულებს, რომელთაც ევალებოდათ დაეკმაყოფილებიათ გლეხების მოთხოვნილებანი. თავის მოქმედებაში კოჩა იყო მეტად მკაცრი; მაგრამ უნდა ითქვას ისიც, რომ მას უყვარდა წესრიგიც. მებატონეები განსაკუთრებით ეძებდნენ მის მფარველობას და ხშირი იყო კოჩას მიწვევა-დაპატიება მებატონეებისაგან მისი გულის მოსაგებად.. კოჩა ყველაფერ ამას სათანადოდ ღებულობდა. ასეთი სახელის მოხეიჯის შემდეგ იზვიათად თუ რომელიმე მებატონე უწევდა მას ურჩობას, მით უმეტეს, რომ ასეთ მებატონესთან გამკლავება კოჩასაგან იყო

სასტიკი და დაუნდობელი. ასეთი მებატონის ვერც სახლკარი, ვერც შინაური საქონელი, ვერ აცდებოდა საბოლოო განადგურებას.

საზოგადოდ უნდა ითქვას, რომ კოჩას სიბოროტე არ ახასიათებდა, მაგრამ მაინც უამაინც არც მახვილი გონების პატრონი იყო; მას, როგორც უკვე აღვნიშნეთ, განსაკუთრებით გარეგნული მოყვანილობა, შესანიშნავი ტანადობა და უფრო კი ერთნაირი სარდლური ვარჯიში წინ სწეოდნენ ხოლმე...

მეორე და უურო მნიშვნელოვანი ხელმძღვანელი უტუ თოდუა, შეიძლება ითქვას გადაჭრით, პირველის ანტიპოდად გვეხატება. სოფ. წაჩხურუს (სალხინოს რაიონის) მცხოვრები, მებატონის ქეშიკი, ხანში შესული (50 წლისა), ხელობით-მეკურკლე, უტუ, იმდენად პოპულარული იყო თავის რაიონში, რომ ის ყველას უყვარდა, მას ყველა ენდობოდა, მის სიტყვას დიდი წონა ჰქონდა... წინააღმდეგ პირველისა, მას განსაკუთრებით გონება-მახვილობა ახასიათებდა; საზოგადოებაში მან მოიპოვა დიდი ავტორიტეტი როგორც სიმართლის მთქმელმა, ამიტომ ხალხმა მას ზედმეტ სახელად „მართალია“ უწოდა.

როგორც ზოგიერთი პირებას გადმოცემა ამას ააშკარავებს, „მართალია“ ლებულობდა მონაწილეობას იმ არალეგალურ წრეში, რომელმაც გამოაქადა სალხინოს მუშების გაფიცვა და აღძრა საჩივარი დროებით მმართველ გრივოლ დადიანთან<sup>1</sup>.

მხოლოდ მაშინ, როდესაც გასკრა მათმა განზრახვამ და შესაძლებელი შეიქნა პრაქტიკულად განხორციელება იმისა, რაც მარტო გეგმაში ჰქონდათ ასახული ფარული ორგანიზაციის „სხუნუ“-ს წევრებს, როდესაც მიუცილებელ საჭიროებად შეიქნა უკვე დაწყებული საქმის გაგრძელება და საბოლოო დაგვირგვინება—მოვლი სალიპარტიანოს რაიონის აჯანყება და მტკიცე ერთეულში შეკავშირება, აშკარაა, ხალხი გვერდს ვერ აუხვევდა ამ ფრიად პოპულარულ პიროვნებას, სიმართლით განთქმულ უტუ თოდუას.

რასაკვირველია, ვერც უტუ ეწინააღმდეგებოდა ამ ერთსულოვან არჩევანს... ის გახდა ამ აბობოქრებული ზღვა ხალხის ქირისუვალი. მთელი თავის ხელმძღვანელობის სიჯრძეზე უტუ თოდუა სკდილობდა უკდურესობისაგან თავის დაღწევას. მასი გამკლავება მებატონეებთან იყო ზომიერი, მას არ ახლდა ის უკდურესობის ნიშნები, რაც განსაკუთრებით ახასიათებდა უკანასკნელ მთავარ ხელმძღვანელს უტუ მიქაეას.

<sup>1</sup>, ჩვენება პიხვინია გადილიისა და გუჩურ შვანისი (ს. კიწია).

ეს მისი ჟალრესი ზომიერება იმ ზომამდე ავიდა, რომ, მას შემდეგ, რაც სალიპარტიანოელები ესტუმრენ წალენჯ ხა-ჯვარს და საერთო სარდლად და მეთაურად უტუ მიქავა აირჩიეს და აჯანყებული ლაშქარი გაიყო ორ უმთავოეს ნაწილად ხობი-წყლის მარცხნა და მარჯვენა ნაპირებზე დაბანაკებულ წყებად, უტუ თოდუამ, როგორც მარცხენა ნაპირზე დაბანაკებული ლაშქრის ხელმძღვანელმა, გამონახა სალხინოში ჩამოსულ ეკატერინესთან საერთო ენა და 15-16 მაისს ზოგიერთ უხუცესს წიგრებთან ერთად კიდევ „შეპტიცა სასწაულთ-მოკმედი ხატით მორჩილება - და თავიანთი მდგომარეობის ვაუმჯობესება მიხლო ეკატერინეს საბარაოთს...“

ამჟამად, ეს ადგილი ყველაზე უფრო სუსტი მხარეა უტუ თოდუას ხელმძღვანელობის სარბიელზე მაგრამ, თუ სახეში მივიღებთ მის ღვთის მოშიშობებს, მის მიერ უალრესად ზომიერი პოლიტიკის წარმოებას მებატონეებთან და განსაკუთრებით მის არასარდლურსა და ხლების ფართე მასის სამეთაუროდ არათანდაყოლილ ბუნებოივ თვისებებს, ჩვენთვის გასაგები შეიქნება უტუ თოდუას მიერ ეს დათმობის ნაბიჯები. ის იმდენად ფაქიზი და თავაზიანი პიროვნება იყო, რომ მას არც კი ეგუებოდა ამ დაკისრებული მოვალეობის ასრულება და მხოლოდ იშვიათსა და ფრიად საჭირო შემთხვევებში გამოდიოდა ლაშქრის მეთაურად. მაგრამ, მიუხედავად ამ დათმობისა, მას იმდენად აქტიური მონაწილეობა მიუძღვის აჯანყების დასაწყისში, უკმაყოფილო მასის ურთიერთისადმი მკიდრო შეკავშირებაში ფიცის შემოღებითა და სხვადასხვა საჭირო ტაქტიკური მოსაზრებათა წამოყენებით, რომ შეუძლებელია დაიჩრდილოს მისი მნიშვნელოვანი როლი ამ აჯანყებაში.

ბოლოს მესამე და ყველაზე უფრო მნიშვნელოვან ხელმძღვანელოდ ამ აჯანყებაში გვევლინება უტუ მიქავა; გადაქრით შეიძლება ითქვას, რომ უტუ მიქავა ამ აჯანყების ალფა და ომეგაა.

სამწუხაროდ, არაერთარი წერილობითი წყაროები არ მოგვეპოვება უტუს ბიოგრაფიული ცნობების შესახებ; ძალაუწებურად უნდა დავკმაყოფილდეთ იმ ზოგადი შტრიხებით, რომელთა ასაწყაამ დრომდეც შესძლებელია მისი: შვილისა<sup>1</sup> და ზოგიერთ მის ნათესავთა ჩვენები<sup>2</sup>.

უტუ იყო წალენჯიხის საზოგადოების სოფ. ფუქიდან (ზუგდიდის მახრა). მამა მისი, ჯოტო მიქავა, სოფლის მეურნე ყოფილა. რო-

<sup>1</sup> ჩვენება ნკო თოდუასი (ს. წაჩხურუ).

<sup>2</sup> უტუს შვილი გლაბუა მიქავა (75 წლის) ს. ქვალონის (ზუგ. შ.) მცხოვრებია.

დესაც უტუ წამოიზარდა, მან შისწავლა ზეინკლის ხელობა და თავის საკუთარ მამა-პაპეულ ოჯახში (ს. ფუქში) კიდეც გამართა სამკვებლო, რომლის წყალობით უტუმ გაითქვქ სახელი მთელს ზემო-სამეგრელოში<sup>1</sup>. ამ სამკვებლოში უტუმ დაყო საკმაო ხანს. როდესაც შეიღებმა მამის გარდაცვალების შემდეგ თავთავაანთი ნაწილი მიიჩნიეს, უტუ გადასახლდა საიჩუოში, ს. ნარაზენში. სწორედ აქ კოფენის დროს მოუხწრო მას სალიპარტიანოში აჯანყებამ; როდესაც ამ რაიონის მემამბოხეები ესტუმრენ წალენჯიხა-ჯვარს, უტუ უმაღ იქნა გამოწვეული თავის საზოგადოებაში და სალიპარტიანოსა და ჯვარის მაზრის გლებთა მოთხოვნით, ის ხლებდა მეთაურად და მთავარსარდლად მემამბოხე ლაშქრისა; განსაკუთრებით ის ხელმძღვანელობს მდინარე ხობიწყლის მარჯვენა ნაპირზე დაბანაკებულ ლაშქარს რიცხვით ათ ათასამდე.

1858 წლის იანვრის თვეში ის, როგორც აჯანყების მთავარი ხელმძღვანელი, კოჩა და უტუ თოდუებთან ერთად გადასახლებულ იქნა რუსეთში 5 წლით, სადაც დარჩა 89 წელს და დაბრუნდა სამეგრელოში დაახლოებით 1867-8 წლებში, სწორედ მაშინ, როდესაც სამეგრელო თავისუფლდებოდა ბატონ-კმობის უღლისაგან. ჩამოსვლის მეორე წელს, ე. ი. 1868-9 წ., როდესაც დაწესდა სამეგრელოში პირველად მამასახლისობა, გლებთა წრიდან წალენჯიხის საზოგადოებამ ერთხმად წამოაყენა უტუს კანდიდატურა. თუკა მმართველები ამაზე არ დასთანხმდნენ, მაგრამ საზოგადოების დაქენებითმა მოთხოვნამ მანც გასკრა და უტუ გხდა პირველი მამასახლისის წალენჯიხის საზოგადოებისა; უტუ ამ თანამდებობას ასრულებდა მხოლოდ ერთი წლის განმავლობაში, რის შემდეგ ის ერთმა დამახასიათებელმა შემთხვევამ<sup>2</sup> აიძულა გადამდგარიყო.

1870 წ. ის ეწევა ხან თავის ხელობას, ხან კი მეურნეობას მისდევს. გარდაიცვალა 1877-8 წლებში.

ასეთია დაახლოებით მთავარი შტრიხები მისი ბიოგრაფიისა; როგორც ირკვევა, უტუს პიროვნების ფართე სახელის მოხვეჭას განსაკუთრებით ხელი შეუწყო მისმა სამკვებლომ, მისმა ხელობამ. აღსანიშნავია ის გარემოება, რომ თვით ადგილ-მდებარეობაც მის სამ-

<sup>1</sup>) ახლაც გაიგონებთ ხშირად მოხუცებულებისაგან: -უტუმ ნაკვად ანჯარს ჯანგი ვემკარაულდე“-ა (უტუს ნაკვად აბჯარს უანგი ვერ მიეკარებოდა -ო).

<sup>2</sup>) ეს შემთხვევა ეხება წალენჯიხის მომრიგებელ-მოსამართლე დიმიტრი ბატონიშვილისა და უტუს შუა მომხდარ ფიზიკურ შეურაცხყოფას (ჩვენება იოსებ კვარაცხელიასი. წალენჯიხიდან).



ქედლოსი ხელს უწყობდა უკანასკნელის ფართე საზოგადოებრივ-სახელის მოპოვებას. ს. ფუქის ის ადგილი, სადაც იდგა უტუს სამქედლო, რამდენისამე მნიშვნელოვანი შარა-გზების მებოძირია. აღმოსავლეთით მიდის ის მთავარი გზა-ტყევილი, რომელიც აერთებს ზუგდიდ-წალენჯიხა-ჯგალი-მუხურა-თაია-სალხინოს, ჩუდილოეთით საჩინო ჯვარს. აი ამ სამეგრელოს ლაკადისათვის უმთავრესი შარა-გზის საჯვარედინო ადგილზე იდგა უტუს სამქედლო. ამ გზებზე მიმომავალთ არ შიქდლოთ არ შესულიყვნენ სამქედლოში, არ გაეცნოთ მისი სიმპატიური პატრონი, არ გაეზიარებიათ თავიანთი შთაბეჭდილებანი. სწორედ ამ ისტორიულ სამქედლოში გამოკვერდა უტუს შეურიგებელი წადიერებანი, შეურიგებელი ლტოლვილებანი ბატონყმობის დამხობისა.

უტუს პიროვნებაში შესისხორცდა ამ იმ დროისათვის საუკეთესო საინფორმაციო პუნქტის საშუალებით გლეხობის მთელი ის სიდუხჭირე, მთელი ის დაავადებული ყოფა ცხოვრება, რომლითაც იტანჯებოდა უკანასკნელი. არის ზეპირგადმოცემითი ცნობა<sup>1</sup>, რომ მან განზრახ გადაიტანა თავისი სამქედლო სამეგრელოს მეორე კუთხე საიჩოოში, რომ იქაც უშუალოდ გასცნობოდა გლეხთა სულისკვეთებას.

ამრიგად, სამქედლო, როგორც ასეთი, შეიქნა უტუსთვის საუკეთესო შკოლა ხალხის ფართე მასის გასაცნობად, მათი რეალი მდგომარეობის გასათვალისწინებლად. თუ ახლა საწეში მივიღებთ იმასაც, რომ იმ დროს სამეგრელოში განსაკუთრებული პატივით ეპყრობოდენ მქედლებს და მათ, როგორც ამას მართებულად აშუქებს ნიჭიერი ეთნოგრაფი ი. ჭობალია, „თითქმის დღემდისაც პატივს სცემდენ და სცემენ სამღვდელოების თანასწორად, როგორც საღვთო პირებს, წმ. სოლომონის თანამიმღევრებს. ვისიმე ანათემაზე გადაცემა მქედლის მიერ თავის სამქედლოს სახელით დღემდისაც უარეს წყევა-კრულვად ითვლება მეგრელთა შორის“<sup>2</sup> ჩვენთვის ცხადი შეიქნება უტუს პიროვნების ფართე პოპულარიზაციის მიზეზები... ყოველგვარი უბრალო გასაკვირის დროსაც ხალხი მიმართავდა მქედელს. თავის გაკვირვების გამოცნობა-დახსნისათვის; ასე რომ, მქედელი ძალაუნებურად უნდა გამხდარიყო გულთმისანი და სხვადასხვაგვარი უცნაური საშუალებით უნდა დაეკმაყოფილებინა მრავალი მოთხოვნილება. თავისთავად აშკარაა, ამ ისტორიულ ტრადიციას ვერც;

1) ჩვენება ლევან მიქავასი (საზ. წალენჯიხა, ს. ფუქი).

2) იხ. Иосиф Кобалиа, Из мивической Колхиды, გვ. 23-24.

უტუ ასცდებოდა პირიქით, მასში ამას გაორკეცებულად ექნებოდა ადგილი. ამგვარად, ჯერ წალენჯიხასა და შემდეგ ნარაზენში საკმაოდ დიდის ხნით სამკედლოს გაჩენამ უტუს მზამზარეულად მისცა მართებული საშუალება, ნათლად წარმოედგინა ხალხის საშინელი სინამდვილე, მისი ქირი და ვარამი.—ეს უტუს ობიექტური მხარე გახლავთ.

არა ნაკლებ საინტერესოა მისი სუბიექტური, ინდივიდუალი თვისებებიც: „გამკლავება მისი მებატონეებთან იყო უალრესად სასტიკი და ენერგიული. ის მათ თავს ესხმოდა, დააფრინდებოდა როგორც ქორი, ართმევდა ყველაფერს, უყოფდა გლეხებს და არაიშვიათად აკალებდა მებატონეებს ტყვეობაში გამოსყიდვის ან დახსნის პირობით. განსაკუთრებით ყველაზე უფრო მისგან ხვდებოდა თავადებსა და აზნაურებს, რომლებიც სხვებზე მეტად განთქმულნი იყვნენ თავიანთი ვერაგობით. წერა-კითხვის მკოდნე და მკერემეტყველურად მოლაპარაკე, როგორც ჩვენ ეს დავინახეთ პირველად კოლუბიაკინთან ბაასში, ის მთელის არსებით ბატონობის უალრესი მტერი იყო და ყოველგვარი საშუალებით უფრას იძიებდა მათზე თავის თანამოძმეთა საუკუნეებით შეურაცხყოფის გამო“. უნდა ითქვას, რომ რუსის მოხელის მიერ უტუს ასეთი დახასიათება არ ცოდავს გადაჭარბებით. მთელს სამეგრელოში უტუს პიროვნების ხსენება დღესაც დიდად პოპულარულია: ყოველ მოხუცს შეუძლია მათზე რამოდენიმე მაგალითი აღნუსხოს თავად-აზნაურობასთან შეურიგებელი განწყობილებისა. ხალხის მეხსიერებაში ის დღემდისაც ცოცხალია და ბევრი მისი მაგალითი მისაბაძ და საანდაზო ნიმუშადაა ქცეული.

აქ საკმარისად მიმაჩნია ადგილი დაეუთმო მხოლოდ ერთ ასეთ ისტორიულ ნიმუშს, რომელიც აშკარად ადასტურებს ზემოაღნიშნულ დებულებას. ჩვენ სახეში გვაქვს უტუ მიქავას აუდიენცია დედოფალთან ბოროზდინისა და რ. ერისთავის თანადასწრებით: ერთს მშვენიერ დღეს, როდესაც დედოფალი მარტვილის შინასტერში იმყოფებოდა, შინაყმებმა მოახსენეს მას მახლობლად უტუ მიქავას ყოფნა. დედოფალი ძლიერ დაინტერესდა მისი ნახვით და სთხოვა ზუგდიდის ოლქის მმართველ რ. ერისთავს მოეხმო ის, როგორც ირონიულად უწოდა მას, „სამეგრელოს რევილუციის დანტონი“. მოიხმო ერისთავმა და შემოსვლისას მიესალმა იგი დედოფალს. დედოფალმა ის უფრო ახლო მიიწვია და მეტად საამო ტონით დაუწყო საუბარი: „რატომ, შვილო, გლეხებისაგან წინამძღოლად არჩეული შენ არ მოდი პირდაპირ ჩემთან და არ ამიხსენი მათი საკი-

როება და გაჭირვება; მე ხომ მათ შესახებ არაფერი ვუწყობდი და მოსვლა კი ჩემთან ყველას შეეძლო. შენ შეგძლო ყოველ წამს გამოცხადებულიყავ და სიმაართლე გეთქვა. რატომ არ მოიქეცი შენ ასე ჩემი პეტერბურგიდან დაბრუნების შემდეგ?!“ მიქავა ამ საკითხზე არ უპასუხებდა და იდგა შეშვოთებული, თავჩაღუნული და ხელებში კმუქნიდა ქულს. გავიდა სიჩუმეში რამოდენიმე ხანი. „შენ არ გსურს მიპასუხო ჩემს შეკითხვაზე?—დაიწყო ისევ დედოფალმა—მასასადამე, აღიარებ, რომ ჩემთან მოუსვლელობით ცუდად მოქცეულხარ“. მაშინ უტუმ ასწია თავი და დაიწყო ლაპარაკი მეტად წყნარად:—თქვენო ბრწყინვალეებავ, მეშინია, რომ თქვენ ჩემზე არ გაგულისდეთ და მიტომ ვჩემდები“;—ილაპარაკე, ილაპარაკე, გეთაყვა, ილაპარაკე—ცოცხლად მიუგო დედოფალმა—მე სიმართლისთვის არავის ვკიცხავ.“ უტუმ შეჰხედა ერისთავს და როდესაც მან თავის მხრით ყაბული ანიშნა, უტუმ დაიწყო:

— ბოდიშს ვიხდი, ხელმწიფეო, რომ მე თქვენთან არ მოვედი; არ მოვედი, იმიტომ რომ თქვენ ვერაფრით ვერ დამეხმარებოდით, თუნდაც სურვილიც გქონოდათ. იგი ცოტა ხანს შეჩერდა თითქოს მეტის ლაპარაკს არ აპირებსო, მაგრამ კვლავ ასწია თავი, თვალები მას როგორღაც განსაკუთრებით გაუბრწყინდენ (კურსივი ყველგან ჩვენია) და დაიწყო: აი აქ მათის ძირას (მარტვილის მონასტერი მაღლობზეა აშენებული) ცხოვრობს თქვენდამი კუთვნილი გლეხი. ამ საწყალ გლეხს ჰყავდა ერთი საათის წინ ძროხა, მისი ერთადერთი დიდება, რომელიც უყვებავდა მას ბავშებს და ახლა ის ძროხა უკვე აღარ არის. ის დაკლა თქვენმა შინაყმაშ, თქვენთან ერთად მოსულმა, და მისგან ახლა წვადებს აკეთებს. არავინ არაფრით არ აუნაზღაურებს იმ საწყალ გლეხს მის ძროხას. თქვენ თვით ვერ ამჩნევთ, რომ, სადაც თქვენ წახვალთ, ყველგან უბედურება დაგაქვთ? რისთვის უნდა მოვსულიყავი თქვენთან და მესაუბრა მსგავსი საწყალების უბედურებაზე, როგორიც არის ის გლეხი: თქვენ ხომ მათ ვერაფრით დაეხმარებოდით?“ უტუმ გაათავა და გაჩერდა. დედოფალს უფლება რომ ჰქონოდა, მზად იყო იქვე აღეგავა იმდენი პირების წინაშე მსგავსი მხილებელი, მაგრამ თავი შეიკავა და გარეგანი ღიმილით უთხრა: „კეთილი, შვილო, მიბრძანდი“-ო (ibidem, 186).

ცალმხრივი იქნებოდა უტუმს პიროვნების გაშუქება, თუ აქვე მოკლედ მაინც არ გავიხსენებდით მის მკერმეტყველურ ნიჭს. ამ მხრივ მას ბადალი არა ჰყავდა თავის ამხანაგებში. ის ამით ბუნებით იყო დაჯილდოვებული და სხვას რომ თავი ვანებოთ, ისეთი რუსის

მოხელენი, რომელნიც უშუალოდ ისმენდენ მის სიტყვას, მის ლაპარაკის სიძლიერე-სითამამეს, როგორცაა ბოროზდინი, ერისთავი, მიქელაძე — გაკვირებაში ვარდებოდენ... ბოლოს აღსანიშნავია უტუ იმ დროისთვის როგორც სარდალი, როგორც მოთადარიც იმ მრავალრიცხოვანი ლაშქრისა (რაოდენობით 14,000), რომელიც მუდმივად მის განკარგულებაში იყო.. თუმცა პირდაპირი ისტორიული წყაროები უტუს სარდლობის შესახებ არ მოგვეპოვება, მაგრამ ისორიოდე სტრიქონიც, რომელიც გვხვდება ამ წყაროებში და აგვიწერს უტუს ლაშქრის სახეობასა და მისი მოძრაობის ვითარებას, სადაც უტუ ნაციონალურ ტანისამოსში გამოწყობილი, მხარზე ლეკურ-გადაკიდებული, წითელ-არშინიანი ქუდით, წინ მიუძღვის თამამად ამ ლაშქარს, ნათელს ჰყოფს იმ მოსახრებას, რომ უტუ არ იყო დაშორებული სარდლობის მთავარ მოთხოვნილებებს, რომ მას შეეძლო დაეცვა ამ ზღვა ხალხში სიმტკიცე, წეს-რიგი და თანამიმდევრობა. სწორედ ეს „წესრიგი, თანამიმდევრობა და ორგანიზაცია“, რომელიც სუფევდა უტუს ლაშქარში და ახასიათებდა საერთოდ აჯანყებას, იმდენად თვალსაჩინო და საგრძნობი იყო, რომ ის ვერ გამორჩა შეუმჩნეველად კოლუბიაკინს, რომელიც მეჩად გაკვირვებული რჩებოდა უტუს ლაშქრის ამ თვისებებით და მიაწერდა მას დასავლელების გავლენას.

ასეთი სუბიექტური და ობიექტური თვისებებით აღქურვილი უტუ მართლაც შეიქნა ხალხის სულისკვეთების ჭეშმარიტი გამომხატველი. ამ აჯანყებაში ის ნამდვილად გვევლინება ჩვენ როგორც ხახალხო ტრიბუნი. ეს კიდევ ცოტაა: ხალხმა ის უფრო მეტს სიმალლეზე აიყვანა, მიანიჭა მას „დადიობა“, „კეისრობა“<sup>1</sup>. უტუს ასეთ ფართე პოპულარობას, დიდს ავტორიტეტს, ყველა გრძნობდა. მას ანგარიშს უწევდა ოფიციალური ხელისუფლებაც, სწორედ ამიტო-

<sup>1</sup> სამეგრელოს მკვიდრ მცხოვრებლებში ხშირად შეხედებით შემდეგ გადმოცემას: საბერძნეთის ან რომის მმართველულად უძველეს დროში ყოფილან კეისრები, რომელნიც ჟამთა ვითარებაში განადგორებულიან ოსმალთა შიმოსევისაგან. კეისრის მმართველობას ხალხში სიმპატია ჩაუნერგავს და ასეთ რწმენასთან დაკავშირებით ხალხი დღესაც მოელის კეისრის მმართველობის ოღ: გენას. როდესაც გლეხთა აჯანყებით დაინგრა ძვე - ი, არა აღაძინაური, დესპოტური მმართველობა და ხალხის წარამადკენლებმა ხელში ჩიღდე; სამეგრელოს ბედი-ბაღი, ხალხმა ძალაუნებურად. ინსტიტურად ახსენა გადმოცემით ჩაწერგული რწმენა და უტუს ლაშქრის დანახვაზე გაიძახოდა: „კეისრის ჯარს გაუმარჯოს“-ო. აქედან თვით სხელწოდება „კეისარი“, როგორც უხეანეს მმართველს, უტუს მისაკუთრეს. (ჩვენება სუმო გვასილიასი (ხორში), გიორგი დგებიასი (ფოცხა), სიმონ ჩქოფოიასი (მარტვილი).

მაც ვერც კოლუმბიაკინმა და ვერც დიკრუასიმ მიზანშეწონილად ვერ სცნეს ბარიათინსკის ბრძანების სისრულეში მოყვანა უტუს დაპატიმრების შესახებ, სანამ საბოლოოდ ფეხს არ მოიჩაგრებდენ, და აშკარად სწერდენ ჟუკანასკნელს: „უტუს დაკავება ხელახლად დაჰბადებს გლეხებში ახალ აღელვებას“-ო<sup>1</sup>

მართლაც, მისი დაკავება აუცილებლად ხიფათში ჩააგდებდა ხელისუფლების მეთაურებს, მაგრამ ამას მათ საღი მოსაზრებით გვერდი აუხვიეს. რომ სიტყვა არ გაგვიგრძელდეს უტუს თვისებათა ხალხოსნური მნიშვნელობის სფეროში, საკმარისია აღვსახოთ ის საგულისხმეო როლი ფაქტი, რომ დღესაც მეგრულ ენაზე უტუ ნიშნავს ხალხს, ფართე საზოგადოებრივ კრებულს, რაც უდავოდ წარმოშობილი უნდა იყოს უტუ მიქავას საკუთარი სახელის განზოგადოებით და რაც, უეჭველია, მოწმობს უტუს პიროვნების ფრიად პოპულარობას<sup>2</sup>.

---

<sup>1</sup>) იხ. Ах. Кав. Арх. Ком., т. 203.

<sup>2</sup>) რაც შეეხება მხოლოდ მცნება უტუს, ვითარცა უწესრიგოდ თავმოყრილ კრებულად, უთადარიგო ბანდად გაეგზულს, აშკარაა, ეს თავადაზნაურობის წამოსროლილი ოინია ყოველგვარი გლეხური მასის პრესტიჟის დასაცემად.

## VII. აჯანყების ხასიათი და მნიშვნელობა.

საზოგადოდ მასიურ მოძრაობას სამეგრელოს წარსულში არა-იშვიათად ჰქონია ხოლმე ადგილი. თავი რომ ვანებოთ წარსულის უძველესსა ან ძველ პერიოდებს, საკმარისია გავითვალისწინოთ უახლოესი საუკუნეები, სადაც სამთავრო ტახტის დაპატრონების მიზნით შეხვდებით გადატრიალებათა მთელ წყებას: დადიანისეული (იგივე სამთავრო) გვარები: ბეღია, კილაძე, ლიპარტიანი, შელია, გოშუა, ჩიქოვანი, დროთა განმავლობაში ერთმანეთს სცვლიდნენ სამთავრო უფლების მოპოვებით, რაც, რასაკვირველია, „მაღალი წოდების“ ხელმძღვანელობა-ინიციატივით წარმოებდა, მაგრამ შეუძლებელია არ ვიფიქროთ, რომ მასში პასიური როლი მაინც სამეგრელოს ხალხს, ფართე მასას, არ ეთამაშა. საერთოდ გამოსვლები, უკმაყოფილებანი და პროტესტები სამეგრელოს მკვიდრთათვის ისტორიულად არ უნდა ყოფილიყო უცხო რამ, პირიქით, არის საბუთები ვიფიქროთ, რომ ხალხის ფსიქოლოგიაში მაგავს მოვლენებს ერთგვარი საფუძველიც ჰქონია დადებული; ამ მხრივ 1857 წლ. სამეგრელოს გლეხების აჯანყება ჩვენ არ უნდა მოგვეჩვენოს unicumად, ერთგვარ გამონაკლისად, სამეგრელოს ისტორიული მსვლელობის სიგრძეზე.

ჩვენის აზრით, სწორედ ამ ისტორიული სარჩულით აიხსნება ან აჯანყების მომწიფებული სახე და მისი მართებულ ფორმებში ჩამოყალიბება. უწინარეს ყოვლისა ამ აჯანყებაში ჩვენს ყურადღებას იპყრობს ის გარემოება, რომ მას წინასწარ ხელმძღვანელობს ფარული ორგანიზაცია „სხუნუ“ (თათბირი), შემდგარი, როგორც უკვე აღნიშნული იყო, სქვაშია ნა და რ ა ი ა ს ა, შუკოჩია კ ი ლ ა ს ო ნ ი ა ს ა და გვატია გ ა დ ი ლ ი ა ს ა გ ა ნ. პირველად ამ წრეში ჩაისახა აზრი სალხინოს სასახლის შესაკეთებლად გამოძახილი მუშების გაფიცვისა, დროებით მოადგილე გრიგოლთან დეპუტაციის გაგზავნისა და სხ.

ეს საგულისხმიერო ფაქტია, როგორც საზოგადოდ საორგანიზაციო საკითხებში, ისე კერძოდ და განსაკუთრებით იმ დროინდელ სამეგრელოსთვის. როდესაც დეპუტაციამ ერთგვარი ლმობიერი დთან გაურკვეველი პასუხი მიიღო დროებითი მმართველისაგან, მა-

ხელის აღება. წინასწარ გეგმაგათვალისწინებულ მოქმედებათა მეოხებით და უფრო კი დიდი მომზადება-შემკიდროებით სახლთუხუცესის შეიარაღებული წინააღმდეგობა უშედეგოდ დარჩა, პირიქით, ხელჩართულ ბრძოლაში ის დამარცხდა კიდევ. გაფიცულები დაეპატრონენ სალხინოს სასახლეს და რამდენისამე დღის განმავლობაში უკვე მთელ სალიპარტიანოს დაეუფლენ... მაგრამ საბოლოო გამარჯვებისათვის რომ ფეხზე დააყენონ სამეგრელოს მთელი გლეხობა და ამით ერთობლივად იმოქმედონ, შემოიღებენ ისეთ მოხერხებულ ტაქტიკურ საშუალებას, როგორცაა ფიცი ლოზუნგით: „ყველა ერთისათვის“.

ეს იყო მართლაც გონივრული საშუალება, რომელსაც იმ დროსთვის ჰქონდა უაღრესი მნიშვნელობა, რადგანაც მაშინ რელიგია-სარწმუნოებას, რომლისამე „სასწაულთ-მოქმედი“ ხატის წინაშე ფიცის მიცემას, ჰქონდა დიდი გავლენა გლეხაკაცზე. ფიცის მიცემა წარმოებს სალხინოს გვერდით, „წმიდა გიორგის სახელობაზე აგებული ეკლესიის გალავანში პირველად სალიპარტიანოელთა შორის...

ამგვარად დასაწყისშივე განმტკიცებული, ურთიერთს „ყველა ერთისათვის“ შეფიცული მასა სალიპარტიანოელებისა სავსებით მიზანშეწონილად გადადის „სამანიჩოში“ (თანამედროვე წალენჯიხა-ჯვარის რაიონია), რაც სტრატეგიული მოსაზრებით უთუოდ მართებული ნაბიჯი იყო, ვინაიდან „ლაკადის“ ბუნებრივი სიფხიზლე და ცხოველი ენტუზიაზმი ამას მეტად ხელს უწყობდა. აქედან ეს მრავალრიცხოვანი ხალხი „ურდუმი“ („ულუსკა“), თავის მოქმედებას ავრცელებს ენგურამდე „ლაკადის“ მიმართულებით, შემდეგ საჩხოში და ნოქალაქევიტ ბანძა მარტვილის რაიონებში.

ყველგან, ყოველ საზოგადოებაში, თანამოაზრენი, თანამიმყოლნი, ვალდებულნი არიან მიიღონ ფიცი თავიანთი საკუთარი საგვარეულო ან სამრევლო ხატის წინაშე. როგორც ფიცის მიცემა, ისე აჯანყებაში მონაწილეობის მიღება, ვალად ედგა ოჯახის ერთ-ერთ უფროს წევრს, რომელიც აუცილებლად ფიცის შემდეგ შეიარაღებული რითაც შეიძლებოდა, ყოველ შემთხვევაში შუბით, წალდით, უნდა გაჰყოლოდა ლაშქარს და მიეღო მასში მონაწილეობა<sup>1</sup>.

თითოეული კუთხის ან ხატის, ეკლესიის, საყვირი ან ბუკები აუცილებლად საერთო ლაშქარში უნდა ყოფილიყო და რაც დამახა-

<sup>1</sup>) თუ საბჭოში მივიღებთ იმას, რომ მაშინდელი კაპიტალიზმი აღწერილობის მიხედვით მთელ სამეგრელოში „დაბალ“ ან „გლეხთა“ წრეში სულ რიცხვობაა 113,280 სული და თუ გავიხსენებთ იმასაც, რომ ურტუ მიქაევას ლაშქარში 10,000 ხალხი ურტუ თოდუას 4,100 კაცი იყო, რაკვევა, რომ საერთოდ გლეხთა ლაშქარში უშუალოდ მონაწილეობას იღებდა 14,000 კაცი, ვ. ი. გლეხთა მთელი რაოდენობის მე-8 ნაწილი.

სიათებელი და საგულისხმიეროა, ლაშქარს გააჩნია ბაირალები, წითელი ფერის დროშები „შილა“<sup>1</sup>.

ამ სახით შემდგარი უტუს ლაშქარი მიმოივლია აღნიშნული მარშრუტით მთელ სამეგრელოს: არ არის შეუმჩნეველად დარჩენილი სამეგრელოში უბრალო სოფელიც კი, სადაც ეს ლაშქარი არ ყოფილიყო. გარდა იმისა, რომ ეს ლაშქარი ასრულებს თავის პირდაპირ დანიშნულებას და საზოგადოების შემოერთების შემდეგ უკანასკნელს გაათავისუფლებს ძველი მმართველობის წარმომადგენლებისაგან ან დაკავება-დაჭერით, ან ქონებრივად განადგურებით, ან დასჯით, პარალელად ის აკეთებს აგრეთვე არა მეორეხარისხოვან საქმესაც: მას გამოყავს შიბატონის სახლებიდან ყველა მოჯალაბენი, მსახურნი, მოახლენი და მომეტებულად დედათა სქესს აქორწინებენ სურვილისამებრ.

თავისი მიზნის მისაღწევად ეს ლაშქარი არ განიცდის შიშს და ის ყოველგვარი ძრწუნების გარეშე თამამად ასრულებს თავის ზრახვებს, იქნება ის სამღვდლო პირთა<sup>2</sup>, მალალ წოდებთა<sup>3</sup>, თუ თავიანთ ურჩ გლეხთა მიმართ.

ქვემო აღნიშნული საბუთი ნათლად მოწმობს იმას, თუ როგორ ექცეოდნენ, როგორც ურჩ მოახნაურე პირებს, ისე თავის მხრივ მოწინააღმდეგე გლეხებსაც:

---

<sup>1</sup>) ეს სიტყვა შეიძლება წარმომდგარი იყოს მეგრულ „შჷლა“ ზმნისაგან (ქსოვა) (შილი, ზილა), ნით უმეტეს, რომ იმ დროს სამ გრელოში ქსოვა განსაკუთრებულად განვითარებულ იყო. ანილომ ადვილად დასაშვებია, რომ დროშა—ხელით ნაქსოვი და შემდეგ შეღებ ლი ყოფილიყო.

<sup>2</sup>) საკმარისია ორიოდ მაგალითი გავიხსენოთ: ა) რაქდესაც კო რ ც ხ ე ლ ი ს ეკლესიის მღვდელმა დიმიტრი თოლორაიამ ეკლესია არ გაუღო და ხატო არ მისცა, ლაშქარმა ძალით დასტეხა ეკლესიის კარები და ხატი გამოასვენა; მღვდელმა კი გაქცევით უშეღა თავს; ბ) მარტილის საკრებულოს არქიანდრიტ ტარასი ელიავას ლაშქარმა ფიზიკური შეურაცხყოფა მიაყენა საკრებულო ტაძრიდან გათრევით, რიად საც უკანასკნელმა ნება არ მისცა ლაშქარს წარმომადგენლებს ეკლესიაში დაცული საბუთების გადათვლიერებრცა; გ) ობუჯის ქიჩის ხატის სახელობაზე აგებული ეკლესიის მღვდელი დავით შენგელაია განადგურებულ იქნა სახლ-კარით მსხურთა არ დათხოვნის გამო.

<sup>3</sup>) მაგალიტები იხ. გვ. 37.



„უფალს კზ ერისთავს.

ჯვარის მაზრის და სოფელ ობუჯის მცხოვრებთა ბულათია ფიფიას და სხვათა ერთობით მოგვარეთა მისთა ფიფიებისაგან.

მოხსენება.

როდესაც სოფელი ესე მიასაკუთრა მთავარმა ტარიელ დადიანს, მაშინ იმ დროიდან ჩემი გვაროვნობა მხნეობასანი ქიანის ხატითა დაფიცებულვართ ერთგულობისათვის. ხოლო როდესაც ტარიელ დადიანი გარდაიცვალა, მე ძემან მისმან ფარნაოზ და პლატონმან ახალგაზრდა რაოდენიც ვიყავით, კვლად გვაფიცეს საერთგულოდ და კიდევაც მუნიდან მოკიდებულ ერთგულიცა ვართ და არც არს ჩვენზედ მომდურავი მებატონე, რომლისათვისაც ვართ კომლად ათი თუ თორმეტი კომლნი, მოსურნე ვუყავთ და ეხლაც ვართ, სასიამოვნოდ ჩვენის შექლებით მსახურებისა მებატონეზედ; და ეხლა ამა მდგომარე წელსა ჩუნს [1857] მაისის თვესა მოხთა ცოდვის კითხვა საზოგადოება მეგრელიისა და ატყდა ხალხი ბუნტად და მთიხაკენ ჯვარალეები და სხვებნი შეურილნი ყოფილან წალენჯიხას (კურსივი ყველგან ჩენია) და იქიდან მოციქული გამოგზავნეს ობუჯის მცხოვრებ ხალხთან: თანახმა ხართ თუ არაო? შენგელაიას ყმებმა შეუთვალათ რომ: ჩვენ თანახმანი ვართ თქვენის ბუნტოვშიკობისა და კიდევაც შეგფიცებთო, მაგრამ პირველად ფიფიები თუმცა არ აფიცეთ არ იქნებაო. შეუთვალეს შენგელაიას ყმებმა ჯარს, ჩვენ მოციქულებს პირით შეუთვალეთ ბუნტის თავებსა: ჩვენ თქვენი თანახმა არა ვართო და ორ გზის დაფიცებული ვართ ბატონისაგან ერთგულობაზედ და ანუ ვერ უღალატებთ ხატს ან ბატონსაო შეუთვალეთ. ვიცით, ყმებს ჩამოართმებთ ყოველს კაცებს და ჩვენ ვერ შევალთ ამგვარ საქმეშიო განუცხადეთ, გარნა უ მაისის თვისსა მე ბულათია და ხუხუ ფიფიები წავედით ყულისკარის სოფელსა ამბის შესატყობად და ჩვენ, რომ იქ დავრჩით, ჩენი [sic] ოჯახში მოსულან ჯარისკაცები სამის ბაირალისა, ურას ძახილით და ბუკების დაკვრით, ე. ი. ხუთას სამოცდათექვსმეტი კაცები ორის მხრიდან ცუნოდათ [sic] ჩვენს ოჯახსა რამოდენიმე ქაშკრით და სხვანი მესერი შემოუმტვრევიათ და პირველს მოსვლისას დაეტეხათ სამკედლური, დაეტეხათ ერთი მხარე ხახლისა, შემდ-

გომ დაეტებათ მარანი; 70 კოკა ღვინო იყო მარანში, რამდენიც უნდოდათ დალიებს და სხვა მიწით გავესოთ ჭურები. აქ დაამტვრიეს ყოველივე და ხორაგი რაც ნახეს წაიღეს. აქედან რომ წავიდენ, მიუხდენ დათიკა ფიფიას, ოცდაათი მხარი მესერი დაამტვრიეს, ერთი მხარე სახლისა დაამტვრიეს და ღვინო რაც ნახეს დალიებს და მარანი სრულიად დაამტვრიეს; რადგანაც გამოკვიმეტეს, რომელსაც შეგვეძლო გაიქცენ; დაიქირეს ისლამი ფიფია და გალახეს; დაიქირეს, მაქვა ფიფია და გალახეს; დაიქირეს კუქურუა ფიფია და გალახეს; დაიქირეს პეპუ ფიფია და გალახეს; დაქერილებიც წაეყვანათ და საყდრისაკენ წასულიყვნენ და საყდარზე დაქერილები, როგორც იმათ უნდოდათ, ისე დაეფიცებიათ. იმა დროს ჩვენ ამბის შესატყობად წასული ბულათია და ხუხუ ფიფიები მოვედით და ჯარისკაცებმან დაგვიქირეს, ყოვლისაგან გაგვცარცეს, დაგვიქირეს და ხატით დაიფიცეთო; ჩვენ უარი უყავით, მაგრამ სიკვდილი არად მივიჩნიეთ და სიკვდილის შემდგომ სული ღმერთს არ დაეკარგოს და ფიცს სიკვდილი გვირჩევნია—განუცხადეთ და ამის შემდგომ ხელი ამალეს სასიკვდილოდ და რაოდენ რიგად შემაწუხეს და მაწვალეს, ამის ანგარიში მე თვით არ უწყვი და სრულიად საზოგადოება დაამტკიცებს, რაოდენი სასჯელი სასიკვდილო მომაყენეს და ღვთის სასწაული დაილოცა, თორემ ჩემს შერჩენასა არავინ არ იტყოდა და ვინაიდან სასიკვდილოდ გალახული ვიყავით, სიკვდილად მიწვენილს კაცს მეტს რას უზამდათ და ხატზე გარდაცემული დაგვტოვეს და რომელიც ხელად ყავდათ დაქერილი, იქიდან წაიტანეს უიარაღოთ, რომ თავთავის ოჯახში ტანისამოსის ჩაცმაც არ აცალეს უმეტნაკლოდ. გარემოება ჩვენი ეს არის, რომელსაც ემოწმება თვით ჩვენი ბატონი და ემოწმებიან ერთობით აზნაურნი შენგელაიები—ვემოწმებით ამ ქალაქს ბატონიშვილი ნიკო, აზნაური ბეჟან შენგელაია ემოწმები ამ წერილსა მე პეტრე შენგელაია, ემოწმები მე დათა შენგელაია\* [პირი სტუდენტ დანე ფიფიას მიერ ნაპოვნი და შენახული ორიგინალიდან. ს. ობუჯი, წალენჯიხის საზოგადოება].

მართალია, ამ აჯანყებას არ ახასიათებს ისეთი მკაცრი და სასტიკი ზომები, რომლებსაც ხშირად ვხვდებით ხოლმე მსგავს ისტორიულ მოვლენებში სხვადასხვა ხალხთა მოძრაობაში უამრავ მსხვერპლთა გაღებით, მაგრამ, ქვემოთ აღნიშნული საბუთების აღნუსხვის შემდეგ,

ისაც არ შეიძლება ითქვას, რომ ვითომ ამ მოძრაობას ქონდეს მეტად მსუბუქი და ლმობიერი ხასიათი; ჩვენ ვფიქრობთ, რომ იმ პირობებსა და ვითარებაში, რომელშიაც ხდებოდა ამ მოძრაობის გაშლა, საესე-ბით მიზანშეწონილი იყო მისი არა სიმკაცრე და ზონიერება. რაც შეეხება ამ აჯანყებას, როგორც ასეთს, აუცილებლად ის საზოგადოებრივ სიღუბეში წარმოშობილი, სოციალური სახისაა ..

ამავე მიმართულებით ხდებოდა სწორეთ მისი თანდათანობითი გაღრმავება-გაფართოება.

მაგრამ არ შეიძლება ამ აჯანყებაში გვერდი აეხვიოს პოლიტიკურ მხარესაც, რომელიც ასე მკაფიოდ გაიხატულია უტუს მიერ წარმოთქმულ სიტყვაში (ბოროზინის რედაქციით) და რამოდენიმედ გამოსკვივის აგრეთვე გლახთა მოთხოვნების მეორე მუხლიდანაც (იხ. გვ 47.) შეიძლება მართლა უტუმ კიდევ აღნიშნა, როგორც წარდგენილ მოთხოვნებში, აგრეთვე თავის სიტყვაში, პოლიტიკური მუხლები<sup>1</sup> რუსის მმართველობის შემოღების წადილის აღნიშვნით, მაგრამ, უნდა ვიფიქროთ, რომ ეს გამოწვეული იყო ალბათ იმ განსაკუთრებული მომენტით, რომელშიაც ის მაშინ იმყოფებოდა. აბა რა უნდა ეთქვა მას, რით უნდა ემართლებინა თავი და თავისი ლაშქარი მის დასამორჩილებლად ჩამოსული გენერლის წინაშე? შემცთარი აზრი იქნება ვიფიქროთ, თითქოს ამ აჯანყებას თავიდანვე ფარული რუსოფილური მიზნები ჰქონდა და დასაწყისშივე მას პოლიტიკური მოსახრება ამოქმედებდა მხოლოდ; პირიქით, რომ აჯანყებას თავიდანვე არ ედვა არაერთარი პოლიტიკური სარჩული და ანგარიშები, ეს უდავო დებულებად უნდა ჩაითვალოს. ამას მოწმობს არამცთუ მართო უტუს მოთხოვნებების მუხლები და განსაკუთრებით კი მისი ლაშქარის მოქმედების სახელმძღვანელო გეგმა და მის სინანდელიკში განადღება, არამცთუ მართო რუსეთის მოხელე

<sup>1</sup>) ს. ა. ავალიანი ვერ პოულობს მოძრაობაში პოლიტიკურ სარჩულს: „შეაზრებენი დიდის ნდობით ეპყრობოდენ რუსის ხელისუფლებას, მათი დაპირებებით წყნარდებოდენ არა, რასაკირჯლია, რმისთვის, რომ რუსები მეამბოხებთან ვრთად იცენენ, არამედ იმტომ, რომ სამეგრელოს გლახებს საბოლოოდ დაეკარგათ იმედი თავიანთ დედოფალზე. რომელმაც ისინი ჩაადო მებატონების აღმინტრაკიის წარმომადგენელთა უკნტროლო განკარგულებაში, რომელნიც იმავე მებატონის გარეოდან გროვდებოდენ... მოძრაობა წმინდა გლახურია, გამოწვეულ ბატონმობის სპეციფიკური პირობებით (იხ. მისი Крестьянский вопрос в Западном Кавказе. გვ 171).

და გენერლების (ბოროზდინის, კოლუბიაკინის, დიკრუასისა და გაგარინის) ერთობლივი ტონი, საერთო დასკვნები და ახსნა-განმარტებანი, რომლებსაც შეიძლება ამ შემთხვევაში ტენდენციური მისწრაფება ახასიათებდეს განსაზღვრული რუსოფილური მიზნის მისაღწევად, არამედ ამასთან ერთად ამასვე ამბობს თვით ზოგიერთი აღგილობრივი ოფიციალი და არაოფიციალი წყაროებიც, რომლებიც მოწოდებულია ყოველგვარ რუსოფილურ მიმართულებას. მე სახეში მაქვს სამეგრელოს დროებითი საბჭოს ერთ-ერთი წევრის თეოფანე ეპისკოპოსის პასუხი ეკატერინეს მიმართ უკანასკნელის „საიდუმლო შეკითხვაზე 7 მუხლსა შინა“ გლეხების აჯანყების შესახებ.

რადგანაც ამ საბუთში სხვა საყურადღებო ცნობებსაც აქვს აღგილი, ჩვენ საჭიროდ მიგვაჩნია მისი აქ სრულად მოყვანა:

თქვენო უგანათლებულესობავ, უმოწყალესო ხელმწიფავ! 21-ის ამ თეიდან № 3239-თა თქვენის უგანათლებულესობის ჩემდამო მოწერილობით საიდუმლო კითხვასა ზედა (კურსივი ყველგან ჩვენია), შემცველსა შეიღთა კითხვისთვის მუხლთა შესახებ ლახორის შემოხვევისა, უმორჩილესად პატივი მაქვს მოხსენებად თითოეულსა მუხლსა ზედა შემდგომით.

აღ, ამა წლის იანვრის თვეში სალიპარტიანოში იწყეს ხალხთა ლახობობა და ბუკს კვრა, დჟ როგორც მესმოდა იგინი იტყვიან თანამდებობის კაცთაგან უსამართლებასა და შევიწროებასა თვისსა, ხოლო თუ ვისგან სახელდობრ, კემმარიტებით არა უწყი.

ბღ, სალიპარტიანოსა შინა რა აღიძრენო ხალხნი ვითომც შევიწროებისა გამო მათისა, მუნითგან გარდაეთხრაო უწესობანი ესე პირველად მახლობელს საბატონო კურზუს სოფელში და შიდ სოფლითი-სოფლად მთელს მენგრელიაში არა ხოლო ოდენ შევიწროებულთა, არამედ თავისუფალთა ყმათაცა.

გღ, მიზეზნი მემამბოხეთანი, ვითარცა იგინივე იტყვიანო, განსხვავებულის ახლის შექმნილის ხარკის გარდახდით და სამსახურით და ორის ბატონის უზომო სამსახურით არიან შეწრებულნიო, გარნა ამას ზედა ვადრე აღმოცნობამდე კემმარიტებისა ჯერ არს დუმილი:

დღ, როგორც მე გავიგონე, თხოვნასა ზედა სალიპარტიანოებთასა პირველმან წევრმან საგანმზრახოსიდან წარუწერაო ორთა უზინაესის სასამართლოს მდივანბეგთ თავადთ გიგო ფალავასა და ანტონ ჩიქოვანს აღმოცნობისათვის მათ მიერ სინამდვილი-

სა თხოვნისა იმა სალიპარტიანობეთასა, რომელთა მიერ წარმოებანი უნდა იყოს წარმოდგენილ სამთავრო კანცელარიაში; ხოლო მე ჩემის მხრითაც ვქქმენ მღვდელ-მთავრული განკარგულებაჲ ზოგად ადგილობრივ ბლალოჩინთადმი სადაცა იყვნენ აღძრულნი ხალხნი ქალაგებისათვის დამშვიდებისადმი მათისა და სადაცა არ იყვნენ ჯერეთ აღძრულნი მუნცა, რათა არა მიბაძონ ესრეთისა უწყისობისადმი, რომელი ფრიად მავნებელი იქნების მათთვის... ხოლო უკეთუ რამე აქვსთ შევიწროება ვისმესაგან, ითხოვონ ქალაღდით შემდგომ დამყუდრებისა მათისა როდესაც მობრძანდება მისი უგანათლებულესობა მმართველი მენგრელიისა და უთუოდ მიიღებენ სამართალს, თორემ იგინი შთავარდებიან უბედურებაში, გარნა ესრეთ მანცა ზომამან ვერ მიიღო წარმატებაჲ მათ უგუნურთა ხალხთა შორის, მხოლოდ უგუნურებისა მათისა ანუ სხვათა ბოროტმოაზრეთა კაცთა შერევისა გამო ესე ნამდვილ მე არა უწყი.

ედ, ლდ ვდ, დამყუდრებისათვის აღტეხილთა ხალხთა იქმნეს სამართლიანი განკარგულებაჲ დამორჩილებისადმი ჯეროანთა მსახურებათა ქვეშე თვისთა მებატონეებთასა, და შემდგომ ჭეშმარიტებით აღმოიცნას ნამდვილ მეტის სამსახურისაგან ანუ უსამართლობისაგან აღტყინდა ესოდენი ხალხი, ანუ უგუნურებისა, გინა ბოროტ მოაზრეთა კაცთა მიერ, და უკეთუ აღმოჩნდება შევიწროებისა გამო, ვითარცა იტყვიანო მდაბალნი ერნი, დიდ რამე საკვირველ არს, რომელი ეწინააღმდეგების საღმრთოსა სჯულსა და კაცობრივსა ბუნებასა: მთავრობას თან აძს მიფინოს სამართალი ერთა, ყოველთა მებატონეთა და ყოველთა ყმათა შორის დადვას საზღვარი მორჩილებისა, სამსახურისა, ხარკისა, უძძლავრობისა, შემთხვევასა შინა წინააღმდეგთათვის დასჯისა—თანამდებობის კაცნი რაოდენ შეიძლება უმჯობეს და უმჯობეს მსჯელნი და სამართლიანნი, უქრთამონი, და საჭიროებასა შინა მტკიცენი; კრძალულებით ხამს ერისადმი ყურადღების მიქცევა, ვითარცა შეწყნარებასა შინა, ეგრეთვე დასჯასაცა შინა, ვითარცა მოციქულნი ქრისტესი იტყვის საშიშსა შიში, პატივისა პატივით და ესე ვითარითა ანუ უკეთილესითაცა მსაჯულებით გინა მმართველობითა მაინც სამარადისოდ უნდა დამყუდროედეს ერნი.

ზდ, მე უკვე დროითგან წინეთ სიცოცხლესა შინა განხვეწებულის მთავრის დადიანისაგან მსმენია მდაბიო ხალ-

ხთაგან მომეტებულისა მუშად გამოწვევისა და სამსახური-  
ხათვის მწუხარებაჲ და ამაზე მებატონეებთაგანაც დრტვინვაჲ  
რომელცა უკვე მე კიდევ მომიხსენებთეს თქვენის უგანათ-  
ლებულესობისადმი თვისსა დროსა შინა საადუშლოდ თვის-  
ის ჰაზრით. ხოლო აწინდელსა შემთხვევასა შინა მეტონე-  
ებისაგან გამიგონია ესე მხოლოდ, რომ ისინი სწუხან და ჰკვი-  
რობენ საზოგადოდ აბუნტებასა ყმებთასა ერთად შერეენით,  
რომელთაც არაერთარი მძიმე მსახურება არა თანა აძსთო...  
თქვენო უგანათლებულესობაჲ! თუმცაღა ესე ვითარნი გარე-  
მოებანი არა საკუთვენელ იყო ჩემდამი კითხვად, გარნა აღსა-  
სრულებლად თქვენის უგანათლებულესობისა ბრძანებისა მოვახ-  
სენებ რა ამა გარემობასა თქვენსა უგანათლებულესობასა:—  
შირღეთ დარწმუნებაჲ ჩემსა თქუენდანი ერთგულებასა შინა  
თქვენის უგანათლებულესობის უმოწყალესის ხელმწიფაჲსა უმორ-  
ჩილესი მოსამსახურე და ღვთისადმი მლოცველი მენგრელიის ეპის-  
კოპოსი თეოფანე“. (იხ. სამეგრელოს მუზეუმის საარქივო  
განყოფილება № 1269. 1857 წ. 25-VI)¹.

როგორც ამ საბუთი დან ირკვევა: „თანამდებობის კაცთაგან  
უსამართლობა და შევიწროება“ „განსაკუთრებულის ახლად შეძენი-  
ლის ხარკის გადახდით და სამსახურით და ორის ბატონის უზომო  
სამსახურით შევიწროება,—აი სარჩული და მიზეზები აჯანყებისა.

თეოფანე ეპისკოპოსი ეკატერინეს შეკითხვით მეტად უხერხულ  
მდგომარეობაში იყო ჩაყენებული, რადგანაც წინდაწინვე იცოდა მი-  
სი ამ საქმისადმი განწყობილება. მაგრამ ამისდა მიუხედავად ის,  
თუმცა ზოგიერთ შემთხვევაში პირობით კილოთი („როგორც მე-  
სმოდა,“ „ვითარცა ივინივე იტყვიანო“) მაინც ააშკარავეს საზოგა-  
დო სოციალური ხასიათის მიზეზებს.

მეტეც რომ ნდომებოდა, ის მაინც ვერ დაწერდა იმ განსაკუ-  
თრებული პირობების გამო, რომელშიაც იმყოფებოდა ეკატერინეს-  
თან დამოკიდებულებით.

აჯანყების მსგავს მიზეზებს ვხვდებით აგრეთვე ჩვენ თე-  
დორე ხოშტარიას მოგონებებში, რომელიც პირველსავე თვით-  
მხილველი იყო ამ მოძრაობისა. „მაგრამ ვინემ ის დაწყნარდებოდა  
(ლაპარაკია 1856 წ. დეკემბერში თამაკოელი გლეხების აჯანყების  
შესახებ ჩიქოვანების წინააღმდეგ), თავი იჩინა მეორე ახალმა ამბო-

¹) სკამბაში სათანადო ნიშნების უქონლობის გამო საბუთის ორთოგრაფია  
ვერ არის დაცული. პუნქტუაცია საბუთის მიხვ დ: : თ დ: : ტ: : ე: : ი: :  
ო

ხებამ თვით მთავრინას სადედოფლო მამულში; სალიპარტიანოს და იქვე სალხინოს მთელი ხალხი შეგროვდა ათახობით და მიზეზად ის იხელმძღვანელეს, რომ ეუსამართლოებიან მათ მთავრინას მოხელეები ხხვადასხვა რიგი სალხინოს სასახლეში აუტანელის მუშაობით ხტანჯავენ და სხვა აურაცხელის შევიწროებით და განუსაზღვრელის გადახახადით მათ აწუხებენ (კურსივი ყველგან ჩვენია). ამას კიდევ მიემატა და შეუერთდა ჯერ მთის პირის მთელი ხალხი.

როგორც სამთავრო და სადედოფლო, აგრეთვე სხვადასხვა მებატონეების თავადი დადიანებისა და მრავალგვარი თავადების ყმეპი, ერთი ბუნა<sup>1</sup> მთავრინას და მის მოხელეების უსამართლობას უვირიან და ხხვანი კი ხაბატონეები თავიანთი მებატონეების უსამართლობას. ამ გვარი საშინელი აჯანყებული ხალხი ახლადღა ყოველგან და ყოველ მენგრელიის კუთხეში<sup>2</sup>.

სიმარტივის გამო ახსნა ზედმეტია... უნდა აღინიშნოს მხოლოდ. რომ ამ შინაურ საშინელ მეწყერს, ამ დრტვინვას, უსამართლობას. გარდასახადის სახით მომეტებული მუშაობის შემოღებას, რომელთა წიაღში იშვა ეს აჯანყება, დაემატა, წაახალისა, ნიადაგი მოუსუფთავა და მოუშხადა, როგორც ეს თავის ადგილას უკვე გავაშუქეთ, იმ სოციალ-პოლიტიკურმა მდგომარეობამ, რომელიც წინ უძღოდა ამ აჯანყებას: ყირიმის ომმა და მასთან დაკავშირებით დასავლელეების შექმა და გავლენამ სამეგრელოზე—როგორც გარეშე მიზეზებმა ერთის მხრივ და მეორეს მხრივ უკანასკნელ მმართველთა დავით-ეკატირინეს საშინაო პოლიტიკამ, მიმართულმა მხოლოდდამხოლოდ თავისი პირადი მდგომარეობის განდიდებისაკენ, ჩიქოვანების წყალობით უკანასკნელ პერიოდშიაც თავისი პირვანდელი ფორმით შწნარჩუნებულმა ბატონ-ყმობის ზოგიერთმა მძაფრ მხარეებმა. და წინააღმდეგ ძველი ადათისა ყოვლად უკანტროლო სამსახურისა და მუშაობის დაწესებამ—როგორც შინაურმა მიზეზებმა, წარმოშვეს გლეხების მკიდრო ერთეულში ეს შეჯუღებული აჯანყება.

ამ შინაურ მიზეზებში არ უნდა დაიჩრდილოს, რასაკვირველია, დავით-ეკატირინეს მიერ წარმოებული პოლიტიკის მეოხებით „რუსული პარტიის“ წარმოშობა, ზოგიერთი თავადიშვილების განდგომილი, ფარული, უკმაყოფილება და განსაკუთრებით კი ყველაზე უფრო საკულისხმიერო გრიგოლის ქიშპობა: და ბრძოლა ეკატირ ნისთან ტახტის დაუფლების მიზნით; რომელმაც თავის ირგვლივ შექმნა ძლიე-

1) სიტყვა მეკრულია, ქართულად: ჯგუფი, ჯუნდი.

2) რ. ბ. დეკ. თედორე ხოშტიანიას მოგონება, გვ. 59.

რი და საგრძნობი ოპოზიციონერთა კრებული... [რასაც ვირველია, ყველა ესენი რამდენადაც გლეხთა აჯანყება მათ საკუთარ მდგომარეობას ზიანს აყენებდა, იმდენად მას არ თანაუგრძნობდენ, მაგრამ რამდენადაც ის ეკატერინეს მდგომარეობას ამწვავებდა და საშიშროებას უმზადებდა, იმდენად ეს ხალხი ამ აჯანყებას პასიურად შეჰყურებდა... ასე რომ, შეიძლება ითქვას, ეს განდგომილთა ჯგუფი თავის უმოქმედობით ერთგვარად ხელს უწყობდა ამ მოძრაობას, მაგრამ, რადგანაც ამ ჯგუფის მოქმედება პასიური ხასიათისა იყო და თან ეს ალმაცერად განწყობილი მხოლოდ რამდენისამე პირისაგან შედგებოდა, ამიტომ მათი ვითომდა ხელის შეწყობა უაღრესად უფერული და არამნიშვნელოვანი იყო აჯანყებისათვის. ამ რიგად, შეიძლება გადაჭრით ითქვას, რომ ზემოაღნიშნულ გარეშე და შინაურ მიზეზთა ურთიერთობაში იშვა ეს ხალხოსნური, სოციალური ამოცანებით დატვირთული აჯანყება.

რაც შეეხება მხოლოდ ამ მოძრაობის პოლიტიკურ მხარეს. როგორც ეს ნათლად ირკვევა მთელი ამ პროცესის მართებული გათვალისწინებიდან, მას ეს მოძრაობა მხოლოდ თავის დასკვნაში იძლევა, რაც მოხდა ეკატერინეს ინიციატივით.

ეკატერინე შეცთა თავის განზრახვაში: რუსეთის ჯარის შემოყვანით მან თუმცა ჩააქრო ეს აჯანყება, მაგრამ სამაგიეროდ თავისი მმართველობა გააქარწყლა: რუსებმა გამოიყენეს ეს მოხერხებული მომენტი, მოსპეს ავტონომია, ეკატერინე პეტროგრადში გადააგზავნეს და დააწესეს საკუთარი მმართველობა... ამნაირად ამ სოციალურ მოძრაობას შედეგად მოყვა პოლიტიკური გადატრიალება... რამდენადაც ეს პოლიტიკური გადატრიალება უმჯობესი იყო გლეხებისთვის, იმდენად ისინი თანაუგრძნობდენ მას და სულ უმნიშვნელო გამონაკლისის გარდა, უნდა ითქვას, რომ გლეხთა მასა ერთსულოვნად შეხვდა ამ გადატრიალებას, რადგანაც დედოფლის დახვესებულ სამართალთან შედარებით გლეხი უკეთ ჰგრძნობდა თავს „რუსის კანონის“ ქვეშ. ცხოვრების ეს ახალი ჩარჩო მისთვის პირველ ხანებში ნამდვილი საღებავი იყო... და ეს გარჩევა მართლაც რომ სწორი გახლდათ. მაგრამ შემცთარი აზრი იქნება, თუ ვიფიქრებთ, რომ გლეხთა მასა გონიერების გარეშე ბრმად შეხვდა ამ პოლიტიკურ გადატრიალებას; პირიქით ის გაფაციცებით აღევნებდა თვალყურს ამ ახალი სტუმრის პოლიტიკას, მის წესწყობილების სახეობას და ყოველივე ძველის, დაგმობილი სიღუბეების განმეორება-განახლებისთანავე ის ფეხზე იდგა წინანდებურად შეკავშირებულ-შედუღებულნი. საკმა-



რისია გავიხსენოთ საიჩუოს და ნახუნუუს (დეკემბერში) აჯანყებანი, ძველი დაგმობილი უსამართლოების აღდგენის ცდაზე აღმოცენებული. ჩაუუკვირდეთ ამ აჯანყების მთლიან ვითარებას და მის თანდათანობით განვითარებას, განსაკუთრებით კი ყურადღება მივაქციოთ იმ გარემოებას, რომ გლეხმა ახლა უკვე რუსის ადმინისტრაციას დაუშინა იარაღი თავად-აზნაურობის ქომაგობის გამო, რომ ჩვენთვის აშკარა შეიქნეს ეს კემმარტი დებულება. სამეგრელოს 1857 წ. გლეხების აჯანყების ისტორიაში არა ნაკლებ საინტერესოა ისიც, რომ ამ აჯანყებამ თავის სარბიელზე გაიარა რამოდენიმე ეტაპი: დაიწყო ის, როგორც აღენიშნეთ, სალიპარტიანოში იანვრის თვეს 1857 წ. და თებერვალ-მარტში აჯანყებამ დაიპყრო მთელი სამეგრელო: მოძრაობის მთავარ ძალას, უტუს ლაშქარს, არ დაუტოვებია არცერთი სოფელი, არცერთი უბრალო კუთხეც კი, სადაც ურჩი ძალების გაწმენდის შემდეგ მას იქ ჯარ დაენიშნოს თავისი რწმუნებული“ (ხელოსანი). როდესაც ამ რიგად დაწყებული მოძრაობა მოედვა მთელ სამეგრელოს და შექმნა თავისი „დროებითი მმართველობა“ (ibidem. 107), ხალხმა უტუ აღჭურვა „დადია“ ან „კეისრის“ უფლებით, აჯანყებამ მიაღწია უმაღლეს დონეს და ძველი მმართველობის გადაყენებით, მთელი სამეგრელოს დაუფლებითა და „დროებითი მმართველობის“ შექმნით, მან მოახდინა ერთგვარი გადატრიალება...

წარმოუდგენელია, რომ ეს მოძრაობა უდიდესი მნიშვნელობის არ ყოფილიყო: მართალია, უცხო ჯარით დამორჩილების გამო ამ უაღრესად განვითარებულმა პროტესტმა ვერ შესძლო წარდგენილ მოთხოვნილებებში maximum-ის განხორციელება („კაცის კაცი არ უნდა არსებობდესო“), მაგრამ minimum-ის განაღდებას კი საგრძნობლად მიაღწია:

ა) გაათავისუფლა რამოდენიმე ათასი მოახლე-მოსამსახურე მებატონეთა უღლისაგან და მისცა მათ დაქორწინების საშუალება, რაც რუსების შემოსვლის შემდეგ იურიდიულად უნდა დარღვეულიყო ხელახლა და ჩამდგარიყო ძველს კალაპოტში, მაგრამ ფაქტურად ის მაინც შეურყეველი დარჩა მომეტებულ შემთხვევაში ტექნიკურ დაბრკოლებათა გამო;

ბ) აჯანყებამ მოსპო სამუდამოდ ყმის ყიდვა-გაყიდვა და მითვაჭრობა;

გ) მოჯალაბეებს მიეცა საშუალება დასახლებულიყო, სადაც მოისურვებდა, ოღონდ მებატონის ბეგარა უნდა ეკისრა;

დ) ორი ბატონის ნაცვლად გლეხს სამსახური ერთი ბატონისთვის უნდა გაეწია;

ე) გაუქმებულ იქნა წინანდელი სატანჯი იარაღები (ხუნდები, ქანჩები, ხაჯალურები) და გლესს მიეცა საშუალება საჩივრის აღძვრისა ყოველივე უსამართლოების თაყიდან ასაცილებლად.

ასეთია დაახლოებით ამ აჯანყების მნიშვნელოვანი მთავარი მუხლები. მაგრამ არ შეიძლება დუმილით გვერდი ავხვიოს ერთ ღირშესანიშნავ საკითხს: სამცგრელოს გლესურმა აჯანყებამ ფრიად მწვავედ დააყენა საკითხი ბატონყმობის რეფორმათა საკუროების შესახებ<sup>1</sup>.

მართლაც ამ აჯანყების შემდეგ რეფორმათა აუცილებლობა ისეთ საკურობოროტო საკითხად გადაიქცა, რომ მას თვით მოწინააღმდეგე კლასებიც ჰკრძნობდნენ და გლესი კი მით გათამამებული ბატონ-ყმობის სრულ გაუქმებამდე თანდათან ფართე უფლებებსა და შეღავათებს იძენდა.<sup>2</sup>

რომ ნათლად წარმოსადგენი შეიქნეს ჩვენი მონოგრაფიის პოზიტიური ნაწილის შინაარსი, საკუროდ ვთვლი ცალკე დებულებებში მის გამოხატვას.

1857 წლ. გლესების აჯანყების პრაგმატიული ხაზი სამეგრელოში უნდა განისაზღვროს ორის შინაურისა და გარეშე მიზეზების ურთიერთობით:

ა) შინაურ მიზეზებად უნდა მივიჩნიოთ: ბატონ ყმობის ზოგიერთი მძაფრი მხარეები მე-XIX სკ. მეორე ნახევარში; უკანასკნელ მმართველთა (დავით-ეკატერინეს) ხაშინაო უვარგისი პოლიტიკა.

ბ) გარეშე მიზეზად კი: ყირიმის ომის გავლენა სამეგრელოს ხოციალ-პოლიტიკურ ვითარებაზე და მასთან დაკავშირებით დასავლელების შუქის შემოჭრა სამეგრელოში.

გ) გლესების აჯანყების გამოსავალი წერტილი უნდა ვეძიოთ ამ ორ მიზეზთა ურთიერთობაში, ხოლო დასაბამი ამ აჯანყებისა წარმოშვა სალხინოს სასახლის ირგვლივ მომხდარმა გაფიცვამ.

<sup>1</sup>) სამეგრელოში ბატონ ყმობის გაუქმების მანიფესტი გამოცხადდა დეკემბერს 1866 წელს. გლესსა და მემამულეს შორის დაიდვა გარიგების მთავარ-სიგელი (уставный грамоты), სადაც აღნიშნული იყო მიწის ზომა და აგრეთვე უფლება 9 წლის განმავლობაში აღძრა საჩივრები სადავო საკითხების შესახებ. მაგრამ ამ ხნის განმავლობაში მებატონეებმა ისე დაიქირეს თავი, რომ გლესს არ დასკირებია საჩივრის წარმოება; ხოლო როდესაც (9 წლის გასვლის შემდეგ) გლესს გასაჩივრების უფლება დაეკარგა, თავად-აზნაურობა ისევ ძველებურად დააწვა გლესებს, რამაც დაახლოებით 1875-6 წლ. ახლო „ლაკადის“ მასშტაბით გამოიწვია ცნობილი „ღეჭურ წუმეს ბუნტი“ ხუფე ჯალაღანიასა და ქვაშტი ფიფიას მეთაურობით.

<sup>2</sup>) იხ. С. А. Аваляни, Крестьян. вопрос в Закавказьи, Одесса 1912, გვ. 175.

დ) აჯანყების მიზანი და საერთოდ მისი ლოზუნგები სოციალური ხასიათისაა, იგი მიმართული იყო ბატონ-ყმობის საწინააღმდეგოდ (თუმცა განვითარების პროცესში მას პოლიტიკური მხარეც დაერთო).

ე) აჯანყებას აქვს ორგანიზაციული სახე და საკმაოდ მომწიფებული დისციპლინური აქტივობა ახასიათებს.

ვ) უტუ მიქავა ხდება გლახთა ლაშქრის მთავარსარდალი და საერთოდ უზენაესი დაქტატორი („დაღია“ ან „კეისარი“), რასაც ხელს უწყობდა მისი პიროვნების ობიექტური და სუბიექტური მხარეები.

ზ) აჯანყების ლიკვიდაცია წარმოებს მხოლოდ გარეშე, რუსეთის ჯარის, მოწვევა-ჩარევით, რათაც ბოლო ედება სამეგრელოს ავტონომიასაც.

თ) აჯანყებამ ითამაშა მნიშვნელოვანი როლი, როგორც საერთოდ ბატონ-ყმობის რეფორმათა შემოღების შესახებ საკითხის მწვავე დაყენებაში, ისე კერძოდ სამეგრელოში გლახების მიერ მრავალგვარი შეღავათების მოპოვებაში.

## წყაროები

ამ მონოგრაფიის შედგენის დროს უმთავრესად ვსარგებლობდი:

ა) საარქივო მასალებით, რომელშიაც დაცულია ოფიციალური მიწერ-მოწერა ამ აჯანყების შესახებ. მაგრამ ოფიციალური მიწერ-მოწერა, რომელიც მუდამ ეყრდნობა გამოძიების პროცესს, სადაც დამნაშავე მხარე ყოველთვის ცდილობს თავის გამართლებას, ერთია და ისტორიული სინაზღვილე—მეორე... ამიტომ საარქივო მასალების ყოველგვარი ასეთი საეკვო ღირსების ადგილები შევეუფარდე სხვა ასეთ შემთხვევაში უფრო სანდო წყაროებს. ამ საარქივო მასალების მომეტებული ნაწილი უკვე გამოცემულია კავკასიის არქეოგრაფიული კომისიის მიერ, ტომი XII, მეორე ნაწილი, 1856-1862 წლ., ტფილისი 1893 წელი. ამ წყაროს სათაურს ჩვენ შემოკლებულად ასე ვხმარობთ: Ak. Kav. Arch. Kom.

ბ) მოგონებებით. სწორედ მოგონებანი ღირსებით უფრო სუფთა და სანდო მასალის შემცველნი არიან, ვიდრე ოფიციალური მიწერ-მოწერანი. ამ მხრივ ყურადღების ღირსია სენაკის ყოფილი ოლქის მმართველ კ. ა. ბოროზდინის მოგონებანი: Закаявказская воспоминания, Мингрелия и Сванетия с 1854 по 1861 года К. А. Бороздина, СПб. 1885 г., სადაც მოცემულია ამ აჯანყების ზოგადი შტრიხები. ეს წიგნი შეიცავს ორს ნაწილს ავტორის მოგონებებისას სამეგრელოს შესახებ: პირველი იბეჭდებოდა რუსულად. სამხედრო კრებულში 1873 წელს „ომერ-ფაშა სამეგრელოში“-ს სათაურით; მეორე კი 1885 წლის „ისტორიულ მოამბეში“: „ორი სამთავროს (სამეგრელო-სვანეთის) გაუქმების“ სახელწოდებით. ერთი ნაწილი ამ წერილებისა ითარგმნა ქართულად „დროების“ 1885 წლ. № № №-ებში, დანარჩენი ნაწილი კი „მოამბის“ 1898-1899 წლ. № №-ში. თარგმნა ბ. თ. სახოკიამ (მასვე აქვს თარგმნილი ამავე ავტორის წიგნაკი „Крепостное состояние в Мингрелии. დაბეჭდილია იმავე „მოამბე“-ში).

მიუხედავად იმისა, რომ ავტორი გულახდილად გვიპირდება „ამ საინტერესო ეპიზოდის ყველა გარემოების თხრობას sine ira et stu-

პიო“, მაინც მისი ზერელე გადაკითხვითაც შეიძლება ეს პირობა დარღვეულად ჩაითვალოს. ავტორს არ შეეძლო სავსებით გაეთავისუფლებია თავი რუსული ტენდენციისაგან, რუსული მმართველობისა და სამხედრო ძლიერების გადაჭარბებული წარმოდგენისაგან, თუცა ამასთან ერთად არ შეიძლება არ ითქვას, რომ მის კალამს არ ეტყობოდეს მომწიფებული ტონი და დიპლომატიური სული.

გ) დეკ. თედორე ხოშტარიას ხელთნაწერით, რომელიც განსვენებულ ისტორიკოს თედო ჟორდანიას გადაუცია თედო სახოკიასთვის. ამ მოგონების 3-4 ფურცელი ამ აჯანყებას აშუქებს და მოცემულია მეტად სხარტული და მკრთალი სურათი.

დ) საკუთრად მოპოებული საბუთებით, როგორც სამეგრელოს სხვადასხვა ადგილებში, ისე სამეგრელოს მუზეუმში (ქ. ზუგდიდში).

ე) სიტყვიერი გადმოცემით იმ მოხუცებულებისაგან, რომელთაც, როგორც აჯანყების თვითმხილველთ და მონაწილეთ, მახვილი მახსიერების წყალობით ჯერ კიდევ ნათლად აქვთ შერჩენილი მოგონებანი მოძრაობის დასაწყისისა და მისი თანდათანობითი მსვლელობის შესახებ. მაგრამ შეცთომამაში რომ არ ყოფილიყავ შეყვანილი, საკირო იყო ამ მოხუცებულებთან სჯა-ბაასში დიდი სიფრთხილე და განსაკუთრებით კი გადმოცემათა შედარება ერთმანეთთან და წყაროებით მოღწეულ ისტორიულ ფაქტთან, რომ ამით გამოკვეულიყო ისტორიული სინამდვილე საერთო ენის მიხედვით. ამ თვალსაზრისით მე ადგილი დავუთმე მხოლოდ ისეთ გადმოცემათა ცნობებს, რომლებიც აკმაყოფილებდნ ზემოაღნიშნულ მოთხოვნილებას. ამ მიზნით მე დავყავ 1920-1923 წლ. ყველა იმ მთავარ ადგილებში, რომლებიც განსაკუთრებით იღებდნ მონაწილეობას ამ აჯანყებაში.

ვ) სხვადასხვა გამოცემებით, რომელთაც აქვთ მეორეხარისხოვანი მნიშვნელობა, მაგ:

1. Утверждение Русскаго владычества на Кавказе с 1801-1901 года под. ред. ген.-м. Потто, Тифлис 1900 г.

2. С. А. Авалиани, Крестьянский вопрос в Закавказии, Одесса 1912 г.

3. არქანჯელო ლამბერტი, სამეგრელოს აღწერა, თარგ. ალ. კუონიასი, ტფილისი 1901 წ.

4. S. Mourier, La Mingrelie, Odessa 1883.
5. Из прошлого Мингрелии К. А. Бороздина, 1897 г.
6. И. Кипшидзе, Грамматика мингрельского (иверского) языка со словарем и хрестоматией, Спб. 1914 г.
7. Moritz Wagner, Reise nach Kolchis, Leipzig 1850.
8. მოჯალაბე, ისტორიული მოთხრობა კირილე წუთისოფ-  
ლელისა: „სახალხო საქმის“ დამატებები, 1914 წელი, № № 7-21.
9. Хр. Гроздов, Сборник мингрельских народных песен,  
Кутаис 1890 г.
10. Иосиф Кобалиа, Из мненческой Колхиды და სხვა...

## ს ა რ ჩ ე ვ ი:

წინასიტყვაობა . . . . .	33
I. აჯანყების სოციალ-პოლიტიკური საფუძვლები [ . . . . .	5-33
II. გლეხური მმართველობის დამყარება. . . . .	34-41
III. რუსეთის ჯარის შემოსვლა და გლეხთა მმართველობის ლიკვიდაცია . . . . .	42-48
IV. მდგომარეობის გამწვავება და სამეგრელოს ავტონომიის გაუქმება . . . . .	49-58
V. საიჩუოსა და ნახუნუეს გლეხთა აღელვებანი და მათი ჩა- ქრობა . . . . .	59-65
VI. უტუ მიქავას პიროვნება . . . . .	66-74
VII. აჯანყების ხასიათი და მნიშვნელობა . . . . .	75-88
წყაროები . . . . .	89-91

## მთავარ უმცლრმათა გასწორება

გერდი	სტრიქონი	დაბეკდილია:	უნდა იყოს:
10	16	სამათლიანი	სამართლიანი
11	28	chef le cuisine	chef de cuisine
13	34	სტაეროპოლის	სტაეროპოლის
13	38	ხარქივო	სარქივო
24	16	ბატონბდა	ბატონობდა
29	12	ზუდიდიდან	ზუგდიდიდან
31	38	Peise nach Kolchis	Reise nach Kolchis
37	3	სამეგრელოში	სამეგრელოში
37	14	მომზადებულმა	მომზადებულმა
43	34	სარუმე	სირუმე
46	34	დაქონწინებული	დაქორწილებული
53	16	მმათელობა	მმართველობა